

**SANCTI
GREGORII
PAPÆ 1.
REGULÆ
PASTORALIS...**

Gregorius 1.>

5.7.49.

~~112-8~~

S.B.9.

XXXIX

S. GREGORI

S A N C T I
G R E G O R I I
P A P Æ I.
R E G U L Æ P A S T O R A L I S
L I B E R

Ad Joannem Episcopum
Civitatis Ravennæ,

*Juxta celebrem Editionem Parisiensem
Monachorum, Ord. S. Benedicti*

PER BARTHOLOMÆUM CAMPAGNOLAM
ARCHIPRESB. S. CÆCILIÆ VERONÆ

*Ope duorum vetustiss. mss. Exemplarium Bibliothecæ
Amplissimi Capituli Veronensis non paucis in
locis emendatus, variisque lectioni-
bus illustratus.*



V E R O N Æ ,
Apud Dionysium Ramanzinum ,
M D C C X X X I X .
S U P E R I O R U M P E R M I S S U .

TYPOGRAPHUS VERONENSIS

LECTORI



Ureum hoc Opusculum, non minus Auctoris sui fama & sanctitate, quam doctrina & auctoritate commendatum, atque argumenti gravitate necessarium, cum plures pii doctique Viri separatim a voluminibus Operum magni Gregorii Papæ, & in commodam formam atque usum, sicuti antea non semel editum fuerat, deficientibus exemplaribus, frustra jam diu desiderarent, meis typis omnino recudendum statui. Cumque propterea ad editionem Lucensem anni 1712., ex Parisiensi Monachorum Ordinis Sancti Benedicti desumptam, animum converterim, ratus rem pergratam lectoribus me facturum, si illustriorem, quæ adhuc prodierit, editionem innovarem: opportune inter hæc,

*

2

a

a Bartholomæo Campagnola Archipresbytero Sanctæ Cæcilie, & Amplissimi Capituli nostri Veronensis Cancellario, ipsam Lucensem editionem cum duobus vetustissimis Codicibus Capitularis Bibliothecæ, qui octingentorum annorum antiquitatem præferre putantur, diligenter collatam, & non paucis in locis, eorundem Codicum auctoritate, emendatam, variisque Lectionibus illustratam fuisse comperi. Quare in spem erectus præteritis editionibus novum hinc lumen atque splendorem accedere posse, ab humanissimo Campagnola, qui sponte sua hæc in primis studia colit & fovet, emendationes ipsas variasque lectiones impetrare solícite curavi. His igitur ditatam emendationibus editionem æquo, Lector, accipe animo, & meis typis Pastores æque, ac greges instruentem excipe magnum Gregorium. Ex celeberrima enim hac Gregoriana

na Pastoralis Regula, non solum animarum Pastores, qua ratione gregem sibi commissum utiliter curent & pascant, plenissime intelligent: verum etiam, in tertia potissimum ejusdem Regulæ parte, quomodo & perditionis viam declinare, & vitiis animique pravis passionibus domitis, planam salutis semitam percurrere, atque ad æternæ beatitudinis portum feliciter pervenire valeat, quisque Christi fidelis invenire facile, ac per se cognoscere, & percipere poterit. Vale.



NOI RIFORMATORI
dello Studio di Padova.

A Vendo veduto per la Fede di
Revisione, ed Approbazione
del P. F. *Lauro Maria Piccinelli In-*
quisitore di Verona nel Libro intito-
lato: *Sancti Gregori Pape Primi Re-*
gule Pastoralis liber, non v'esser cos'
alcuna contro la Santa Fede Cattoli-
ca; e parimente per attestato del
Segretario Nostro, niente contro
Principi, e buoni costumi, concede-
mo Licenza a *Dionigi Ramanzini*
Stampator in Verona che possi esser
stampato, osservando gli ordini in
materia di Stampe, e presentando le
solite Copie alle Pubbliche Librarie
di Venezia, e di Padoa.

Dat. 30. Aprile 1739.

✧ *Z. Pietro Pasqualigo Rif.*

✧

✧ *Daniel Bragadin Kav. Pr. Rif.*

Reg. in lib. A cart. 4.

Agostino Gadaldini Segr.
LE-

LECTORI

PEREGRINUS FREDIANI

TYPOGRAPHUS LUCENSIS.



M Iraberis fortasse, Humanissime
Lector, tot editionibus claris-
simum Opus per me iterum lu-
ce donatum, publicæque Lectorum com-
moditati restitutum. Operum autem,
& Armorum par ratio; ut quæ opti-
ma, quæque utiliora sæpius recudan-
tur in communem usum cessura. Quam
autem percepturus sis ex hoc opusculo
utilitatem tuam lectione facilius, quam
nostra admonitione percipies. De hoc
tantum, ut ingenui sum capitis, te
monitum vellem. Hactenus edita in-
fortunium hoc subierunt, quod ab er-
rorum fece expurgata numquam, aut
raro quidem prodire. Variis interim
lectionibus, & aliorum Codicum com-
mentis tam salebrofa, ut laciniosis du-
biisque verbis lectorem potius impe-
diant, quam erudiant. In his vitan-
dis sedulus, diu anceps hærebam. Pa-
risiensi tandem editioni studio, & la-
bore

bore Monachorum S. Benedicti auctæ,
& illustratæ, quæ indubitatæ Fidei
Gregoriana Opera complexa est, non
tam pretium, quam compendium ope-
ræ facturum duxi si accessissem: eam
quam castigatissimam ratus. Feci: sed
fateor sero monitus non paucas inesse
mendas, te rogandum putavi, ut eas,
& si quæ aliæ mibi irrepserint, corri-
gas. Vale.

Luce viii. Kal. Martij 1712.



Ego

EGO infrascriptus fidem facio ;
me, ex ordine, & mandato Il-
lustriss. & Reverendiss. D. Vincen-
tii Torre Vicarii Gen. hunc librum,
cui Titulus : *Sancti Gregorii Papæ
Regulæ Pastoralis liber* : perlegisse ,
& cum suo Originali existenti inter
Opera dicti S. Pontificis noviter im-
pressa Parisiis de Anno 1706. studio,
& labore Monachorum Ordinis S. Be-
nedicti , contulisse , & in omnibus
eidem Originali de verbo ad verbum
respondentem invenisse: in quorum
fidem, &c.

*Ego Joannes Dominicus Banducci
Sacerdos*



Imprimatur

VINCENTIUS TORRE VICA-
RIUS GEN.

HORATIUS DONATI PRO ILLUSTRISS.
OFF. SUP. JURISD. PRÆP.

TA



T A B U L A
CAPITULORUM
LIBRI PASTORALIS
B. GREGORII
P A P Æ.

- CAP. I. **N** *Ne venire imperiti ad magisteriam andeant.* pag. 3
- CAP. II. *Ne locum regiminis subeant qui vivendo non perficiunt, quæ meditando didicerunt.* 6
- CAP. III. *De pondere regiminis, & quod aduersa quæque despicienda sunt, & prospera formidanda.* 8
- CAP. IV. *Quod plerumque occupatio regiminis soliditatem dissipat mentis.* 10
- CAP. V. *De hijs, qui in regiminis culmine prodesse exemplo virtutum possunt, sed quietem propriam sectando, refugiant.* 13
- CAP. VI. *Quod hi qui pondus regiminis per humilitatem fugiunt, tunc vere sunt humi-*

T A B U L A.

humiles, quum divinis judiciis non re-
luſtantur. 16

CAP. VII. *Quod nonnumquam prædica-*
tionis officium & nonnulli laudabiliter
appetunt, & ad hoc nonnulli laudabili-
ter coacti pertrahuntur. 17

CAP. VIII. *De his, qui præſſe concu-*
piscunt, & ad uſum ſuæ libidinis in-
ſtrumentum Apoſtolici ſermonis arri-
piunt. 19

CAP. IX. *Quod mens præſſe volentium*
plerumque ſibi ficta bonorum operum pro-
miſſione blanditur. 21

CAP. X. *Qualis quiſque ad regimen ve-*
nire debeat. 24

CAP. XI. *Qualis quiſque ad regimen ve-*
nire non debeat. 26

SECUNDA PARS.

CAP. I. **I***s, qui ad regimen ordinate*
pervenerit, qualem ſe in ipſo
regimine debeat exhibere. 33

CAP. II. *Ut Rector cogitatione ſit mun-*
duſ. 34

CAP. III. *Ut Rector ſemper ſit operatio-*
ne præcipuus. 37

CAP. IV. *Ut ſit Rector diſcretuſ, in ſi-*
lentio, utiliſ in verbo. 41

CAP. V. *Ut ſit Rector ſinguliſ compaſſio-*
ne proximuſ, præ cunctiſ contemplatio-
ne ſuſpenſuſ. 47

CAP.

T A B U L A.

- CAP. VI.** *Ut sit Rector bene agentibus per humilitatem socius ; contra delinquentium vitia per Zelum justitiæ erectus.* 51
- CAP. VII.** *Ut sit Rector internorum curam in exteriorum occupatione non minuens exteriorum providentiam in internorum sollicitudine non relinquens.* 62
- CAP. VIII.** *Ne placere Rector suo studio hominibus appetat , sed tamen ad quod placere debeat , intendat.* 71
- CAP. IX.** *Quod scire sollicite Rector debet , quia plerumque vitia virtutes se esse mentiuntur .* 75
- CAP. X.** *Quæ esse debet Rectoris discretio correctionis & dissimulationis , fervoris & mansuetudinis.* 76
- CAP. XI.** *Quantum Rector sacre legis meditationibus esse debeat intentus.* 86

T E R T I A P A R S.

- CAP. I.** *Q*uanta debet esse diversitas in arte prædicationis . 90
- CAP. II.** *Quomodo admonendi sunt viri , & feminae.* 93
- CAP. III.** *Quomodo admonendi sint juvenes , & senes.* ibid.
- CAP. IV.** *Quomodo admonendi sint inopes & divites.* 94
- CAP. V.** *Quomodo admonendi lati , & tristes.* 97
- CAP.**

T A B U L A.

CAP. VI. <i>Quomodo admonendi subditi & prelati.</i>	98
CAP. VII. <i>Quomodo admonendi servi & Domini.</i>	104
CAP. VIII. <i>Quomodo admonendi sapien- tes, & bebetes.</i>	105
CAP. IX. <i>Quomodo admonendi impuden- tes, & verecundi.</i>	107
CAP. X. <i>Quomodo admonendi protervi, & pusillanimes.</i>	109
CAP. XI. <i>Quomodo admonendi sint im- patientes, & patientes.</i>	112
CAP. XII. <i>Quomodo admonendi benevo- li, & invidi.</i>	120
CAP. XIII. <i>Quomodo admonendi simpli- ces, & versipelles.</i>	124
CAP. XIV. <i>Quomodo admonendi sunt incolumes & egri.</i>	129
CAP. XV. <i>Quomodo admonendi qui fla- gella metuunt, & qui contemnunt.</i>	137
CAP. XVI. <i>Quomodo admonendi taciturni, & verbosi.</i>	141
CAP. XVII. <i>Quomodo admonendi pi- gri, & precipites.</i>	147
CAP. XVIII. <i>Quomodo admonendi mansueti, & iracundi.</i>	150
CAP. XIX. <i>Quomodo admonendi hu- miles, & elati.</i>	156
CAP. XX. <i>Quomodo admonendi per- tinaces, & inconstantes.</i>	160
CAP. XXI. <i>Quomodo admonendi qui intemperantius, & qui parcius cibo utuntur</i>	163
CAP.	

T A B U L A.

CAP. XXII. <i>Quomodo admonendi qui sua distribuunt, & qui rapiunt aliena.</i>	169
CAP. XXIII. <i>Quomodo admonendi qui aliena non appetunt, sed sua retinent; & qui sua tribuentes, aliena tamen rapiunt.</i>	177
CAP. XXIV. <i>Quomodo admonendi sunt discordes & pacati.</i>	182
CAP. XXV. <i>Quomodo admonendi qui jurgia ferunt, & pacifici.</i>	189
CAP. XXVI. <i>Quomodo admonendi rudes in doctrina sacra, & docti, sed non humiles.</i>	195
CAP. XXVII. <i>Quomodo admonendi qui officium predicationis nimia humilitate detrectant, & qui precipiti festinatione occupant.</i>	201
CAP. XXVIII. <i>Quomodo admonendi quibus omnia ex sententia succedunt, & quibus nulla.</i>	208
CAP. XXIX. <i>Quomodo admonendi conjugati, & calibes.</i>	214
CAP. XXX. <i>Quomodo admonendi peccata carnis experti, & eorum expertes.</i>	221
CAP. XXXI. <i>Quomodo admonendi qui peccata operum lugent, & qui solum cogitationum.</i>	229
CAP. XXXII. <i>Quomodo admonendi qui a peccatis quæ deslent, non abstinent; & qui cum abstineant, non deslent.</i>	235

CA-

T A B U L A.

- CAP. XXXIII.** *Quomodo admonendi qui illicita, quorum sunt conscii laudant; & qui condemnantes, minime tamen cavent.* 241
- CAP. XXXIV.** *Quomodo admonendi qui subito motu & qui consulto peccant.* 244
- CAP. XXXV.** *Quomodo admonendi qui minimis, sed crebris noxis: & qui minimas caventes gravibus aliquando immerguntur.* 249
- CAP. XXXVI.** *Quomodo admonendi qui bona nec inchoant, & qui inchoata non absolvunt.* 253
- CAP. XXXVII.** *Quomodo admonendi qui mala clam, & bona palam faciunt; ac qui versa vice.* 259
- CAP. XXXVIII.** *De exhortatione multis exhibenda, ut singulorum virtutes adjuvet, quatenus per hanc contraria virtutibus vitia non excrescant.* 264
- CAP. XXXVIII.** *De exhortatione quæ uni adhibenda est contrariis passionibus laboranti.* 266
- CAP. XL.** *Quod aliquando leviora vitia relinquenda sunt, ut graviora subtrahantur.* 268
- CAP. XLI.** *Quod infirmis mentibus omnino non debent alta prædicari.* 270.
- CAP. XLII.** *De opere prædicatoris, & voce.* 272

QUAR-

T A B U L A:
Q U A R T A P A R S.

Caput unicum.

Qualiter prædicator, omnibus vi-
te peractis, ad semetipsum rede-
at, ne hunc vel vita, vel prædica-
tio extollat. 274

In Codicibus ita sequitur principium.

IN NOMINE SUMMI DEI JESU
CHRISTI INCIPIT LIBER RE-
GULÆ PASTORALIS GREGO-
RII PAPÆ URBIS ROMÆ SCRIP-
TUS AD JOHANNEM EPISCO-
PUM RAVENNATEM.



SAN. .



S A N C T I

G R E G O R I I

P A P Æ

R E G U L Æ P A S T O R A L I S

L I B E R

Ad Joannem Episcopum
Civitatis Ravennæ.

P R I M A P A R S.

*Reverendissimo, & sanctissimo Fratri Jo-
anni Coepiscopo, Gregorius.*



Astoralis curæ me
pondera fugere de-
litescendo voluisse,
benigna, Frater ca-
rissime, atque(a) hu-
mili intentione re-
prehendis, quæ ne
quibusdam levia esse

videantur, præsentis libri stylo expri-
mo de eorum gravedine omne quod
penso, ut & hæc qui vacat, incaute

A non

(a) *Cod. Veron. humilissima.*

2 *S. Gregorii Reg. Pastoralis* ;
non expetat, & qui incaute expetiit,
adeptum se esse pertimescat. Quadripartita vero disputatione liber iste distinguitur, ut ad lectoris sui animum ordinatis allegationibus quasi quibusdam passibus gradiatur. Nam, cum rerum necessitas exposcit, pensandum valde est ad culmen quisque regiminis qualiter veniat; atque ad hoc rite perveniens qualiter vivat; & bene vivens qualiter doceat; & recte docens infirmitatem suam quotidie quanta consideratione cognoscat: ne aut humilitas accessum fugiat; aut perventioni vita contradicat; aut vitam doctrina destituat; aut doctrinam præsumptio extollat. Prius ergo appetitum timor temperet; post autem magisterium, quod a non quærente suscipitur, vita commendet; ac deinde necesse est, ut Pastoris bonum, quod vivendo ostenditur, etiam loquendo propagetur. Ad extremum vero superest, ut perfecta quæque opera consideratio propriæ infirmitatis deprimat, ne hæc ante occulti arbitri oculos tumor elationis extinguat. Sed quia sunt plerique mihi imperitia similes, qui dum metiri se nesciunt, quæ non didicerint, docere concupiscunt; qui (a) pondus magisterii tanto levius

(a) *Cod. quia.*

levius æstimant, quanto vim magnitudinis illius ignorant, ab ipso libri hujus reprehendantur exordio, ut quia indocti, ac præcipites doctrinæ arcem tenere appetunt, a præcipitationis suæ ausibus in ipsa locutionis nostræ janua repellantur.

CAPUT PRIMUM.

*Ne venire imperiti ad magisterium
audeant.*

Nulla ars doceri præsumitur, nisi intenta prius meditatione discatur. Ab imperitis ergo pastorale magisterium qua temeritate suscipitur, quando ars est artium regimen animarum. Quis autem cogitationum vulnera occultiora esse nesciat vulneribus viscerum? Et tamen sæpe qui nequaquam spiritalia præcepta cognoverunt, cordis se medicos profiteri non metuunt, (a) dum qui pigmentorum vim nesciunt, videri medici carnis erubescunt. Sed quia, auctore Deo, ad religionis reverentiam omne jam præsentis sæculi culmen inclinatur, sunt nonnulli, qui intra sanctam Ecclesiam per speciem regiminis gloriam affectant honoris; vide-

A 2 ri

(a) al. *Cod. dumque.*

4 S. Gregorii Reg. Pastoralis,

Matth.
23. v. 6,
7.

ri Doctores appetunt, transcendere cæteros concupiscunt, atque, attestante Veritate Secundum Matthæum, primas salutationes in foro, primos in cænis recubitus, primas in conventibus Cathedras quærunt: qui susceptum curæ pastoralis officium ministrare digne tanto magis nequeunt, quanto ad humilitatis magisterium ex sola elatione pervenerunt. Ipsa quippe in magisterio lingua confunditur, quando aliud discitur, & aliud docetur. Quos contra Dominus per

Ose. 8. v.
4.

Prophetam Osee queritur, dicens: *Ipsi regnaverunt, (a) & non ex me, principes extiterunt, & ego ignoravi.* Ex se namque, & non ex arbitrio summi Rectoris regnant, qui nullis fulti virtutibus, nequaquam divinitus vocati, sed sua cupidine accensi, culmen regiminis rapiunt potius, quam assequuntur. Quos tamen internus iudex & provehit, & nescit, quia quos permittendo tolerat, profecto per iudicium reprobationis ignorat. Unde ad se quibusdam & post miracula venientibus secundum Lucam dicit: *Recedite a me, operarii iniquitatis, nescio qui estis.* Palorum imperitia voce Veritatis increpatur, cum per Prophetam Isaiam dicitur: *Ipsi Pastores ignoraverunt intel-*

Luc. 13.
v. 27.

Isa. 56.
v. 12.

ligen-

(a) al. *Ced sed non a me.*

ligentiam. Quos rursus Dominus de-
 testatur per Jeremiam dicens: *Et te-* Jer. 2. 9.
nentes legem nescierunt me. Et nesciri
 ergo se ab eis Veritas queritur, &
 nescire se principatum nescientium
 protestatur: quia profecto hi qui
 ea, quæ sunt Domini nesciunt, a Do-
 mino nesciuntur, Paulo attestante ad 1. Cor. 14.
 Corint. 1. , qui ait: *Si quis autem igno-* v. 18.
rat, ignorabitur. Quæ nimirum Pasto-
 rum sæpe imperitia meritis congruit
 subjectorum; (a) quia quamvis lumen
 scientiæ, sua culpa exigente, non
 habeant, districto tamen judicio agi-
 tur, ut per eorum ignorantiam hi e-
 tiam qui sequuntur, offendant. Hinc
 namque in Evangelio secundum Mat- Matth.
 thæum per semetipsam Veritas dicit: 13. v. 14.
Si cæcus cæco ducatum præbeat, ambo in
foream cadunt. Hinc Psalmista non op-
 tantis animo, sed prophétantis mi-
 nisterio in Psalmo 68. denunciât, di- Ps. 68.
 cens: *Obscurentur oculi eorum ne videant,* v. 24.
& dorsum illorum semper incurva. Oculi
 quippe sunt, qui in ipsa honoris sum-
 mi facie positi, providendi itineris
 officium susceperunt: quibus hi nimi-
 rum, qui subsequenter inhaerent, dor-
 sa nominantur. Obscuratis ergo ocu-
 lis, dorsum flectitur, quia cum lu-
 men scientiæ perdunt qui præeunt,

A 3

pro-

(a) Cod. qui quauvis.

6 S. Gregorii Reg. Pastoralis,
profesto ad portanda peccatorum cur-
vantur onera qui sequuntur.

C A P U T I I.

*Ne locum regiminis subeant qui vivendo
non perficiunt, quæ meditando
didicerunt.*

*Ezech.
34. v. 12.
6. 19.*

ET sunt nonnulli, qui solerti cura
spiritalia præcepta (a) perscru-
tantur, sed quæ intelligendo pene-
trant, vivendo conculcant, repen-
te docent quæ non opere, sed medita-
tione didicerunt, & quod verbis præ-
dicant, moribus impugnant. Unde
fit, ut, cum Pastor per abrupta gra-
ditur, ad præcipitium grex sequatur.
Hinc namque per Prophetam Ezechie-
lem Dominus contra contemptibilem
Pastorum scientiam queritur, dicens:
*Cum ipsi limpidissimam aquam biberitis,
reliquam pedibus vestris turbabitis, & oves
meæ quæ conculcata pedibus vestris fuerant,
pascabantur, & quæ pedes vestri turbave-
rant, hæc bibebant. Aquam quippe lim-
pidissimam Pastores bibunt, cum fluen-
ta veritatis recte intelligentes hau-
riunt. Sed eandem aquam pedibus
perturbare, est sanctæ meditationis
studia, male vivendo, corrumpere.*
Aquam

(a) *Cod. scrutantur.*

Aquam scilicet eorum turbatam pedibus oves bibunt, cum subjecti quique non sectantur verba quæ audiunt, sed sola quæ conspiciunt exempla pravitatis imitantur. Qui cum dicta sitiunt, quia per opera pervertuntur, quasi corruptis fontibus, in potibus lutum sumunt. Hinc quoque scriptum est in Osee Propheta: *Laqueus* Osee 9. v. 1. & 9. v. 2. *ruinæ populi mei, sacerdotes mali.* Hinc rursum de sacerdotibus Dominus per Prophetam Ezechielem dicit: *Facti sunt* Ezech. 44. v. 12. *domui Israel in offendiculum iniquitatis.* Nemo quippe amplius in ecclesia nocet, quam qui perverse agens, nomen, vel ordinem sanctitatis habet. Delinquentem namque hunc redarguere nullus præsumit, & in exemplum culpa vehementer extenditur, quando pro reverentia ordinis peccator honoratur. Indigni autem quique tanti reatus pondera fugerent, si Veritatis sententiam sollicita cordis aures pensarent, quæ ait secundum Matthæum: *Qui scandalizaverit unum de pusillis istis, qui in me credunt, expedit ei* Matthæi 18. v. 6. *ut suspendatur mola asinaria in collo ejus, & demergatur in profundum maris.* Per molam quippe asinariam sæcularis vitæ circuitus, ac labor exprimitur, & per profundum maris extrema damnatio designatur. Qui ergo ad san-

Ætatis speciem deductus vel verbo
cæteros destruit, vel exemplo, me-
lius profecto fuerat, ut hunc ad mor-
tem sub exteriori habitu terrena acta
constringerent, quam sacra officia
in culpa cæteris imitabilem demon-
strarent; quia nimirum si solus cade-
ret, utcumque hunc tolerabilior in-
ferni pœna cruciaret.

CAPUT III.

*De pondere regiminis, & quod aduersa
quæque despicienda sunt, & pro-
spera formidanda.*

HÆc itaque breviter diximus, ut
quantum sit pondus regiminis
monstraremus, ne temerare sacra re-
gimina quisquis his impar est audeat,
& per concupiscentiam culminis, du-
catum suscipiat perditionis. Hinc e-
nim pie Jacobus prohibet, dicens:
Iacob. 3. v. 1. Nolite plures magistri fieri, fratres mei.
Hinc ipse Dei hominumque mediator
regnum percipere vitavit in terris,
qui supernorum quoque spirituum
scientiam, sensumque transcendens,
ante sæcula regnat in cælis. Scrip-
Joann. 6. v. 15. Iesus ergo cum cognovisset, quia venturi
essent, ut raperent eum, & facerent eum
re-

regem, fugit iterum in montem ipse solus.

Quis enim principari hominibus tam sine culpa potuisset, quam is qui hos nimirum regeret, quos ipse creaverat? Sed quia idcirco in carne venerat, ut non solum nos per passionem redimeret, verum etiam per conversationem doceret, exemplum se sequentibus præbens, rex fieri noluit, ad crucis vero patibulum sponte convenit; oblatam gloriam culminis fugit, pœnam probrois mortis appetiit; ut membra ejus videlicet discederent favores mundi fugere, terrores minime timere, pro veritate adversa diligere, prospera formidando declinare: quia & ista sæpe per tumorem (a) cor inquinant, & illa per dolorem purgant. In istis se animus erigit; in illis autem etiam, si quando se (b) crexerit, sternit. In istis se se homo obliviscitur, in illis vero ad sui memoriam nolens etiam, coactusque revocatur. In istis sæpe & anteacta bona depereunt; in illis autem (c) longi quoque temporis admiffa terguntur. Nam plerumque adversitatis magisterio sub disciplina cor premitur, quod si ad regiminis culmen eruperit, in elationem protinus

A 5

usu

(a) *Cod. coinquant.* (b) *Cod. crexerat.*

(c) *Cod. pro longi quoque, habent, longinquæ.*

10 S. Gregorii Reg. Pastoralis,

1. Reg. 10
v. 22. 15.
v. 17. usu gloriæ permutatur. In Reg. lib. 1.
sic Saul, qui indignum se prius con-
siderans, fugerat, mox, ut regni gu-
bernacula (d) suscepit, intumuit:
honorari namque coram populo cu-
piens, dum reprehendi publice no-
luit, ipsum qui in regnum se unxerat,
1. Reg. 15
v. 10. scidit. In eodem Libro sic David au-
ctoris iudicio, pene in cunctis actibus
placens, mox ut pressuræ pondere ca-
ruit, in tumorem vulneris erupit, fa-
ctusque est in morte viri crudeliter ri-
gidus, qui in appetitu fœminæ fuerat
2. Reg. 11
v. 1. & c. enerviter fluxus. Et qui malis ante
noverat pie parcere, in bonorum quo-
que necem post didicit sine obstaculo
1. Ibid. v.
25. retractationis anhelare. Prius quippe
ferire deprehensum persecutorem no-
luit, & post cum damno defudantis
exercitus etiam devotum militem ex-
tinxit. Quem profecto ab electorum
numero culpa longius raperet, nisi
hunc ad veniam flagella revocassent.

C A P U T IV.

*Quod plerumque occupatio regiminis
soliditatem dissipat mentis.*

Sæpe suscepta cura regiminis cor
per diversa diverberat, & impar
quis-

(d) Cod. *percepit.*

quisque invenitur ad singula, dum confusa mente dividitur ad multa. Unde quidā sapiens apud Salomonem libro quinto provide prohibet, dicens: *Ecd. 11. v. 10.* *Fili, ne in multis sint actus tui; quia videlicet nequaquam plene in uniuscujusque operis ratione colligitur, dum mens per diversa partitur; cumque foras per insolentem curam trahitur, a timoris intimi soliditate vacuatur: fit in exteriorum dispositione sollicita, & sui solummodo ignara scit multa cogitare, se nesciens. Nam cum plus quam necesse est se exterioribus implicat, quasi occupata in itinere, obliviscitur quo tendebat, ita ut a studio suæ inquisitionis aliena, ne ipsa quidem quæ patitur damna, consideret, & per quanta delinquat, ignoret. Neque enim peccare se Ezechias credit, cum venientibus ad se alienigenis aromatum cellas ostendit; sed in damnationem secuturæ prolis ex eo irā judicis pertulit, quod se facere licenter æstimavit. Sæpe dum multa suppetunt, dumque agi possunt quæ subjeçti, quia acta sunt, admirentur, in cogitatione se animus elevat, & plene in se iram judicis provocat, quamvis per iniqua foras opera non erumpat. Intus quippe est qui judicat, intus quod judicatur. Cum ergo in cor-*

4. Reg. 20. v. 13.

Isa. 19. v. 4.

de delinquimus, latet homines quod apud nos agimus, sed tamen, ipso iudice teste, peccamus. Neque enim Rex Babyloniae tunc reus de elatione extitit, cum ad elationis verba pervenit. Quippe qui ore prophetico & ante cum ab elatione tacuit, sententiam reprobationis audivit. Cul-
 pam namque perpetratae superbiae jam ante deterferat qui omnipotentem Deum, quem se offendisse reperit, cunctis sub se gentibus praedicavit. Sed post haec successu suae potestatis elevatus, dum magna se fecisse gauderet, cunctis prius in cogitatione se
 (a) prætulit; & post adhuc tumidus dixit: *Nonne haec est Babylon magna, quam ego aedificavi in domum regni, & in robore fortitudinis meae, & in gloria decoris mei?* Quae videlicet vox illius irae vindictam aperte pertulit, quam occulta elatio accendit. Nam districtus iudex prius invisibiliter vidit quod postea publice feriendo reprehendit. Unde & in irrationale animal hunc vertit, ab humana societate separavit, agri bestiis mutata mente conjunxit, ut districto videlicet, iustoque iudicio, homo quoque esse perderet, qui magnum se ultra homines aestimasset. Haec itaque proferentes non potestatem

Dan. 4.
v. 16. &c.

Dan. 4.
v. 27.

Ibid. 4.
28.

(a) *Cod. praefert, apud se tacitus dixit.*

tem reprehendimus, sed ab appetitu illius, cordis infirmitatem munimus. Ne imperfecti quique culmen arripere regiminis audeant, & qui in planis stantes titubant, in præcipiti pedem ponant.

CAPUT V.

De his, qui in regiminis culmine prodesse exemplo virtutum possunt, sed quietem propriam sectando, refugiunt.

NAm sunt nonnulli, qui eximia virtutum dona percipiunt, & (a) pro exercitatione cæterorum magnis muneribus exaltantur, qui studio castitatis mundi, abstinentiæ robore validi, doctrinæ dapibus referti, patientiæ longanimitate humiles, auctoritatis fortitudine erecti, pietatis gratia benigni, justitiæ severitate districti sunt. Qui nimirum, culmen regiminum si vocati suscipere renunt, ipsa sibi plerumque dona adiungunt, quæ non pro se tantummodo, sed etiam pro aliis acceperunt. Cumque sua, & non aliorum lucra cogitant, ipsis se, quæ privata habere appetunt, bonis privant. Hinc namque ad discipulos Veritas secundum

(a) *Cod. per exercitationem.*

Matth.
5. v. 15. dum Matthæum dicit : *Non potest civitas abscondi super montem posita , neque accendunt lucernam , & ponunt eam sub modio , sed super candelabrum , ut luceat omnibus , qui in domo sunt .* Hinc Petro secundum Joannem ait : (a) *Simon Joannis , amas me ?* Qui cum se amare protinus respondisset , audivit : *Si diligis me , pascere oves meas .* Si ergo dilectionis est testimonium cura passionis ; quisquis virtutibus pollens gregem Dei renuit pascere , Pastorem summum convincitur non amare . Hinc Paulus ad Corinthios 11. dicit : *Si Christus pro omnibus mortuus est , ergo omnes mortui sunt . Et si pro omnibus mortuus est , superest ut qui vivunt , jam non sibi vivant , sed ei , qui pro ipsis mortuus est , & resurrexit .* Hinc Moyses ait , ut uxorem fratris sine filiis defuncti superstes frater accipiat , atque ad nomen fratris filios gignat , quam si accipere forte renuerit , huic in faciem mulier expuat , unumque ei pedem propinquus discalciet , ejusque habitaculum domum discalceati vocet . Frater quippe defunctus ille est , qui post resurrectionis gloriam apparens secundum Matthæum dixit : *Ite ,* (b) *dicite fratribus meis ;* Qui quasi sine filiis obiit , quia adhuc electorum suorum numerum

non

(a) *Cod. Simon Petre.* (b) *Cod. nunciate.*

non implevit. Hujus scilicet uxorem superstes frater : sortiri præcipitur ; quia dignum profecto est , ut cura sanctæ Ecclesiæ ei , qui hanc bene regere prævalet , imponatur . Cui nolenti in faciem mulier expuit : quia quisquis ex muneribus , quæ (a) perceperit , prodesse aliis non curat , bonis quoque ejus sancta Ecclesia exprobrans , ei quasi in faciem salivam jactat ; Cui ex uno pede calceamentum tollitur , ut discalceati domus vocetur . Scriptum quippe est ad E. Ephes. 6.
v. 15
phesios : Calceati pedes in præparatione Evangelii pacis . Si ergo ut nostram , sic curam proximi gerimus , utrumque pedem per calceamentum munimus . Qui vero suam (b) cogitans utilitatem , proximorum negligit , quasi unius pedis calceamentum cum dedecore amittit . Sunt itaque nonnulli , qui magis , ut diximus , muneribus ditati , dum solius contemplationis studiis inardescunt , parere utilitati proximorum in prædicatione refugiunt , secretum quietis diligunt , secessum speculationis appetunt . De quo si districte judicentur , ex tantis procul dubio rei sunt , quantis venientes ad publicum prodesse potuerunt . Qua enim mente is , qui proximis profuturus enite-
ret ,

(a) *Cod. percepit .* (b) *Cod. cogitat .*

16 S. Gregorii Reg. Pastoralis ,
ret , utilitati cæterorum secretum
præponit suum , quando ipse summi
Patris Unigenitus , ut multis prodesset ,
de sinu Patris egressus est ad publicum
nostrum ?

C A P U T VI.

*Quod hi qui pondus regiminis per humi-
litate[m] fugiunt , tunc vere sunt hu-
miles , quum divinis judiciis
non reluctantur.*

ET sunt nonnulli qui ex sola hu-
militate refugiunt , ne eis , qui-
bus se impares æstimant , præferan-
tur . Quorum profecto humilitas , si
cæteris quoque virtutibus cingitur ,
tunc ante Dei oculos vera est , cum ad
respuendum hoc , quod utiliter subire
præcipitur , pertinax non est . Ne-
que enim vere humilis est , qui su-
perni nutus , arbitrium , ut debeat præ-
esse intelligit , & tamen præesse con-
temnit . Sed divinis dispositionibus
subditus , atque a vitio obstinatio-
nis alienus , cum sibi regiminis cul-
men imperatur , si jam donis præ-
ventus est , quibus & aliis profit ,
& ex corde debet fugere , & invitus
obedire .

CA-

CAPUT VII.

*Quod nonnumquam prædicationis officium
& nonnulli laudabiliter appetunt, &
ad hoc nonnulli laudabiliter co-
acti pertrahuntur.*

QUamvis nonnumquam prædicationis officium & nonnulli laudabiliter appetunt, & ad hoc nonnulli laudabiliter coacti pertrahuntur; quod liquido agnoscimus si duorum prophetantium facta pensamus, quorum unus, ut ad prædicandum mitti debuisset, sponte se præbuit, quo tamen alter pergere cum pavore recusavit. Isaias quippe Domino quaerenti quem mitteret, ultro se obtulit, dicens: *Ecce ego, mitte me.* Jeremias autem mittitur, & tamen, ne mitti debeat, humiliter reluctatur, dicens: *A, a, a, Domine Deus, ecce nescio loqui, quia puer ego sum.* En ab utrisque exterius diversa vox prodiit, sed non a diverso fonte dilectionis emanavit. Secundum Matthæum duo quippe sunt præcepta caritatis, Dei videlicet amor, & proximi. Per activam igitur vitam prodesse proximis cupiens Isaias, officium prædicationis appetit: Per contemplativam
vero

*Isai. 6
v. 2.*

*Jerem. vi
6.*

18 *S. Gregorii Reg. Pastoralis*,
vero Jeremias amoris conditoris se-
dulo inhærere desiderans, ne mitti
ad prædicandum debeat, contradi-
cit. Quod ergo laudabiliter alter ap-
petiit, hoc laudabiliter alter expa-
vit. Iste ne tacitæ contemplationis
lucra loquendo perderet, ille nedam-
na studiosi operis tacendo senti-
ret. Sed hoc in utrisque est subtili-
ter intuendum, quia & is qui recu-
savit, plene non restitit, & is qui
mitti voluit, ante per altaris cal-
culum se purgatum vidit; ne aut
non purgatus adire quisque sacra mi-
nisteria audeat, aut quem superna
gratia elegit, sub humilitatis specie
superbe contradicat. Quia igitur val-
de difficile est, purgatum se quem-
libet posse cognoscere, prædicationis
officium tutius declinatur; nec tamen
declinari, ut diximus, pertinaciter
debet, cum ad suscipiendum hoc su-
perna voluntas agnoscitur. Quod
in Exodo Moyses utrumque mi-
ro opere explevit, qui præfsetan-
tæ multitudini & noluit, & obe-
divit. Superbus enim fortasse esset,
si ducatum plebis innumeræ sine tre-
pidatione susciperet, & rursus su-
perbus existeret, si Auctoris imperio
obedire recusaret. Utrobique ergo
humilis, utrobique subiectus & præ-
cise

esse populis semetipsum (a) metiendo noluit, & tamen de imperantis viribus præsumendo consensit. Hinc ergo, hinc quique præcipientes colligant, cum quanta culpa ex appetitu proprio cæteris præferri non metuunt, si sancti viri plebium ducatum suscipere, Deo etiam iubente, timuerunt. Moyses, suadente Domino, trepidat, & infirmus quisque, ut honoris onus percipiat, anhelat, & qui ad casum valde urgetur ex propriis, humerum libenter opprimendus ponderibus submittit alienis; quæ egit ferre non valet, & auget quod portet.

CAPUT VIII.

De his qui præesse concupiscunt, & ad usum suæ libidinis instrumentum Apostolici sermonis arripiunt.

PLerumque vero qui præesse concupiscunt, ad usum suæ libidinis instrumentum Apostolici sermonis arripiunt, quo Paulus ad *Timotheum* si ad Timotheum. 3. v. 20 ait: Si quis Episcopatum desiderat, bonum opus desiderat; qui tamen laudans desiderium, in pavorem vertit protinus, quod laudavit, cum repente sub-
jun-

(a) *Ced. metuendo.*

Epist. 2. jungit : Oportet autem Episcopum irreprehensibilem esse. Cumque virtutum necessaria sublequenter enumerat, quæ sit irreprehensibilitas ipsa manifestat. Et favet ergo ex desiderio, & terret ex præcepto, ac si aperte dicat: Laudo, quod quæritis, sed prius discite quid quærat; ne, dum vosmet ipsos metiri negligitis, tanto scelerior vestra reprehensibilitas appareat, quanto & a cunctis conspici in honoris arce festinat. Magnus enim regendi artifex favoribus impellit, terroribus retrahit, ut auditores suos & descripto irreprehensibilitatis culmine restringat a superbia, & officium laudando, quod quæritur, componat ad vitam. Quamvis notandum, quod illo in tempore hoc dicitur, quo quisquis plebibus præerat, primus ad Martyrii tormenta ducebatur. Tunc ergo laudabile fuit Episcopatum quærere, quando per hunc quemque dubium non erat ad supplicia graviora pervenire. Unde ipsum quoque Episcopatus officium boni operis expressione definitur, cum dicitur : *Si quis Episcopatum desiderat, bonum opus desiderat.* Ipse ergo sibi testis est, quia Episcopatum non appetit, qui non per hunc boni operis ministerium, sed honoris gloriam quærit. Sacrum quippe officium

*1. Tim. 3.
No. 2.*

cium non solum non diligit omnino, sed nescit qui ad culmen regiminis anhelans, in occulta meditatione cogitationis cæterorum subjectione pascitur, laude propria lætatur, ad honorem cor elevat, rerum affluentium abundantia exultat. Mundi ergo lucrum quæritur sub ejus honoris specie, quo mundi destrui lucra debuerunt. Cumque mens humilitatis culmen arripere ad elationem cogitat, quod foris appetit, intus immutat,

CAPUT IX.

Quod mens præesse volentium plerumque sibi ficta bonorum operum promissione blanditur.

SEd plerumque hi, qui subire magisterium Pastorale cupiunt, nonnulla quoque bona opera animo proponunt; & quamvis hoc elationis intentione appetant, operaturos tamen se magna pertractant; fitque, ut aliud in imis intentio supprimat, aliud tractantis animo superficies cogitationis ostendat. Nam sæpe sibi de se mens ipsa mentitur, & fingit, se de bono opere amare, quod non amat, de mundi autem gloria non amare, quod amat: quæ principari appetens, fit
ad

22 *S. Gregorii Reg. Pastoralis*,
 ad hoc pvida, cum quærit: audax,
 cum pervenerit. (a) Tendens enim,
 ne non perveniat, trepidat; sed re-
 pente perveniens, jure sibi hoc debi-
 tum, ad quod pervenerit, putat.
 Cumque percepti Principatus officio
 perfrui sæculariter cœperit, liben-
 ter obliviscitur quicquid religiose co-
 gitavit. Unde necesse est, ut cum co-
 gitatio extra (b) usum ducitur, pro-
 tinus mentis oculus ad opera transa-
 cta revocetur, ac penset quisque quid
 subjectus egerit, & repente cognoscit,
 si prælatus bona agere quæ proposue-
 rat, possit; quia nequaquam valet
 in culmine humilitatem discere, qui
 in imis positus non desit superbire.
 Nescit laudem, cum suppetit, fuge-
 re qui ad hanc didicit cum deesset,
 anhelare. Nequaquam vincere ava-
 ritiam potest, quando ad multorum
 sustentationem tendit is, cui suffice-
 re propria nec soli potuerunt. Ex
 antea ergo vita se quisque inveniat,
 ne in appetitu se culminis imago co-
 gitationis illudat. Quamvis plerumque
 in occupatione regiminis ipse quo-
 que boni operis usus perditur, qui in
 tranquillitate tenebatur; quia, quie-
 to mari, recte navem & imperitus
 dirigit, turbato autem tempestatis
 flu-

(a) *Cod. simens.* (b) *al. Cod. visum.*

fluctibus etiam peritus se nauta confundit. Quid namque est potestas cul-
minis, nisi tempestas mentis. In qua
semper cogitationum procellis navis
cordis quatitur, huc illucque inces-
santer impellitur, ut per repentinos
excessus oris, & operis, quasi per
obviantia saxa, frangatur? Inter hæc
itaque quid sequendum est, quid te-
nendum, nisi ut virtutibus pollens
coactus ad regimen veniat, virtuti-
bus vacuus nec coactus accedat? H-
le, si omnino renititur, caveat secun-
dum Lucam, ne acceptam pecuniam
in (a) sudarium ligans, de ejus oc-
cultatione judicetur. Pecuniam quip-
pe in sudario ligare est percepta do-
na sub otio lenti torporis absconde-
re. At contra iste cum regimen ap-
petit, attendat, ne per exemplum
pravi operis, Phariseorum more, ad
ingressum regni tendentibus obsta-
culum fiat: qui juxta Magistri vo-
cem secundum Matthæum nec ipsi
intrant, nec alios intrare permit-
tunt. Cui considerandum quoque
est, quia cum causam populi electus
præsul suscipit, quasi ad ægrum me-
dicus accedit. Si ergo adhuc in e-
jus opere passionibus vivunt, qua præ-
sumptione percussum mederi prope-
rat, qui in facie vulnus portat?

Luc. 19.

v. 20.

Matth.

23. 13.

Matth.

23. 13.

(a) *Cod. sudario.*

CA-

CAPUT X.

*Qualis quisque ad regimen venire
debeat.*

ILle igitur, ille modis omnibus debet ad exemplum vivendi pertrahi, qui cunctis carnis passionibus moriens jam spiritualiter vivit, qui prospera mundi postposuit, qui nulla adversa pertimescit, qui sola interna desiderat. Cujus intentioni bene congruens, nec omnino per imbecillitatem corpus, nec valde per contumeliam repugnat spiritus. Qui ad aliena cupienda non ducitur, sed propria largitur. Qui per pietatis viscera citius ad ignoscendum flectitur, sed numquam plus quam deceat ignoscens, ab arce rectitudinis inclinatur. Qui nulla illicita perpetratur, sed perpetrata ab aliis ut propria deplorat. Qui ex affectu cordis alienæ infirmitati compatitur, sicque in bonis proximi sicut in suis provestibus lætatur. Qui ita se imitabilem cæteris in cunctis quæ agit insinuat, ut inter eos non habeat quod saltem de transactis erubescat. Qui sic studet vivere, ut proximorum quoque corda arentia doctrinæ valeat

valeat fluentis irrigare . Qui orationis usu & experimento jam didicit, quod obtinere a Domino quæ poposcerit, possit, cui per effectus vocem jam quasi specialiter dicitur : *Adhuc loquente te, dicam : Ecce adsum*. Si enim fortasse quis veniat, ut pro se ad intercedendum nos apud potentem quæpiam virum, qui sibi iratus, nobis vero est incognitus, ducat, protinus respondemus : Ad intercedendum venire non possumus, quia familiaritatis ejus notitiam non habemus. Si ergo homo apud hominem de quo minime præsumit, fieri intercessor erubescit : qua mente apud Deum intercessionis locum pro populo arripit, qui familiarem se ejus gratiæ esse per vitæ meritum nescit ? Aut ab eo quomodo aliis veniam postulat, qui utrum sibi sit placatus ignorat ? *Qua in re adhuc aliud est sollicitius formidandum, ne qui placare posse iram creditur, hanc ipse ex proprio reatu mereatur. Cuncti enim liquido novimus quia cum is qui displicet, ad intercedendum mittitur, irati animus ad deteriora provocatur. Qui ergo adhuc desideriis terrenis adstringitur, caveat ne districti iram judicis gravius accendens dum loco delectatur gloriæ, fiat subditis auctor ruinæ.*

B

CA-

*Isaia 58
9.**Dist. 49.
c. 1.*

CAPUT XI.

*Qualis quisque ad regimen venire
non debeat.*

Solenter ergo se quisque metiatur
ne locum regiminis assumere au-
deat, si adhuc in se vitium damna-
liter regnat: ne is quem crimen de-
pravat proprium, intercessor fieri
appetat pro culpis aliorum. Hinc e-
tenim superna voce in Levitico ad
Lev. 21. Moysen dicitur. Loquere ad Aaron:
17. Homo de semine tuo per familias qui ha-
buerit maculam, non offeret panes Domino
Deo suo, nec accedet ad ministerium ejus.
Ibid. v. Ubi & repente subjungitur: Si cæcus
18. fuerit, si claudus, si vel parvo, vel grandi
& torto naso, si fracto pede, si manu, si
gibbus, si lippus, si albuginem habens in
(a) oculo, si jugem scabiem, si imperigi-
nem in corpore, vel (b) ponderosus. Cæcus
quippe est, qui supernæ contempla-
tionis lumen ignorat: qui præsentis
vitæ tenebris pressus dum venturam
lucem nequaquam diligendo conspi-
cit, quo gressus operis porrigat, ne-
scit. Hinc etenim prophetante An-
na in Regnorum libro primo dicitur:
1. Reg. 2. 9. Pedes sanctorum suorum servabit, & impij
in

(a) Cod. in oculis. (b) Cod. si ponderosus.

in tenebris conticescent. Claudus vero est, qui quidem quo pergere debeat aspicit, sed per infirmitatem mentis, vitæ viam perfecte non valet tenere quam videt: quia ad virtutis statum dum fluxa consuetudo non erigitur, quo desiderium innititur, illuc gressus operis efficaciter non sequuntur. Hinc enim Paulus ad Hebræos dicit: *Remissas manus & dissoluta genua erigite,* *Hebr. 12. 12. & 13*
& gressus rectos facite pedibus vestris: ut non claudicans quis erret, magis autem sanetur. Parvo autem naso est, qui ad tenendam mensuram discretionis idoneus non est. Naso quippe odores foetoresque discernimus. Recte ergo per nasum discretio exprimitur, per quam virtutes eligimus, delicta reprobamus. Unde & in laude sponsæ in Canticis Canticorum dicitur: *Nasus tuus sicut turris quæ est in Libano:* *Cant. 7. 4.*
 Quia nimirum Sancta Ecclesia quæ ex causis singulis tentamenta prodeant, per discretionem conspicit, & ventura vitiorum bella ex alto deprehendit. Sed sunt nonnulli, qui dum æstimari hebetes nolunt, sæpe se in quibusdam inquisitionibus plus quam necesse est exercentes, ex nimia subtilitate falluntur. Unde hic quoque subditur: *Vel grandi & torto naso.* Nasus enim grandis & tortus, est discre-

28 *S. Gregorii Reg. Pastoralis*,
tionis subtilitas immoderata, quæ
dum plus quam decet excreverit, ac-
tionis suæ rectitudinem ipsa confun-
dit. Fracto autem pede vel manu est,
qui viam Dei pergere omnino non
valet, atque a bonis actibus fundi-
tus exors vacat: quatenus hæc non
ut claudus saltem cum infirmitate
teneat, sed ab his omnimodo alie-
nus existat. Gibbus vero est, quem
terrenæ sollicitudinis pondus depri-
mit, ne unquam ad superna respi-
ciat; sed solis his quæ in infimis cal-
cantur, intendat. Qui & si quando
aliquid ex bono patriæ cælestis au-
dierit, ad hoc nimirum perversæ
consuetudinis pondere prægravatus,
(a) cordis faciem non (b) attollit:
quia cogitationis statum erigere non
valet, quem terrenæ usus sollicitu-
dinis curvum tenet. Ex horum quip-
pe specie Psalmista in Psalmo 37. di-
cit: *Incurvatus sum & humiliatus sum*
usquequaque. Quorum culpam quoque
per semetipsam Veritas reprobans se-
cundum Lucam, ait: *Semen autem quod*
in spinis cecidit, hi sunt qui audierunt
verbum, & a sollicitudinibus & divitiis &
voluptatibus vite eantes suffocantur, &
non referunt fructum. Lippus vero est,
cujus quidem ingenium ad cognitio-
nem

Psal. 38.
& sec. lxx

Luci 8.
14.

(a) in Cod. deest dictio *cordis*, (b) Cod. *extollit*.

nem veritatis emicat, sed tamen hoc carnalia opera obscurant. In lippis quippe oculis pupillæ sanæ sunt, sed humore defluente infirmatæ palpebræ grossescunt: quorum, quia infusione crebro atteruntur, etiam acies pupillæ vitiatur. Et sunt nonnulli, quorum sensum carnalis vitæ operatio fauciat, qui videre recta subtiliter per ingenium poterant, sed usu pravorum actuum caligant. Lippus itaque est, cujus sensum natura exacuit; sed conversationis pravitas confundit. Cui bene per Angelum in Apocalypsi dicitur: *Collyrio inunge oculos tuos ut videas*. Collyrio quippe oculos ut videamus inungimus, cum ad cognoscendam veri luminis claritatem intellectus nostri aciem medicamine bonæ operationis adjuvamus. Albuginem vero habet in oculo, qui veritatis lucem videre non finitur; quia arrogantia sapientiæ seu iustitiæ cæcatur. Pupilla namque oculi nigra videt, albuginem tolerans nil videt: quia videlicet sensus humanæ cogitationis si stultum se peccatoremque intelligit, cognitionem intimæ claritatis apprehendit. Si autem candorem sibi iustitiæ seu sapientiæ tribuit, a luce se supernæ cognitionis excludit:

dit : & eo claritatem veri luminis nequaquam penetrat , quo se apud se per arrogantiam exaltat : sicut
Rom. 1. de quibusdam Paulus ad Romanos
 22^o dicit : *Dicentes enim se esse sapientes , stulti facti sunt .* Jugem vero habet scabiem , cui carnis petulantia sine cessatione dominatur . In scabie etenim fervor viscerum ad cutem trahitur , per quam recte luxuria designatur : quia si cordis tentatio usque ad operationem profilit , nimirum fervor intimus usque ad cutis scabiem prorumpit ; & foris jam corpus fauciat , quia dum in cogitatione voluptas non reprimitur , etiam in actione dominatur . Quasi enim cutis pruriginem ad Corinthios
1. Cor. 10
 11^o 1. Paulus curabat abstergere , cum dicebat : *Tentatio vos non apprehendat , nisi humana ;* ac si aperte diceret : Humanum quidem est tentationem in corde perpeti , dæmoniacum vero est in tentationis certamine (a) & in operatione superari . Impetiginem quoque habet in corpore , quisquis avaritia vastatur in mente , quæ si in parvis non compescitur , nimirum sine mensura dilatatur . Impetigo quippe sine dolore corpus occupat , & absque occupati tædio excrescens

(a) Cod. non habet; & in .

crescens membrorum decorem foedat: quia & avaritia capti animum dum quasi delectat, exulcerat; dum adipiscenda quæque cogitationi objicit, ad inimicitias accendit, & dolorem in vulnere non facit, quia æstuanti animo ex culpa abundantiam promittit. Sed decor membrorum perditur, quia aliarum quoque virtutum per hanc pulchritudo depravatur; & quasi totum corpus exasperat, quia per universa vitia animum supplantat, Paulo attestante, qui ait ad Timotheum: *Radix omnium malorum est cupiditas*. Ponderosus vero est, qui turpitudinem non exercet opere, sed tamen ab hac cogitatione continua sine moderamine gravatur in mente: qui nequaquam quidem usque ad opus nefarium rapitur, sed ejus animus voluptate luxuriæ sine ullo repugnationis stimulo delectatur. Vitium quippe est ponderis, cum humor viscerum ad virilia labitur, quæ profecto cum molestia dedecoris intumescunt. Ponderosus ergo est, qui totis cogitationibus ad lasciviam defluens, pondus turpitudinis gestat in corde: & quamvis prava non exerceat opere, ab his tamen non evellitur mente. Nec ad usum boni o-

2. Tim. 6. 10.

peris in aperto valet assurgere, quia gravat hunc in abditis pondus turpe. Quisquis ergo quolibet horum vitio subigitur, panes Domino offerre prohibetur: ne profecto diluere aliena delicta non valeat is, quem adhuc propria devastant. Quia igitur paucis ad pastorale magisterium dignus qualiter veniat, atque hoc indignus qualiter pertimescat ostendimus: nunc is qui ad illud digne pervenerit, in eo qualiter vivere debeat demonstramus.





SECUNDA PARS

DE VITA PASTORIS.

CAPUT I.

Is qui ad regimen ordinate pervenerit, qualem se in ipso regimine debeat exhibere.

Tantum debet actionem populi actio transcendere Præsulis, quantum distare solet a grege vita Pastoris. Oportet namque ut metiri sollicitè studeat, quanta tenendæ rectitudinis necessitate constringitur, sub cujus æstimatione populus grex vocatur. Sit ergo necesse est cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum justitiæ erectus, internorum curam in exteriorum occu-

B 5

patio-

34 S. Gregorii Reg. Pastoralis,
patione non minuens, exteriorum
providentiam in internorum sollici-
tudine non relinquens. Sed hæc quæ
breviter enumerando perstrinximus,
paulo latius replicando disseramus.

C A P U T II.

Ut Rector cogitatione sit mundus.

Rector semper cogitatione sit mû-
dus, quatenus nulla hunc im-
munditia polluat, qui hoc suscepit
officii, ut in alienis quoque cordibus
pollutionis maculas tergat: quia ne-
cesse est ut esse munda studeat ma-
nus, quæ diluere sordes curat; ne
tacta quæque deterius inquinet, si
sordida insequens lutum tenet. Hinc
namque per Prophetam Isaiam dici-
tur: *Mundamini qui fertis vasa Domini.*
Domini etenim vasa ferunt, qui pro-
ximorum animas ad æterna sacraria
perducendas in suæ conversationis
fide suscipiunt. Apud semetipsos er-
go quantum debeant mundari con-
spiciant, qui ad æternitatis templum
vasa viventia in sinu propriæ spon-
sionis portant. Hinc divina voce in
Exodo præcipitur, ut in Aaron pe-
ctore rationale iudicii vittis liganti-
bus imprimatur: quatenus sacerdo-
tale

*Isa. 52
11.*

*Exod 28
v. 15. &c*

tale cor nequaquam cogitationes fluxæ possideant, sed ratio sola constringat: nec indiscretum quid vel inutile cogitet, qui ad exemplum aliis constitutus, ex gravitate vitæ semper debet ostendere quantam in pectore rationem portet. In quo etiam rationali vigilanter adjungitur in Exodo, ut duodecim Patriarcharum nomina describantur. Adscriptos etenim patres semper in pectore ferre, est antiquorum vitam sine intermissione cogitare. Nam tunc sacerdos irreprehensibiliter graditur, cum exempla patrum præcedentium indefinenter intuetur, cum Sanctorum vestigia sine cessatione considerat, & cogitationes illicitas deprimit, ne extra ordinis limitem operis pedem tendat. Quod bene etiam rationale judicii vocatur: quia debet Rector subtili semper examine bona malaque discernere, & quæ vel quibus, quando vel qualiter congruant, studiose cogitare: nihilque proprium quærere, sed sua commoda, propinquorum bona deputare. Unde illic scriptum est: *Pones autem in rationali judicii doctrinam* *Ibid. v.* & *veritatem, quæ erant in pectore Aaron* *10.* *quando ingreditur coram Domino, & gestabit judicium filiorum Israel in pectore suo in conspectu Domini semper. Sacerdoti*
 B 6 quip-

quippe iudicium filiorum Israel in pectore coram Domini conspectu gestare, est subiectorum causas pro sola interni iudicis intentione discutere, ut nihil se ei humanitatis admisceat in hoc quod divina positus vice dispensat, ne correptionis studia privatus dolor exasperet. Cumque contra aliena vitia æmulator ostenditur, quæ sua sunt (a) exequatur: ne tranquillitatem iudicii aut latens invidia maculet, aut præceps ira perturbet. Sed dum consideratur terror ejus qui super omnia (b) præsidet, videlicet iudicis intimi, non sine magno regantur timore subiecti. Qui nimirum timor dum mentem Rectoris humiliat, purgat; ne hanc aut præsumptio spiritus (c) levet, aut carnis delectatio inquinet, aut per terrenarum rerum cupidinem importunitas pulveræ cogitationis obicuret. quæ tamen non pulsare Rectoris animum nequeunt; sed festinare necesse est, ut repugnatione vincantur; ne vitium quod per suggestionem tentat, mollitiæ delectationis subigat, cumque hæc ab animo tarde repellitur, mucrone consensus occidat.

CA-

(a) Cod. *non exequatur*.(b) Cod. *residet*.(c) Cod. *elevat*.

CAPUT III.

*Ut Rector semper sit operatione
præcipuus.*

SIt Rector operatione præcipuus, ut vitæ viam subditis vivendo denuntiet, & grex qui Pastoris vocem moresque sequitur, per exempla melius quam per verba graditur. Qui enim loci sui necessitate exigitur summa dicere, (a) hac eadem necessitate compellitur summa monstrare. Illa namque vox libentius auditorum cor penetrat, quam dicentis vita commendat: quia quod loquendo imperat, ostendendo adjuvat ut fiat. Hinc enim per Prophetam Isaiam dicitur: *Super montem excelsum ascende tu qui evangelizas Sion.* Ut videlicet qui cælesti prædicatione utitur, ima jam terrenorum operum deserens, in rerum culmine stare videatur: tantoque facilius subditos ad meliora pertrahat, quanto per vitæ meritum de supernis clamat. Hinc divina Legè ar-^{Exod. 29} mum Sacerdos in sacrificium & dex-^{22.} trum accipit & separatum, ut non solum sit ejus operatio utilis, sed etiam singularis; nec inter malos tantummodo

(a) Cod. hæc.

modo quæ recta sunt faciat, sed bene quoque operantes subditos, sicut honore ordinis superat, ita etiam morum virtute transcendat. Cui in esu quoque pectusculum cum armo tribuitur: ut quod de sacrificio præcipitur sumere, hoc de semetipso auctori discat immolare. Et non solum pectore quæ recta sunt cogitet, sed spectatores suos ad sublimia armo operis invitet: nulla prospera præsentis vitæ appetat, nulla adversa pertimescat: blandimenta mundi respecto intimo terrore despiciat, terrores autem considerato internæ dulcedinis blandimento contemnat. Unde supernæ quoque vocis in Exodo imperio in utroque humero Sacerdos velamine superhumeralis astringitur: ut contra adversa ac prospera, virtutum semper ornamento munia-
 tur: quatenus juxta vocem Pauli ad Corinthios 11. per arma justitiæ a dextris sinistrisque gradiens, cum ad sola quæ interiora sunt nititur, in nullo delectationis infimæ latere flectatur. Non hunc prospera elevent, non adversa perturbent, non blanda usque ad voluptatem demulceant, non aspera ad desperationem premant, ut dum nullis passionibus intentionem mentis humiliat, quanta in utro-

Exod. 29
5.

2. Cor. 6.
7.

troque humero superhumeralis pulchritudine tegatur ostendat. Quod recte etiam superhumerales ex auro, hyacintho, purpura, his tincto cocco, & torta fieri bysso præcipitur; ut quanta Sacerdos clarescere virtutum diversitate debeat, demonstratur. In Sacerdotis quippe habitu ante omnia aurum fulget, ut in eo intellectus sapientiæ principaliter emicet. Cui hyacinthus, qui aereo colore resplendet, adjungitur; ut per omne quod intelligendo penetrat, non ad favores infimos, sed ad amorem cælestium surgat, ne dum suis incautus laudibus capitur, ipso etiam veritatis intellectu vacuetur. Auro quoque & hyacintho purpura permiscetur; ut videlicet sacerdotale cor, cum summa quæ prædicat, sperat, in semetipso etiam suggestiones vitiatorum reprimat, eisque velut ex regia potestate contradicat: quatenus nobilitatem semper intimæ regenerationis aspiciat, & cælestis regni sibi habitum moribus defendat. De hac quippe nobilitate spiritus per Petrum dicitur in Epistola prima: *Vos autem genus electum, regale sacerdotium.* De hac etiam potestate, qua vitia (a) subigimus, Joannis voce roboramur, qui ait: *Quotquot autem receperunt*

1. Petr.
2. 9.

Joan. 1.

14.

(a) Cod. subicimus.

runt

runt, dedit eis potestatem filios Dei fieri. Hanc dignitatem fortitudinis Psalmista considerat, dicens: *Mibi autem nimis (a) honorificati sunt amici tui Deus, nimis confortatus est principatus eorum.* Quia nimirum Sanctorum mens principaliter in summis erigitur, cum exterius perpeti abjecta cernuntur. Aureo autem, hyacintho ac purpuræ bis tinctus coccus adjungitur; ut ante interni judicis oculos omnia virtutum bona ex caritate decorentur, & cuncta quæ coram hominibus rutillant, hæc in conspectu occulti arbitri flamma intimi amoris accendat. Quæ scilicet caritas, quia Deum simul ac proximum diligit, quasi ex duplici tinctura fulgescit. Qui igitur sic ad auctoris speciem anhelat, ut proximorum curam negligat, vel sic proximorum curam exequitur, ut a divino Amore torpescat, quia unum horum quodlibet negligit, in superhumeralis ornamento habere coccum bis tinctum nescit. Sed cum mens ad præcepta caritatis tenditur, restat proculdubio ut per abstinentiam caro maceretur. Unde & bis tincto cocco torta byssus adjungitur. De terra etenim byssus nitenti specie oritur. Et quid per byssum, nisi candens decore

(a) Cod. honorandi.

core munditiæ corporalis castitas designatur? Quæ videlicet torta, pulchritudini superhumeralis innectitur; quia tunc castimonia ad perfectum munditiæ candorem ducitur, cum per abstinenciam caro fatigatur. Cumque inter virtutes cæteras etiam afflictæ carnis meritum proficit, quasi in diversa superhumeralis specie byssus torta candescit.

C A P U T IV.

*Ut sit Rector discretus in silentio,
utilis in verbo.*

SIt Rector discretus in silentio, utilis in verbo: ne aut tacenda proferat, aut proferenda reticescat. Nam sicut incauta locutio in errorem pertrahit, ita indiscretum silentium hos qui erudiri poterant in errore derelinquit. Sæpe namque Rectores improvidi humanam amittere gratiam formidantes, loqui libere recta pertimescunt, & juxta Veritatis vocem, nequaquam jam gregis custodia Pastorum studio, sed mercenariorum vice deserviunt, quia veniente lupo fugiunt, dum se sub silentio abscondunt. Hinc namque eos per Isaiam Prophetam Dominus increpat, dicens;

Dist. 42.

Is. 42. 16.

11.

Isa. 56. dicens: *Canes muti non valentes latrare.*
W. 10. Hinc rursus in Ezechiele queritur,
Ezec. dicens: *Non ascendistis ex aduerso, (a)*
23. 5. *non opposuistis murum pro domo Israel, ut*
staretis in praelio in die Domini. Ex ad-
 uerso quippe ascendere, est pro de-
 fensione gregis voce libera huius mun-
 di potestatibus contraire. Et in die
 Domini in praelio stare, est pravis
 decertantibus ex iustitiæ amore resi-
 stere. Pastori enim recta timuisse di-
 cere, quid est aliud quam tacendo
 terga præbuisse? qui nimirum si pro
 grege se objicit, murum pro domo
 Israel hostibus opponit. Hinc rursus
Thren. 2. delinquenti populo dicitur per Pro-
24. phetam in Lamentatione Jeremiæ:
Prophetae tui viderunt tibi falsa & stulta,
nec aperiebant iniquitatem tuam, ut te ad
pœnitentiam provocarent. Prophetæ quip-
 pe in sacro eloquio nonnumquam do-
 ctiores vocantur, qui dum fugitiva es-
 se præsentia indicant, quæ (b) sunt
 ventura manifestant. Quos diuinus
 sermo falsa videre redarguit; quia
 dum corripere culpas metuunt, (c)
 incassum delinquentibus promissa se-
 curitate blandiuntur, qui iniquita-
 tem peccantium nequaquã aperiunt,
 quia ab increpationis voce contice-
 scunt. Clavis quippe apertionis, est
 sermo

(a) Cod. *neque*. (b) Cod. *finis*. (c) Cod. *incaute*

sermo correptionis, quia increpando culpam (a) detegit, quam sæpe nescit ipse etiam qui perpetravit. Hinc Paulus ad Timotheum ait: *Ut potens sit exhortari in doctrina sana, & eos qui contradicunt arguere.* Hinc per Malachiam dicitur: *Labia Sacerdotis custodiunt scientiam, & legem requirent ex ore ejus: quia Angelus Domini exercituum est.* Hinc per Isaiam Dominus admonet, dicens: *Clama, ne cesses, quasi tuba exalta vocem tuam.* Præconis quippe officium suscipit, quisquis ad Sacerdotium accedit: ut ante adventum judicis qui terribiliter sequitur, ipse scilicet clamando gradiatur. Sacerdos ergo si prædicationis est nescius, quam clamoris vocem daturus est præco mutus? Hinc est enim quod in Actibus Apostolorum super Pastores primos in linguarum specie Spiritus Sanctus infedit: quia nimirum quos repleverit, de se protinus loquentes facit. Hinc Moy- si in Exodo præcipitur ut tabernaculum Sacerdos ingrediens, tintinnabulis ambiatur: ut videlicet voces prædicationis habeat, ne superni spectatoris judicium ex silentio offendat. Scriptum quippe est in Exodo: *Ut audiat sonitus quando ingreditur & egreditur sanctuarium in conspectu Domi-*

Tit. 2. 9.

Malach. 2. 7.

Isai. 58.

Act. 2. 7.

Exod. 28. 33.

Ibid. 2. 39.

(a) Cod. *detegit*.

Domini, & non moriatur. Sacerdos namque ingrediens vel egrediens moritur, si de eo sonitus non (a) auditur: quia iram contra se occulti iudicis exigit, si sine prædicationis sonitu incedit. Apte autem tintinnabula vestimentis illius describuntur inserta. Vestimenta etenim Sacerdotis quid aliud quam recta opera debemus accipere? Propheta attestante in Psalmo 131. qui ait: *Sacerdotes tui induantur iustitiam*. Vestimentis itaque illius tintinnabula inhærent, ut vitæ viam cum linguæ sonitu ipsa quoque Sacerdotis opera clament. Sed cum Rector se ad loquendum præparat, sub quanto cautelæ studio loquatur, attendat, ne si inordinate ad loquendum rapitur, erroris vulnere audientium corda feriantur, & cum fortasse sapiens videri desiderat, unitatis compagem insipienter abscidat. Hinc namque Veritas dicit secundum Marcum: *Habete sal in vobis, & pacem habete inter vos*. Per sal quippe, verbi sapientia designatur. Qui igitur loqui sapienter nititur, magnopere metuat, ne ejus eloquio audientium unitas confundatur. Hinc Paulus ad Romanos ait: *Non plus sapere, quam oportet sapere, sed sapere ad sobrietatem*.

Hinc

(a) Cod. *audiat*.

Psal.
131. 9.

Marc. 9.
49.

Rom. 12.
1.

Hinc in Sacerdotis veste juxta divinam vocem in Exodo tintinnabulis mala punica conjunguntur. Quid enim per mala punica, nisi fidei unitas designatur? Nam sicut in malo punico, uno exterius cortice multa interius grana muniuntur: sic innumeros sanctæ Ecclesiæ populos unitas fidei contegit, quos intus diversitas meritorum tenet. Ne igitur Rector incautus ad loquendum pruat, hoc quod jam præmisimus, per semetipsam Veritas discipulis clamat: *Habete sal in vobis, & pacem habete inter vos.* Ac si figurate per habitum Sacerdotis dicat; Mala punica tintinnabulis jungite, ut per omne quod dicitis, unitatem fidei cauta observatione teneatis. Providendum quoque est sollicita intentione Rectoribus, ut ab eis non solum prava nullo modo, sed ne recta quidem nimie & inordinate proferantur: quia sæpe dictorum virtus perditur, cum apud corda audientium loquacitatis incauta importunitate levigatur, & auctorem suum hæc eadem loquacitas inquinat, quæ servire auditoribus ad usum profectus ignorat. Unde bene per Moysen in Levitico dicitur: *Vir qui fluxum seminis patitur, immundus erit.* In mente quippe audientium semen

Exod. 28

14.

Vide Ep.

25. l. 8.

Matt. 9.

49.

Levit.

15. 2.

secu-

secuturæ cogitationis, est auditæ qualitas locutionis, quia dum per aurem sermo concipitur, cogitatio in mente generatur. Unde & ab hujus mundi sapientibus in Actibus Apostolorum prædicator egregius seminiverrus est vocatus. Qui ergo fluxum seminis sustinet, immundus asseritur: quia multiloquio subditus, ex eo se inquinat, quod si ordinate promeret, prolem rectæ cogitationis edere in audientium corda potuisset, dumque incautus per loquacitatem diffluit, non ad usum generis, sed ad immunditiam semen effundit. Unde Paulus quoque cum discipulum de instantia prædicationis admoneret Timotheum, *2. Tim. 4. 1.* dicens: *Testificor coram Deo & Christo Jesu, qui judicaturus est vivos & mortuos, per adventum ipsius & regnum eius, prædica verbum, inste opportune, importune: dicturus importune, præmisit opportune: quia scilicet apud auditoris mentem ipsa sua vilitate se destruit, si habere importunitas opportunitatem nescit.*



CAPUT V.

*Ut sit Rector singulis compassione proximus,
præ cunctis contemplatione suspensus.*

SIT Rector singulis compassione proximus, præ cunctis contemplatione suspensus, ut & per pietatis viscera in se infirmitatem cæterorum transferat, & per speculationis altitudinem semetipsum quoque invisibilia appetendo transcendat: ne aut alta petens, proximorum infirma despiciat, aut infirmis proximorum congruens, appetere alta derelinquat. Hinc est namque quod Paulus in paradosum ducitur, cælique tertii secreta rimatur, & tamen illa invisibilium contemplatione suspensus, ad cubile carnalium aciem mentis revocat, atque in occultis suis qualiter debeant conversari dispensat ad Corinthios, dicens: *Propter fornicationem autem unusquisque suam uxorem habeat, & unaque suum virum habeat. Uxori vir debitum reddat: similiter autem & uxor viro.* Et paulo post: *Nolite fraudare invicem, nisi forte ex consensu ad tempus, ut vacetis orationi, & iterum revertimini in idipsum, ne tentet vos Satanas. Ecce jam cælestibus secretis inseritur, & tamen*

2. Cor. 12.

1.

1. Cor. 7

2.

Ibid. v. 5.

tamen per condescensionis viscera carnalium cubile perferutatur: & quem sublevatus ad invisibilia erigit, hunc miseratus ad secreta infirmantium oculum cordis flectit. Cælum contemplatione transcendit, nec tamen stratum carnalium sollicitudine deserit: quia compage caritatis summis simul, & infimis junctus & in semetipso virtute spiritus ad alta valenter rapitur, & pietate in aliis æquanimiter infirmatur. Hinc etiam ad Corinthios dicitur: *Quis infirmatur, & ego non infirmior? quis scandalizatur, & ego non uxor?*

1. Cor. 11. 29. Hinc rursus ad Corinthios prima ait: *Factus sum Judæis tamquam Judæus.* Quod videlicet exhibebat non amittendo fidem, sed extendendo pietatem: ut in se personam infidelium transfigurans, ex semetipso disceret qualiter aliis misereri debuisset: quatenus hoc illis impenderet, quod sibi ipse, si ita esset, impendi recte voluisset. Hinc iterum ad Corinthios 1. dicit: *Sive mente excedimus, Deo: sive sobrii sumus, vobis:* quia & semetipsum noverat contemplando transcendere, & eundem se auditoribus condescendendo temperare. Hinc Jacob in Genesi Domino desuper innitente, & uncto deorsum lapide, ascendentes ac descendentes Angelos vidit: quia scilicet prædicatores

1. Cor. 11.

29.

1. Cor. 9.

29.

2. Cor. 5.

11.

Gen. 28.

12.

res recti non solum sursum sanctum caput Ecclesiæ, videlicet Dominum contemplando appetunt, sed deorsum quoque ad membra illius miscrando descendunt. In libro Numeri hinc Moyses crebro tabernaculum intrat & exit, & qui intus in contemplationem rapitur, foris infirmantium negotiis urgetur. Intus Dei arcana considerat, foris onera carnalium portat. Qui de rebus quoque dubiis semper ad tabernaculum recurrit, coram testamenti Arca Dominum consulit: exemplum proculdubio Rectoribus præbens, ut cum foris ambigunt quid disponant, ad mentem semper quasi ad tabernaculum redeant: & velut coram testamenti Arca Dominum consulant, si de his in quibus dubitant, apud semetipsos intus sacri eloquii paginas requirant. Hinc ipsa Veritas per susceptionem nostræ humani-
Luc. 6: 12.
 tatis nobis ostensa, in monte orationi inhæret, miracula in urbibus exercet: imitationis videlicet viam bonis Rectoribus sternens; ut etsi jam summa contemplando appetunt, necessitatibus tamen infirmantium compatiendo misceantur: quia tunc ad alta charitas mirabiliter surgit, cum ad ima proximorum se misericorditer attrahit, & quo benigne descendit ad in-
C
fima,

50 *S. Gregorii Reg. Pastoralis,*
 fina, valenter recurrit ad summa.
 Tales autem sese qui præsumunt exhi-
 beant, quibus subiecti occulta quoque
 sua prodere non erubescant: ut cum
 tentationum fluctus parvuli tolerant,
 ad Pastoris mentem quasi ad matris
 sinum recurrant, & hoc quod se in-
 quinari pulsantis culpæ sordibus præ-
 vident, exhortationis ejus solatio, ac
 lacrymis orationis lavent. In Para-
 lipomenon unde & ante fores tem-
 pli ad abluendas ingredientium ma-
 nus mare æneum, id est luterem, duo-
 decim boves portant: qui quidem
 facie exterius eminent, sed ex poste-
 rioribus latent. Quid namque duode-
 cim bobus, nisi universus Pastorum
 ordo designatur? De quibus Paulo
 differente Lex dicit: *Non obturabis os*
bovi trituranti. Quorum quidem nos
 aperta opera cernimus, sed apud di-
 strictum judicem quæ illos posterius
 maneant in occulta retributione ne-
 scimus. Qui tamen cum condescen-
 sionis suæ patientiam diluendis pro-
 ximorum confessionibus præparant,
 velut ante fores templi luterem por-
 tant: ut quisquis intrare æternitatis
 januam nititur, tentationes suas men-
 ti Pastoris indicet, & quasi in bovum
 lutere cogitationis vel operis manus
 lavet. Et fit plerumque, ut dum Re-
 ctoris

3. Reg. 7.
 23. 6.

1. Cor. 9.
 9. Ex
 Deuter.
 25. 4.

storis animus aliena tentamenta con-
descendendo cognoscit, auditis ten-
tationibus etiam ipse pulsetur, quia
& hæc eadem per quam populi mul-
tudo diluitur, aqua proculdubio lu-
teris inquinatur. Nam dum sordes
diluentium suscipit, quasi suæ mun-
ditiae serenitatem perdit. Sed hæc
nequaquam Pastori timenda sunt, quia
Deo subtiliter cuncta pensante, tanto
facilius a sua eripitur, quanto mise-
ricordius ex aliena tentatione fatiga-
tur.

CAPUT VI.

*Ut sit Rector bene agentibus per humili-
tatem socius, contra delinquentium
vitia per zelum justitiæ erectus.*

SIT Rector bene agentibus per humi-
litem socius, contra delinquen-
tium vitia per zelum justitiæ ere-
ctus, ut & bonis in nullo se præfe-
rat, & cum pravorum culpa exigit,
potestatem protinus sui prioratus ag-
noscat: quatenus & honore suppres-
so æqualem se subditis bene viventi-
bus deputet, & erga perversos jura
rectitudinis exercere non formidet. Lib. 21.
Moral.
cap. 10.
Nam sicut in libris Moralibus dixi-
se me memini, liquet quod omnes

homines natura æquales genuit , sed variante meritorum ordine alios alius culpa postponit . Ipsa autem diversitas quæ accessit ex vitio , divino iudicio dispensatur : ut quia omnis homo æque stare non valet , alter regatur ab altero . Unde cuncti qui præsumunt , non in se potestatem debent ordinis , sed æqualitatem pensare conditionis : nec præesse se hominibus gaudeant , sed prodesse . Antiqui etenim patres nostri non reges hominum , sed pastores pecorum fuisse memorantur . Et cum Noe Dominus filiisque ejus diceret : *Crescite & multiplicamini , & replete terram* ; protinus adjunxit : *Et terror vestester ac tremor sit super cuncta animalia terræ* . Quorum videlicet terror ac tremor , quia esse super animalia terræ præcipitur , profecto esse super homines prohibetur . Homo quippe brutis animalibus , non autem hominibus cæteris natura prælatus est : & idcirco ei dicitur , ut ab animalibus & non ab hominibus timeatur , quia contra naturam superbire est , ab æquali velle timeri . Et tamen necesse est , ut Rectores a subditis timeantur , quando ab eis Deum minime timeri deprehendunt : ut humana saltem formidine peccare metuant , qui divina iudicia non formidant . Nequa-

Gen. 9.
v. 1 &
2

quaquam namque præpositi ex hoc quæsito timore superbiunt, in quo non suam gloriam, sed subditorum justitiam quærunt. In eo enim quod metum sibi a perverse viventibus exigunt, quasi non hominibus, sed animalibus dominantur: quia videlicet ex qua parte bestiales sunt subditi, ex ea debent etiam (a) formidini jacere substrati.

Sed plerumque Rector eo ipso quo cæteris præeminet, elatione cogitationis intumescit, & dum ad ulum cuncta subjacent, dum ad votum velociter jussa complentur, dum omnes subditi, si qua bene gesta sunt, laudibus efferunt, male gestis autem nulla auctoritate contradicunt, dum plerumque laudant etiam quod reprobare debuerant, seductus ab his quæ infra suppetunt, super se animus extollitur, & dum foris immenso favore circumdatur, intus veritate vacuatur, atque oblitus sui in voces se spargit alienas, talemque se credit, qualem se foris audit, non qualem intus discernere debuit. Subjectos despicit, eosque æquales sibi naturæ ordine non agnoscit, & quos sorte potestatis excesserit, transcendisse se etiam vitæ meritis credit. Cunctis se æstimat amplius

C 3

plus

(a) Cod. *formidine*.

plius sapere, quibus se videt amplius posse. In quodam quippe se constituit culmine apud semetipsum, & qui æqua cæteris naturæ conditione confringitur, ex æquo respicere cæteros dedignatur: sicque usque ad ejus similitudinem ducitur, de quo scriptum est in libro Job: *Omne sublime videt, & ipse est rex super universos filios superbiæ*. Qui singulare culmen appetens, & socialem Angelorum vitam despiciens, in Isaia dixit: *Ponam sedem meam ad Aquilonem, & ero similis Altissimo*. Miro ergo judicio intus foam dejectionis invenit, dum foris se in culmine potestatis extollit. Apostatæ quippe Angelo similis efficitur, dum homo hominibus esse similis dedignatur. In Regnorum sic Saul post humilitatis meritum in tumorem superbiæ culmine potestatis excrevit: per humilitatem quippe prælatus est, per superbiam reprobatus, Domino attestante, qui ait: *Nonne cum esses parvulus in oculis tuis, caput te constitui in tribubus Israel?* Parvulum se in suis prius oculis viderat, sed fultus temporali potentia, jam se parvulum non videbat. Cæterorum namque (a) comparationi se præferens, quia plus cunctis poterat, magnum se præ omnibus

(a) Cod. *comparatione*.

mnibus æstimabat. Miro autem modo cum apud se parvulus, apud (a) Deum magnus; cum vero apud se magnus apparuit, apud Deum parvulus fuit. Plerumque ergo dum ex subjectionum affluentia animus inflatur, in fluxum superbiæ ipso potentia fastigio lenocinante corrumpitur. Quam videlicet potentiam bene regit, qui & tenere illam noverit & impugnare. Bene hanc regit, qui scit per illam super culpas erigi, & scit cum illa cæteris æqualitate componi. Humana etenim mens plerumque extollitur, etiam cum nulla potestate fulcitur; quanto magis in altum se erigit, cum se ei etiam potestas adjungit? Quam tamen potestatem recte dispensat qui sollicitè noverit & sumere ex illa quod adjuvat & expugnare quod tentat, & æqualem se cum illa cæteris cernere, & tamen se peccantibus zelo ultionis anteferre.

Sed hanc discretionem plenius agnoscimus, si Pastoris primi exempla cernamus. In Actibus Apostolorum Petrus namque auctore Deo Sanctæ Ecclesiæ principatum tenens, a bene agente Cornelio, & sese ei humiliter prosternente, immoderatus venerari recusavit, seque illi similem

C 4

reco-

(a) Cod. *Dominum*, Sic & linea sequenti.

AR. 10^a recognovit, dicens: *Surge, ne feceris,*
 26^a & *ego ipse homo sum*. Sed cum Ana-
 Ibid. 5. 5. niæ & Sapphiræ culpam reperit, mox
 quanta potentia super cæteros excre-
 vissset, ostendit. Verbo namque eorum
 vitam (a) perculit, quam spiritu per-
 scrutante deprehendit, & summum se
 intra Ecclesiam contra peccata reco-
 luit, quod honore sibi vehementer
 impenso coram bene agentibus fratri-
 bus non agnovit. Illic communio-
 nem æqualitatis meruit sanctitas a-
 ctionis, hic zelus ultionis jus aperuit
 potestatis. Paulus bene agentibus fra-
 tribus prælatum se esse nesciebat, cum
 2. Cor. 1^a diceret ad Corinthios 2. *Non quia do-*
 23^a *minamur fidei vestræ, sed adjutores sumus*
gaudii vestri. Atque illico adjunxit:
Fide enim statis. Ac si id quod protu-
 lerat aperiret, dicens: Ideo non do-
 minamur fidei vestræ, quia fide sta-
 tis; æquales enim vobis sumus in quo
 vos stare cognoscimus. Quasi præla-
 tum se fratribus esse nesciebat, cum
 1. Thess. diceret ad Thessalonicenses: *Facti su-*
 2. 7^a *mus parvuli in medio vestrum*. Et rur-
 2. Cor. 4^a *sum: Nos autem servos vestros per Chri-*
 5^a *stum*. Sed cum culpam quæ corrigi
 debuisset invenit, illico magistrum se
 esse ad Corinthios recoluit, dicens:
 1. Cor. 4^a *Quid vultis? In virga veniam ad vos*.
 21^a Sum-

(a) Cod. *perculsit*.

Summus itaque locus bene regitur, cum is qui præest, vitiis potius, quam fratribus dominatur. Sed cum delinquentes subditos præpositi corrigunt, restat necesse est, ut sollicitè attendant, quatenus per disciplinæ debitum culpas quidem jure potestatis feriant, sed per humilitatis custodiam æquales se ipsis fratribus qui corriguntur, agnoscant: quamvis plerumque etiam dignum est, ut eosdem quos corrigimus, tacita nobis cogitatione præferamus. Illorum namque per nos vitia disciplinæ vigore feriuntur, in his vero quæ ipsi committimus, ne verbi quidem ab aliquo invectione laceramur. Tanto ergo apud Dominum obligatiores sumus, quanto apud homines inulte peccamus. Disciplina autem nostra subditos divino judicio tanto liberiores reddit, quanto hic eorum culpas sine vindicta non deferit. Servanda itaque est & in corde humilitas, & in opere disciplina. Atque inter hæc solerter intuendum est, ne dum immoderatus custoditur virtus humilitatis, solvantur jura regiminis, & dum prælatus quisque plus se quam decet deicit, subditorum vitam stringere sub disciplinæ vinculo non possit. Teneant ergo Rectores exterius quod

pro aliorum utilitate suscipiunt: servant interius quod de sua æstimatione pertimescunt. Sed tamen quibusdam signis decenter erumpentibus, eos apud se esse humiles etiam subiecti deprehendant: quatenus & in auctoritate eorum quod formident videant, & de humilitate quod imitentur agnoscant. Studeant igitur sine intermissione qui præsumunt, ut eorum potentia quanto magna exterius cernitur, tanto apud eos interius deprimatur: ne cogitationem vincat, ne in delectationem sui animum rapiat, ne jam sub se mens eam regere non possit, cui se libidine dominandi superponit. Ne enim præsentis animus ad elationem potestatis suæ delectatione rapiatur, recte per (a) quemdam sapientem dicitur: *Ducem te constituerunt, noli extolli, sed esto in illis quasi unus ex illis*. Hinc etiam Petrus in Epistola ait: *Non dominantes in clero, sed forma facti (b) gregis*. Hinc per semetipsam Veritas ad altiora nos virtutum merita provocans secundum Matthæum & Lucam, dicit: *Scitis quia principes gentium dominantur eorum, & qui majores sunt, potestatem exercent in eos. Non ita erit inter vos, sed quicumque*

*Ecc. 12.
1.*

*1. Petr.
5. 1.*

*Matth.
20. v. 25.
&c.*

(a) Cod. per Salomonem dicitur in lib. 5.

(b) Cod. gregi.

que voluerit inter vos maior fieri, sit vester minister: & qui voluerit inter vos primus esse, erit vester servus: sicut filius hominis non venit ministrari, sed ministrare.

Hinc est quod servum ex suscepto regimine elatum, quæ post supplicia maneat, secundum Matthæum indicat, dicens: Quod si dixerit malus il-

Matth.
24. v. 48.
& c.

le servus in corde suo: Moram facit Dominus meus venire, & cœperit percutere conseruos suos, manducet autem & bibat cum ebriis; veniet dominus servi illius, in die qua non sperat, & hora qua ignorat, & dividet eum, partemque ejus ponet cum hypocritis. Inter hypocritas enim jure deputatur, qui ex simulatione disciplinæ ministerium regiminis vertit in usum dominationis, & tamen nonnumquam gravius delinquitur si inter perverfos plus æqualitas, quam disciplina custoditur. Quia enim falsa pietate superatus in Regum lib. 1.

1. Reg. 4.
v. 17. &
18.

ferire Heli delinquentes filios noluit, apud districtum judicem semetipsum cum filiis crudeli damnatione percussit. Hinc namque divina ei voce dicitur: Honorasti filios tuos (a) magis quam me. Hinc Pastores per Ezechielem Prophetam increpat dicens: Quod fractum est non alligastis, & quod abjectum est non reduxistis. Abiectus enim redu-

Ibid. 2.

29.

Ezec.

34. 4.

(a) Cod. plus.

C 6

sta-

statum iustitiæ ex pastoralis sollicitudinis vigore revocatur. Fracturam vero ligamen astringit, cum culpam disciplina deprimit: ne plaga usque ad interitum defluat, si hanc districtiōis severitas non coarctat.

Sed sæpe deterius frangitur, cum fractura incaute (a) colligatur, ita ut gravius scissuram sentiat, si hanc immoderatus ligamēta constringant. Unde necesse est, ut cum peccati vulnus in subditis corrigendo restringitur, magna se sollicitudine etiam districtio ipsa moderetur: quatenus sic jura disciplinæ contra delinquentes exerceat, ut pietatis viscera non amittat. Curandum quippe est, ut Rectorem subditis & matrem pietas, & patrem exhibeat disciplina. Atque inter hæc sollicita circumspectiōne providendum, ne aut districtio rigida, aut pietas sit remissa. Nam sicut

Lib. 20.

Moral. n.

14 c. 2.

Epist.

25 lib. 1.

Luc. 10.

14.

in libris Moralibus jam diximus, disciplina vel misericordia multum destituitur, si una sine altera teneatur. sed erga subditos suos inesse Rectoribus debet & iuste consulens misericordia, & pie sæviens disciplina. Hinc namque est, quod docente Veritate, per Samaritani studium secundum Lucam semivivus in stabulum duci.

(a) Cod. *ligatur.*

ducitur, & vinum atque oleum vulneribus ejus adhibetur: ut per vinum scilicet mordeantur vulnera, per oleum foveantur. Necesse quippe est, ut quisquis sanandis vulneribus præest, in vino morsum doloris adhibeat, in oleo mollitiem pietatis: quatenus per vinum mudentur putrida, per oleum foveantur sananda. Miscenda ergo est lenitas cum severitate; faciendum quoddam ex utroque temperamentum: ut neque multa asperitate exulcerentur subditi, neque nimia benignitate solvantur. Quod juxta Pauli vocem ad Hebræos Hebr. 9.4 bene illa tabernaculi Arca significat, in qua cum tabulis virga simul & manna est: quia cum Scripturæ sacræ scientia in boni Rectoris pectore, si est virga distractionis, sit & manna dulcedinis. Hinc David in Psalmo 22. ait: *Virga tua & baculus tuus, ipsa me consolata sunt.* Virga enim percutimur, baculo sustentamur. Si ergo est distractio virgæ quæ feriat, sit & consolatio baculi quæ sustentet. Sit itaque amor, sed non emolliens: sit vigor, sed non exasperans: sit zelus, sed non immoderate sæviens: sit pietas, sed non plus quam expediat, parcens: ut dum se in arce regiminis justitia clementiaque permiscet,

62 *S. Gregorii Reg. Pastoralis,*
miscet, is qui præest, corda subdi-
torum & terrendo demulceat, & ta-
men ad terroris reverentiam demul-
cendo constringat.

C A P U T VII.

Ut sit Rector internorum curam in exteriorum occupatione non minuens, exteriorum providentiam in internorum sollicitudine non relinquens.

SIT Rector internorum curam in exteriorum occupatione non minuens, exteriorum providentiam in internorum sollicitudine non relinquens: ne aut exterioribus deditus ab intimis corruat, aut solis interioribus occupatus, quæ foris debet proximis non impendat. Sæpe namque nonnulli velut obliti quod fratribus animarum causa prælati sunt toto cordis adnifu secularibus curis inserviunt: has, cum adsunt, se agere exultant; ad has etiam cum desunt, diebus ac noctibus cogitationis turbidæ æstibus anhelant. Cumque ab his, cessante forsitan opportunitate, quieti sunt, ipsa deterius sua quiete fatigantur. Voluptatem namque censent si actionibus deprimuntur, laborem deputant si in terrenis nego-

negotiis non laborant. Sicque fit, ut dum se urgeri mundanis tumultibus gaudent, interna quæ alios docere debuerant ignorent. Unde subjeſtorum quoque proculdubio vita torpeſcit: quia cum proficere ſpiritualiter appetit, in exemplo ejus qui ſibi prælatus eſt, quaſi in obſtaculo itineris offendit. Languente enim capite membra incallum vigent, & in exploratione hoſtium fruſtra exercitus velociter ſequitur, ſi ab ipſo duce itineris erratur. Nulla ſubditorum mentes exhortatio ſublevat, eorumque culpas increpatio nulla caſtigat: quia dum per animarum præſulem terreni exercetur officium judicis, a gregis cuſtodia vacat cura Paſtoris; & ſubjeſti veritatis lumen apprehendere nequeunt, quia dum Paſtoris ſenſus terrena ſtudia occupant, vento tentationis impuſus Eccleſiæ oculos pulvis cæcat. Quos contra recte humani generis Redemptor, cum nos a ventris voracitate compeſceret ſecundum Lucam, dicens: *Attendite autem vobis, (a) ut non graventur corda veſtra in crapula & ebrietate; illico adjunxit: Aut in curis hujus vitæ. Ubi pavorem quoque protinus intente adiiciens: Ne forte, inquit, ſuperveniat in vos repentina dies illa.* Cu-

Luc. 21.
34.

Ibidem.

(a) al. Cod. pro, ut non, ne.

jus

Ibid. 35. jus adventus etiam qualitatem denuntiat, dicens: *Tamquam laqueus enim venit super omnes qui sedent super faciem (a) omnis terræ.* Hinc iterum dicit:
 Luc. 16. 13. *Nemo potest duobus dominis servire.* Hinc Paulus religiosorum mentes a mundi consortio contestando, ac potius conveniendo suspendit ad Timotheum, dicens: *Nemo militans Deo implicat se negotiis secularibus, ut ei placeat cui se probavit.* Hinc Ecclesiæ Rectoribus & vacandi studia præcipit, & consulendi remedia ostendit ad Corinthios, dicens: *Secularia igitur iudicia si habueritis, contemptibiles qui sunt in Ecclesia, illos constituite ad iudicandum: ut ipsi videlicet dispensationibus terrenis inserviant, quos dona spiritalia non exornant.* Ac si apertius dicat: *Quia penetrare intima nequeunt, saltem necessaria foris operentur.* In Exodo hinc Moyses, qui cum Deo loquitur, Jethro alienigenæ reprehensione iudicatur, quod terrenis populorum negotiis stulto labore deserviat: cui & consilium mox præbetur, ut pro se alios ad jurgia dirimenda constituat, & ipse liberius ad erudiendos populos spiritalium arcana cognoscat.

A (b) subditis ergo inferiora gerenda

(a) Cod. *Orbis*, pro *omnis*. (b) Cod. *(sub)jectis*.

renda sunt, a Rectoribus summa cogitanda: ut scilicet oculum, qui (a) prævidendis gressibus præeminet, cura pulveris non obscurer. Caput namque subjectorum sunt cuncti qui præsumunt; & ut (b) recta pedes valeant itinera carpere, hæc proculdubio caput debet ex alto providere, ne a provectus sui itinere pedes torpeant, cum curvata reſtitutione corporis caput sese ad terram declinat. Qua autem mente animarum præsul honore pastoralis inter cæteros utitur, si in terrenis negotiis quæ reprehendere in aliis debuit, & ipse versatur? Quod videlicet ex ira justæ retributionis per Prophetam Oſeam Dominus minatur, dicens: *Et erit sicut populus, sic Sacerdos*. Sacerdos quippe est ut populus, quando ea agit is qui spiritali officio fungitur, quæ illi nimirum faciunt qui adhuc de studiis carnalibus judicantur. Quod cum magno scilicet dolore charitatis Jeremias Propheta conspiciens, quasi sub destructione templi deplorat, dicens: *Quomodo obscuratum est aurum, mutatus est color optimus, dispersi sunt lapides sanctuarii in capite omnium platearum? Quid namque auro, quod metallis cæteris præeminet, nisi excellentia sanctitatis?*

Oſea 4.9

Threni 1.

(a) Cod. *providendis*. (b) Cod. *recto pede*.

tis? Quid colore optimo, nisi cunctis
 amabilis reverentia religionis expri-
 mitur? Quid sanctuarii lapidibus,
 nisi sacrorum ordinum personæ si-
 gnantur? Quid platearum nomine,
 nisi præsentis vitæ latitudo figura-
 tur? Quia enim Græco eloquio *plátos*
 latitudo latine dicitur, profecto a la-
 titudine plateæ sunt vocatæ. Per se-
 metipsam vero Veritas dicit: *Lata &*
spatiosa via est quæ ducit ad perditionem.
 Aurum igitur obscuratur, cum terre-
 nis actibus sanctitatis vita polluitur.
 Color optimus commutatur, cum
 quorundam qui degere religiose cre-
 debantur, æstimatio antea facta minui-
 tur. Nam cum quilibet post sanctita-
 tis habitum terrenis se actibus inse-
 rit, quasi colore permutato ante hu-
 manos oculos ejus reverentia despecta
 pallefcit. Sanctuarii quoque lapides
 in plateas disperguntur, cum causa-
 rum læcularium foras lata itinera ex-
 petunt hi, qui ad ornamentum Ec-
 clesiæ internis mysteriis quasi in se-
 cretis tabernaculi vacare debuerunt.
 Ad hoc quippe sanctuarii lapides fie-
 bant, ut intra Sancta sanctorum in
 vestimento summi Sacerdotis appare-
 rent. Cum vero ministri religionis a
 subditis honorem Redemptoris sui ex
 merito vitæ non exigunt, sanctuarii
 lapi-

lapides in ornamento Pontificis non sunt. Qui nimirum sanctuarii lapides dispersi per plateas jacent, cum personæ sacrorum ordinum voluptatum suarum latitudini deditæ, terrenis negotiis in hærent. Et notandum, quod non hos dispersos in plateis, sed in capite platearum dicit: quia & cum terrena agunt, summi videri appetunt; ut & lata itinera teneant ex voluptate delectationis, & tamen in platearum sint capite ex honore sanctitatis.

Nil quoque obstat si sanctuarii lapides eosdem ipsos quibus constructum sanctuarium existebat, accipimus: qui dispersi in platearum capite jacent, quando sacrorum ordinum viri terrenis actibus ex desiderio inferviunt, ex quorum prius officio sanctitatis gloria stare videbatur. Sæcularia itaque negotia aliquando ex compassione toleranda sunt, numquam vero ex amore requirenda: ne cum mentem diligentis aggravant, hanc suo victam pondere ad ima de cælestibus mergant. At contra nonnulli gregis quidem curam suscipiunt, sed sic sibimet vacare ad spiritalia appetunt, ut rebus exterioribus nullatenus occupentur. Qui cum curare corporalia funditus negligunt, subdito-

ditorum necessitatibus minime concurrunt. Quorum nimirum prædicatio plerumque despicitur; quia dum delinquentium facta corripunt, sed tamen eis necessaria præsentis vitæ non tribuunt, nequaquam libenter audiuntur. Egenis etenim mentem doctrinæ sermo non penetrat, si hunc apud ejus animum manus misericordiæ non commendat. Tunc autem verbi semen facile germinat, quando hoc in audientis pectore pietas prædicantis rigat. Unde Rectorem necesse est, ut interiora possit infundere, cogitatione innoxia etiam exteriora providere. Sic itaque Pastores erga interiora studia subditorum suorum ferveant, quatenus in eis exterioris quoque vitæ providentiam non relinquant. Nam quasi jure, ut diximus, a percipienda prædicatione gregis animus frangitur, si cura exterioris subsidii a Pastore negligatur. Unde & primus Pastor sollicite ad-

1. Petr. 5.
1.

monet, dicens: *Seniores qui in vobis sunt, obsecro consenior & testis Christi passionum, qui & ejus, quæ in futuro revelanda est, gloriæ communicatur, pascite qui in vobis est gregem Dei. Qui hoc in loco passionem cordis an corporis suaderet, aperuit cum protinus adjunxit: Providentes non coacte, sed spontanee secun-*

secundum Deum, neque turpis lucri gratia, sed voluntarie. Quibus profecto verbis Pastoribus pie præcavetur, nedum subjeſtorum inopiam fatiant, ſe mucrone ambitionis occidant: ne cum per eos carnis ſubſidiis reſciantur proximi, ipſi remaneant a juſtitiae pane jejuni. Hanc Paſtorum ſollicitudinem Paulus excitat ad Timotheum, dicens: *Qui ſuorum, & maxime* ^{1^a Tim. 5.} *domesticorum curam non habet, fidem negavit, & eſt infideli deterior.* Inter hæc itaque metuendum ſemper eſt, & vigilanter intueſſendum, ne dum cura ab eis exterior agitur, ab interna intentione mergantur. Plerumque enim, ut prædiximus, corda Reſtorum dum temporali ſollicitudini incaute deſerviunt, ab intimo amore frigescunt, & foras (a) ſuſa obliſci non metuunt, quia animarum regimina ſuſceperunt. Sollicitudo ergo quæ ſubditis exterius impenditur, ſub certa neceſſe eſt menſura teneatur. Unde bene ad Ezechielem dicitur: *Sacerdotes caput ſuum non* ^{Ezech. 44. 20.} *radent, neque comam nutriunt, ſed tonſentes attondeant capita ſua.* Sacerdotes namque jure vocati ſunt, qui ut ſacrum ducatum præbeant, fidelibus præſunt. Capilli vero in capite, exteriores ſunt cogitationes in mente: qui dum ſuper cerebrum inſenſibiliter

(a) Cod. *ſuſa*.

oriun-

oriuntur, curas vitæ præsentis designant; quæ ex sensu negligenti, quia importune aliquando prodeunt, quasi nobis non sentientibus procedunt. Quia igitur cuncti qui præsunt, habere quidem sollicitudines exteriores debent, nec tamen eis vehementer incumbere, Sacerdotes recte, & caput prohibentur radere, & comam nutrire: ut cogitationes carnis de vita subditorum nec a se funditus amputent, nec rursus ad crescendum nimis relaxent. Ubi & bene dicitur:

Ibidem.

Tondentes tondeant capita sua: ut videlicet curæ temporalis sollicitudinis & quantum necesse est prodeant, & tamen recidantur citius, ne immoderatus excrescant. Dum igitur & per administratam exteriorum providentiam corporum vita protegitur, & rursus per (a) moderatam cordis intentionem non impeditur, capilli in capite Sacerdotis & servantur ut cutem cooperiant, & refecantur ne oculos claudant.

(a) Cod. *immoderatam.*



CA.

CAPUT VIII.

Ne placere Rector suo studio hominibus appetat, sed tamen ad quod placere debeat, intendat.

INter hæc quoque necesse est, ut Rector solerter invigilet, ne hunc cupido placendi hominibus pulset: ne cum studiose interiora penetrat, cum provide exteriora subministrat, se magis a subditis diligi quam veritatem quærat: ne cum bonis actibus fultus, a mundo videtur alienus, hunc auctori reddat extraneum amor suus. Hostis namque Redemptoris est, qui per recta opera quæ facit, ejus vice ab Ecclesia amari concupiscit: quia adulterinæ cogitationis reus est, si placere puer sponsæ oculis appetit, per quem sponsus dona transmissit. Qui nimirum amor proprius cum Rectoris mentem ceperit, aliquando hanc inordinate ad molli-
tiem, aliquando vero ad asperitatem rapit. Ex amore etenim suo mens Rectoris in molliem vertitur; quia cum peccantes subditos respicit, ne erga hunc eorum dilectio torpeat, corripere non præsumit: nonnumquam vero errata subditorum quæ in-
cre-

Ezech.
23. 28.

crepare debuerat , adulationibus demulcet. Unde bene per Ezechielem Prophetam dicitur : *Vae his qui consunt pulvillos sub omni cubito manus , & faciunt cervicalia sub capite universae aetatis ad capiendas animas . Pulvillos quippe sub omni cubito manus ponere , est cadentes a sua rectitudine animas , atque in hujus mundi se delectatione reclinantes , blanda adulatione refovere . Quasi enim pulvillo cubitus , vel cervicalibus caput jacentis excipitur , cum correptionis duritia peccanti subtrahitur , eique mollities favoris adhibetur , ut in errore mollior jaceat , quem nulla asperitas contradictionis pulsat . Sed hæc Rectores , qui semetipsos diligunt , his proculdubio exhibent , a quibus se noceri posse in studio gloriæ temporalis timent . Nam quos nil contra se valere conspiciunt , hos nimirum asperitate rigida semper invectionis premunt , numquam clementer admonent , sed pastoralis mansuetudinis obliiti , jure dominationis terrent . Quos recte per Prophetam Ezechielem divina vox increpat , dicens : *Vos autem cum austeritate imperabatis eis & cum potentia . Plus enim se suo auctore diligentes , jactanter erga subditos se erigunt , nec quid agere debeant ,**

Ezech.
34. 4.

beant, sed quid valeant attendunt :
 nil de subsequenti iudicio metuunt ,
 improbe de temporali potestate glo-
 riantur : libet ut licenter & illicita
 faciant, & subditorum nemo contra-
 dicat. Qui ergo (a) & prava studet
 agere, & tamen ad hæc vult cæter-
 os tacere, ipse sibimet testis est,
 quia plus veritate se appetit diligi,
 quam contra se non vult defendi.
 Nemo quippe est qui ita vivat, ut a-
 liquatenus non delinquat. Ille ergo
 se ipso amplius veritatem desiderat
 amari, qui sibi a nullo vult contra
 veritatem parci. Hinc etenim Petrus *Galat. 2.*
 increpationem Pauli libenter acce- ^{11.}
 pit: hinc David correptionem sub- ^{2. Reg.}
 diti humiliter audivit: quia Rectores ^{12. 7.}
 boni dum privato diligere amore se
 nesciunt, liberæ puritatis verbum a
 subditis obsequium humilitatis cre-
 dunt. Sed inter hæc necesse est, ut
 cura regiminis tanti, moderaminis
 arte temperetur, quatenus subdito-
 rum mens cum quædam recte sentire
 potuerit, sic in vocis libertatem pro-
 deat, ut tamen libertas in superbiam
 non erumpat: ne dum fortasse immo-
 deratius linguæ eis libertas concedi-
 tur, vitæ ab his humilitas amittatur.

D

Scien-

(a) Cod. *Qui ergo vult prava agere, & tamen
 ad hæc ceteros tacere.*

Sciendum quoque est quod oporteat, ut Rectores boni placere hominibus appetant, sed ut suæ æstimationis dulcedine proximos in affectum veritatis trahant, non ut se amari desiderent, sed ut dilectionem suam quasi quamdam viam faciant, per quam corda audientium ad amorem Conditoris introducant. Difficile quippe est, ut quamlibet recta denuntians prædicator qui non diligitur, libenter audiatur. Debet ergo qui præest, & studere se diligi, quatenus possit audiri, & tamen amorem suum pro semetipso non quærere, ne inveniat eum, cui servire per officium cernitur, occulta cogitationis tyrannide resultare. Quod bene Paulus insinuat, cum sui nobis studii occulta manifestat, ad Corinthios dicens:

1. Cor. 10.
13.

Sicut & ego per omnia omnibus placeo. Qui tamen rursus ad Galatas dicit:

Galat. 2.
20.

Si adhuc hominibus placerem, Christi servus non essem. Placet ergo Paulus, & non placet: quia in eo quod placere appetit, non se, sed per se hominibus placere veritatem quærit.



CA-

CAPUT IX.

*Quod scire sollicite Rector debet, quia
plerumque vitia virtutes se esse
mentiuntur.*

SCIRE etiam Rector debet quod plerumque vitia virtutes se esse mentiuntur. Nam sæpe sub parcimoniae nomine se tenacia palliat, contraque se effusio sub appellatione largitatis occultat. Sæpe inordinata remissio pietas creditur, & effrenata ira spiritualis zeli virtus aestimatur. Sæpe præcipitata actio velocitatis efficacia, atque agendi tarditas gravitatis consilium putatur. Unde necesse est ut Rector animarum, virtutes ac vitia vigilantia cura discernat, ne aut cor tenacia occupet, & parcum se videri in dispensationibus exultet: aut cum effuse quid perditur, largum se quasi miserando gloriatur: aut remittendo quod ferire debuit, ad æterna supplicia subditos pertrahat; aut immaniter feriendo quod delinquitur, ipse gravius delinquat: aut hoc quod agi recte ac graviter potuit, immature præveniens leviget; aut bonæ actionis meritum differendo, ad deteriora permutet.

D 2

CA-

CAPUT X.

Quæ esse debet Rectoris discretio correptionis & dissimulationis, fervoris, & mansuetudinis.

SCiendum quoque est, quod aliquando subjectorum vitia prudenter dissimulanda sunt, sed quia dissimulantur, indicanda: aliquando & aperte cognita, mature toleranda, aliquando vero subtiliter & occulta perscrutanda: aliquando leniter arguenda, aliquando autem vehementer increpanda. Nonnulla quippe, ut diximus, prudenter dissimulanda sunt, sed quia dissimulantur, indicanda: ut cum delinquens & apprehendi se cognoscit & perpeti, has quas in se tacite tolerari considerat, augere culpas erubescat, seque se iudice puniat, quem sibi apud se Rectoris patientia clementer excusat. Qua scilicet dissimulatione bene Iudæam Dominus corripit, cum per

1^a ai. 37. 31. *Isaiam Prophetam dicit: Mentita es, & mei non es recordata, neque cogitasti in corde tuo, quia ego tacens & quasi non videns. Et dissimulavit ergo culpas, & innotuit: quia & contra peccantem tacuit, & hoc ipsum tamen quia tacuerit*

cuerit dixit. Nonnulla autem vel aperte cognita, mature toleranda sunt, cum videlicet rerum minime opportunitas congruit, ut aperte corrigantur. Nam secta immature vulnera deterius infervescunt, & nisi cum tempore medicamenta conveniant, constat proculdubio quod medendi officium amittant. Sed cum tempus subditis ad correptionem quæritur, sub ipso culparum pondere patientia Præsulis exercetur. Unde bene per Psalmistam in Psalmo 128. dicitur: *Supra dorsum meum fabricaverunt peccatores.* In dorso quippe onera sustinemus. *Supra dorsum igitur suum fabricasse peccatores queritur, ac si aperte dicat: Quos corrigere nequeo, quasi superimpositum onus porto.* Ps. 128. 2

(a) Nonnulla autem occulta subtiliter sunt perscrutanda, ut quibusdam signis erumpentibus, Rector in subditorum mente omne, quod clausum latet, inveniat, & interveniente correptionis articulo, ex minimis majora cognoscat. Unde recte ad Ezechielem dicitur: *Fili hominis, fode parietem.* Ubi mox idem Propheta subiungit: *Et cum fodissem parietem, ap-* Ezech. 2. 1.

D 3

paruit

(a) In margine Cod. caractere pœne cœvo. *Nota: pro scrutinio utilissimo in confessionibus fiendo.* Iud. 9. 21. & 10.

paruit ostium unum. Et dixit ad me: Ingredere, & vide abominaciones pessimas, quas isti faciunt hic. Et ingressus vidi: & ecce omnis similitudo reptilium, & animalium abominatio, & universa idola domus Israel depicta erant in pariete. Per Ezechielem quippe præpositorum (a) persona signatur, per parietem duritia subditorum. Et quid est parietem fodere, nisi acutis inquisitionibus duritiam cordis aperire? Quem cum fodisset, apparuit ostium: quia cum cordis duritia vel studiosis percussationibus, vel maturis correptionibus scinditur, quasi quædam janua ostenditur, ex qua omnia in eo qui corripitur cogitationum interiora videantur. Unde & bene illic sequitur: Ingredere & vide abominaciones pessimas, quas isti faciunt hic. Quasi ingreditur, ut abominaciones aspiciat, qui discussis quibusdam signis exterioribus apparentibus, ita corda subditorum penetrat, ut cuncta ei, quæ illi cuncte cogitantur, innotescant. Unde

Ibidem. & subdidit: Et ingressus vidi, & ecce omnis similitudo reptilium, & animalium abominatio. In reptilibus cogitationes omnino terrenæ signantur, in animalibus vero jam quidem aliquantulum a terra suspensæ, sed adhuc terrenæ

(a) Cod. ordo, ac persona.

renæ mercedis præmia requirentes. Nam reptilia toto ex corpore terræ inhærent, animalia autem magna ex parte corporis a terra suspensa sunt, appetitu tamen gulæ ad terram semper inclinantur. Reptilia itaque sunt intra parietem, quando cogitationes volvuntur in mente, quæ a terrenis desideriis numquam levantur. Animalia quoque sunt intra parietem, quando & si qua jam iusta, si qua honesta cogitantur, appetendis tamen lucris temporalibus honoribusque deserviunt, & per semetipsa quidem jam quasi a terra suspensa sunt, sed adhuc per ambitum quasi per gulæ desiderium sese ad ima submittunt. Unde & bene subditur: *Et*

universa idola domus Israel depicta erant in pariete. Scriptum quippe est ad Colossenses: *Et avaritia, quæ est idolorum servitus.* Recte ergo post animalia, idola describuntur: quia etsi honesta actione nonnulli jam quasi a terra se erigunt, ambitione tamen inhonesta semetipsos ad terram deponunt. Bene autem dicitur, *Depicta erant*: quia dum exteriorum rerum intrinsecus species attrahuntur, quasi in corde depingitur quidquid fæctis imaginibus deliberando cogitatur. Notandum itaque est, quia prius, foramen in pa-

Ezech. 8: 10.

Coloss. 3: 5.

80 *S. Gregorii Reg. Pastoralis,*
riete, ac deinde ostium cernitur, &
tunc demum occulta abominatio de-
monstratur: quia nimirum uniuscu-
jusque peccati prius signa forinsecus,
deinde janua apertæ iniquitatis osten-
ditur, & tunc demum omne malum,
quod intus latet, aperitur.

Nonnulla autem sunt leniter ar-
guenda: nam cum non malitia, sed
sola ignorantia vel infirmitate delin-
quitur, profecto necesse est, ut ma-
gno moderamine ipsa delicti correp-
tio temperetur. Cuncti quippe quo-
usque in hac mortali carne subsisti-
mus, corruptionis nostræ infirmita-
tibus subjacemus. Ex se ergo debet
quisque colligere qualiter alienæ (a)
hunc oporteat imbecillitati misereri,
ne contra infirmitatem proximi, si ad
increpationis vocem ferventius rapi-
tur, oblitus sui esse videatur. Unde
bene Paulus ad Galatas admonet, di-
Galat. 6 cens: *Si præoccupatus fuerit homo in ali-*
quo delicto, vos qui spirituales estis, in-
struite hujusmodi in spiritu mansuetudinis,
considerans teipsum, ne & tu tenteris. Ac
si aperte dicat: Cum displicet ex alie-
na infirmitate quod conspicias, pensa
quod es; ut in increpationis zelo se
spiritus temperet, dum sibi quoque
quod increpat timet.

Non-

(a) *Cod. nunc.*

Nonnulla autem sunt vehementer increpanda, ut cum culpa ab auctore non cognoscitur, quanti sit ponderis, ab increpantis ore sentiat. Et cum sibi quis malum, quod perpetravit, levigat, hoc contra se graviter ex corripientis asperitate pertimescat. Debitum quippe Rectoris est supernæ patriæ gloriam per vocem prædicationis ostendere, quanta in hujus vitæ itinere tentamenta antiqui hostis lateant aperire, & subditorum mala, quæ tolerari leniter non debent, cum magna zeli asperitate corrigere: ne si minus contra culpas accenditur, culparum omnium reus ipse teneatur. Unde bene ad Ezechielem dicitur: *Sume tibi laterem, & pones eum coram te, & describes in eo civitatem Jerusalem.* Statimque subiungitur: *Et ordinabis adversus eam obsidionem, & ædificabis munitiones, & comportabis aggerem, & dabis contra eam castra, & pones arietes in gyro. Eique ad munitionem suam protinus subinferatur: Et tu sume tibi sartaginem ferream, & pones eam murum ferreum inter te & inter civitatem.* Cujus enim Ezechiel Propheta nisi magistrorum speciem tenet? Cui dicitur: *Sume tibi laterem, & pones eum coram te, & describes in eo civitatem Jerusalem.*

D 5

Sancti

Sancti quippe doctores sibi laterem sumunt, quando (a) terrenum auditorum cor, ut doceant, apprehendunt. Quem scilicet laterem coram se ponunt; quia tota illud mentis intentione custodiunt. In quo & civitatem Jerusalem jubentur describere; quia prædicando terrenis cordibus curant summopere, quæ sit supernæ pacis visio, demonstrare. Sed quia incassum gloria patriæ cælestis agnoscitur, nisi & quanta hic irruant hostis callida tentamenta, noscantur, (b) apte subjungitur: *Et ordinabis adversus eam obsidionem, & ædificabis munitiones*. Sancti quippe prædicatores obsidionem circa laterem, in quo Jerusalem civitas descripta est, ordinant, quando terrenæ menti, sed jam superna patriam requirenti, quanta eam in hujus vitæ tempore vitiorum impugnet adversitas demonstrant. Nam cum unumquodque peccatum quomodo proficientibus insidietur, ostenditur, quasi obsidio circa civitatem Jerusalem voce prædicatoris ordinatur. Sed quia non solum debent innotescere qualiter vitia (c) impugnent, verum etiam quomodo cu-

(a) Cod. *terrenorum*.(b) Cod. *aperse*.(c) Cod. *impugnētur*.

custodiæ nos virtutes robovent, recte subjungitur: *Et edificabis munitiones*. Munitiones quippe sanctus prædicator ædificat, quando quæ virtutes quibus resistent vitiis demonstrat. Et quia crescente virtute, plerumque bella tentationis augentur, recte adhuc additur: *Et comportabis aggerem, & dabis contra eam castra, & pones arietes in gyro*. Aggerem namque comportat, quando prædicator quisque molem crescentis tentationis enuntiat. Et contra Jerusalem castra erigit, quando rectæ intentioni audientium hostis callidi circumspectas & quasi incomprehensibiles insidias prædicit. Atque arietes in gyro ponit, cum tentationum aculeos in hac vita nos undique circumdantes, & virtutum murum perforantes innotescit.

Sed cuncta hæc, licet subtiliter Rector insinuet, nisi contra delicta singulorum æmulationis spiritu ferveat, nullam sibi in perpetuum absolutionem parat. Unde illic adhuc recte subjungitur: *Et tu sume tibi sartaginem ferream, & pones eam murum ferreum inter te & inter civitatem*. Per sartaginem quippe frixura mentis, per ferrum vero increpationis fortitudo signatur. Quid vero acrius doctoris

mentem, quam zelus Dei frigit & ex-
cruciat? Unde Paulus huius sartagi-
nis utebatur frixura ad Corinthios 11.
2. Cor. 11. cum diceret: *Quis infirmatur, & ego
non infirmor? quis scandalizatur, & ego
non uror?* Et quia quisquis zelo Dei
accenditur, ne damnari ex negli-
gentia debeat, forti in perpetuum
custodia munitur, recte dicitur: *Po-
nes eam murum ferream inter te & ci-
vitatem.* Sartago enim ferrea murus
ferreus inter Prophetam & civitatem
ponitur; quia cum nunc fortem ze-
lum Rectores exhibent, eundem ze-
lum postmodum inter se & audito-
res suos fortem munitionem tenent:
ne tunc ad vindictam destituti sint,
si nunc fuerint in correptione dis-
soluti.

Sed inter hæc sciendum est, quia
dum ad increpationem se mens do-
ctoris exasperat, difficile valde est,
ut non aliquando & ad aliquid quod
dicere non debet, erumpat. Et ple-
rumque contingit, ut dum culpa sub-
ditorum cum magna invectione cor-
ripitur, magistri lingua usque ad
excessus verbi pertrahatur. Cumque
increpatio immoderate accenditur,
corda delinquentium in desperatio-
ne deprimuntur. Unde necesse est,
ut exasperatus Rector, cum subdito-
rum

rum mentem plus se quam debuit percussisse considerat, apud se semper ad poenitentiam recurrat: ut per lamenta veniam in conspectu veritatis obtineat, ex eo etiam quod per zeli ejus studium peccat. Quod figurate Dominus per Moysen præcipit in Deuteronomio, dicens: *Si quis abierit cum amico suo simpliciter in silvam ad ligna cadenda, & lignum securis fugerit manu, ferrumque lapsum de manubrio amicum ejus percusserit & occiderit, hic ad unam supradictarum urbium fugiet, & vivet: ne forte proximus ejus, cujus effusus est sanguis, doloris stimulo persequatur & apprehendat eum, & percutiat animam ejus.* Ad silvam quippe cum amico imus, quoties ad intuenda subditorum delicta convertimur. Et simpliciter ligna succidimus, cum delinquentium vitia pia intentione refecamus. Sed securis manu fugit, cum sese increpatio, plus quam necesse est, in asperitatem pertrahit. Ferrumque de manubrio profilit, cum de correptione sermo durior excedit. Et amicum percutit & occidit, quia auditorem suum prolata contumelia a spiritu dilectionis interficit. Correpti namque mens repente ad odium proruit, si hanc immoderata increpatio plus quam debuit, addicit. Sed is qui incaute ligna per-

percutit, & proximum extinguit, ad
 tres necesse est urbes fugiat, ut in una
 earum defensus vivat: quia si ad pœ-
 nitentiæ lamenta conversus, in uni-
 tate sacramenti sub, spe, fide, & cha-
 ritate absconditur, reus perpetrati
 homicidii non tenetur. Eumque ex-
 tincti proximus & cum invenerit non
 occidit: quia cum districtus iudex ve-
 nerit, qui sese nobis per naturæ no-
 stræ consortium junxit, ab eo procul-
 dubio culpæ reatum non expetit,
 quem sub ejus venia fides, spes, &
 charitas abscondit.

C A P U T XL

*Quantum Rector sacre Legis meditatio-
 nibus esse debeat intentus.*

SEd omne hoc rite a Rectore agi-
 tur, si supernæ formidinis & di-
 lectionis spiritu afflatus, studiosè quo-
 tidie sacri eloquii præcepta medite-
 tur: ut in eo vim sollicitudinis, &
 erga cælestem vitam providæ circum-
 spectionis, quam humanæ conver-
 sationis usus indefinenter destruit,
 divinæ admonitionis verba restaurent:
 & qui ad vetustatem vitæ per socie-
 tatem sæcularium ducitur, ad amo-
 rem semper spiritualis patriæ compun-
 ctionis

Etionis aspiratione renovetur. Valde namque inter humana verba cor defluit : cumque indubitanter conflet, quod externis occupationum tumultibus impulsus a semetipso corruat, studere incessabiliter debet, ut per eruditionis studium resurgat. Hinc est enim quod prælatus gregi discipulum Paulus admonet, dicens : *Dum venio, attende lectioni.* Hinc David ait : 1. Tim. 4
13

Quomodo dilexi legem tuam Domine, tota die meditatio mea est. Hinc Moyse Ps. 118.
97. Dominus de portanda Arca præcepit, Exod. 25
v. 12. 16. dicens : *Facies quatuor circulos aureos, quos pones per quatuor Arcæ angulos, faciesque vestes de lignis sethim, & operies auro, inducesque per circulos qui sunt in Arcæ lateribus, ut portetur in eis, qui semper erunt in circulis, nec umquam extrahentur ab eis.* Quid per Arcam, nisi Sancta Ecclesia figuratur? Cui quatuor circuli aurei per quatuor angulos jubentur adjungi : quia in eo quod per quatuor mundi partes dilatata tenditur, proculdubio quattuor Sancti Evangelii libris accincta prædicatur. Vestesque de lignis sethim fiunt, qui eisdem ad portandum circulis inseruntur : quia fortes perseverantesque doctores velut imputribilia ligna querendi sunt, qui instructioni sacrorum voluminum semper inhærentes, Sanctæ

Etæ Ecclesiæ unitatem denuntient, &
 quasi intromissis circulis Arcam por-
 tent. Vestibus quippe Arcam portare,
 est bonis doctoribus Sanctam Ecclesiā
 ad rudes infidelium mentes prædican-
 do deducere. Qui auro quoque jubentur
 operiri, ut dum sermone aliis in-
 sonant, ipsi etiam vitæ splendore ful-
 gescant. De quibus apte subditur: *Qui
 semper erunt in circulis, nec umquam extra-
 bentur ab eis.* Quia nimirum necesse est,
 ut qui ad officium prædicationis excu-
 bant, a sacrae lectionis studio non re-
 cedant. Ad hoc namque vestes esse in
 circulis semper jubentur, ut cum por-
 tari Arcam opportunitas exigit, de
 intromittendis vestibus portandi tar-
 ditas nulla generetur: quia videlicet
 cum spiritale aliquid a subditis Pastor
 inquiritur, ignominiosum valde est, si
 tunc quærat discere, cum quæstionem
 debet enodare. Sed circulis vestes in-
 hæreant, ut doctores semper in suis
 cordibus eloquia sacra meditantes, te-
 stamenti Arcam sine mora elevent, si
 quidquid necesse est, protinus docent.
 Unde bene primus Pastor Ecclesiæ Pa-
 1. Pet. 3. flores cæteros admonet, dicens: *Parati
 15. semper ad satisfactionem omni poscenti vos
 rationem de ea quæ in vobis est spe.* Ac si
 aperte dicat: Ut ad portandam Arcam
 nulla mora præpediat, vestes a circulis
 numquam recedant. TER.



TERTIA PARS

QUALITER RECTOR

Bene vivens debeat docere, & admonere subditos.

PROLOGUS.

QVia igitur qualis esse debeat Pastor ostendimus, nunc qualiter doceat, demonstremus. Ut enim longe ante nos reverendæ memoriæ Gregorius Nazianzenus Orat. 11 docuit, non una eademque cunctis exhortatio congruit, quia nec cunctos par morum qualitas astringit. Sæpe namque aliis officiunt, quæ aliis profunt. Quia & plerumque herbæ, quæ hæc animalia nutriunt, alia occidunt: & lenis sibilus equos mitigat, catulos instigat. Et medicamentum quod hunc morbum imminuit, alteri vires jungit: & panis qui vitam fortium roborat, parvulorum necat. Pro qualitate igitur audientium formari

90 *S. Gregorii Reg. Pastoralis ;*
mari debet sermo doctorum , ut &
(a) ad sua singulis congruat , & tamen
a communis ædificationis arte num-
quam recedat . Quid enim sunt in-
tentæ mentes auditorum , nisi ut ita
dixerim , quædam in cithara tensio-
nes stratæ chordarum ? quas tangen-
di artifex , ut non sibimetipsi dissi-
mile canticum faciat , dissimiliter
pulsat . Et idcirco cordæ consonam
modulationem reddunt : quia uno qui-
dem pleatro , sed non uno impulsu
feriuntur . Unde & doctor quisque ,
ut in una cunctos virtute charitatis
ædificet , ex una doctrina , non una
eademque exhortatione tangere cor-
da audientium debet .

CAPUT I.

*Quanta debes esse diversitas in arte
prædicationis .*

ALiter namque admonendi sunt
viri , atque aliter fœminæ .

Aliter juvenes , aliter senes .

Aliter inopes , aliter locupletes :

Aliter læti , aliter tristes .

Aliter subditi , aliter prælati .

Aliter servi , aliter domini .

Aliter hujus mundi sapientes , a-
liter hebetes . Ali-

(a) Cod. *singula singulis .*

Aliter impudētes, aliter verecundi.

Aliter protervi, aliter puffedanimes.

Aliter impatientes, aliter patientes.

Aliter benevoli, aliter invidi.

Aliter simplices, aliter impuri.

Aliter incolumes, aliter ægri.

Aliter qui flagella metunt, & propterea innocenter vivunt; aliter qui sic in iniquitate duruerunt, ut neque per flagella corrigantur.

Aliter nimis taciti, aliter multiloquio vacantes.

Aliter pigri, aliter præcipites.

Aliter mansueti, aliter iracundi.

Aliter umiles, aliter elati.

Aliter pertinaces, aliter inconstantes.

Aliter gulæ dediti, aliter abstinentes.

Aliter qui sua misericorditer tribuunt, aliter qui aliena rapere contendunt.

Aliter qui nec aliena rapiunt, nec sua largiuntur.

Aliter qui & ea quæ habent, tribuunt, & tamen aliena rapere non desistunt.

Aliter discordes, aliter pacati.

Aliter seminantes jurgia, aliter pacifici.

Aliter qui sacræ Legis verba non in-

intelligunt recte; aliter qui recte quidem intelligunt, sed hæc humiliter non loquuntur.

Aliter qui cum digne prædicare valeant, præ nimia humilitate formidant; aliter quos a prædicatione imperfectio vel ætas prohibet, & tamen præcipitatio impellit.

Aliter qui in hoc quod temporaliter appetunt, prosperantur; aliter qui ea quidem quæ mundi sunt concupiscunt, sed tamen adversitatis labore fatigantur.

Aliter conjugii obligati, aliter a conjugii nexibus liberi.

Aliter (a) admixtionem carnis experti, aliter ignorantes.

Aliter qui peccata deplorant operum, aliter qui cogitationum.

Aliter qui commissa plangunt, nec tamen deserunt; aliter qui deserunt, nec tamen plangunt.

Aliter qui illicita quæ faciunt, etiam laudant; qui aliter accusant prava, nec tamen devitant.

Aliter qui repentina concupiscentia superantur, atque aliter qui in culpa ex consilio ligantur.

Aliter qui licet minima, crebro tamen illicita faciunt; aliter qui se a parvis custodiunt, sed aliquando

in

(a) Cod. *commixtionem*.

in gravioribus demerguntur.

Aliter qui bona nec incohant, aliter qui inchoata minime consumant.

Aliter qui mala occulte agunt, & bona publice; aliter qui bona quæ faciunt abscondunt, & tamen quibusdam factis publice mala de se opinari permittunt.

Sed quid utilitatis est, quod cuncta hæc collecta (a) numeratione transcurrimus, si non etiam admonitionis modos per singula, quanta possumus brevitate, pandamus.

C A P U T II.

Quomodo admonendi sunt viri, & fœminæ.

ALiter igitur admonendi sunt viri, atque aliter fœminæ: quia illis graviora, istis vero injungenda sunt leviora, ut illos magna exerceant, istas autem leviter demulcendo convertant.

C A P U T III.

Quomodo admonendi sint juvenes, & senes.

ALiter admonendi sunt juvenes, atque aliter senes: quia illos plerumque severitas admonitionis ad

(a) Cod. enumeratione. pro-

94 S. Gregorii Reg. Pastoralis ;
profectum dirigit ; istos vero ad me-
liora opera deprecatio blanda compo-
nit. Scriptum quippe est : *Seniorem*
1. Tim. 5. 1. *ne increpaveris , sed obsecra ut patrem .*

C A P U T IV.

*Quomodo admonendi sint inopes
& divites .*

Aliter admonendi sunt inopes , at-
que aliter locupletes : illis nam-
que offerre consolationis solatium
contra tribulationem , istis vero in-
ferre metum contra elationem debe-
mus . Inopi quippe a Domino per
Isaia 54. Prophetam Isaiam dicitur : *Noli ti-*
4. *mere , quia non confunderis .* Cui non
Ibidem. longe post blandiens , dicit : *Pauper-*
2. 11. *cula tempestate convulsa .* Rursumque
Ibidem hanc consolatur , dicens : *Elegi te in*
48. 10. *camino paupertatis .* At contra Paulus
1. Tim. Timotheo discipulo de divitibus di-
6. 17. *cit : Divitibus hujus seculi praecepe non su-*
perbe sapere , neque sperare in incerto di-
vitiarum suarum . Ubi notandum val-
de est , quod humilitatis doctor me-
moriam divitum faciens non ait , *Ro-*
ga , sed *Praecepe* : quia etsi impenden-
da est pietas infirmitati , honor tamen
non debetur elationi . Talibus ergo
rectum quod dicitur , tanto rectius
jube-

jubetur, quanto & in rebus transitoriiis altitudine cogitationis intumescunt. De his in Evangelio Dominus dicit: *Vae vobis divitibus, qui habetis consolationem vestram.* Quia enim quæ sunt ^{Luc. 6. 24.} æterna gaudia nesciunt, ex præsentis vitæ abundantia consolantur. (a) Offerenda est ergo eis consolatio, quos caminus paupertatis excoquit; atque illis inferendus est timor, quos consolatio gloriæ temporalis extollit: ut & illi discant, quia divitias quas non conspiciunt, possident; & isti cognoscant, quia eas, quas conspiciunt, nequaquam tenere possunt. Plerumque tamen personarum ordinem permutat qualitas morum: ut sit dives humilis, sit pauper elatus. Unde mox prædicantis lingua cum audientis debet vita componi: ut tanto distriktius in paupere elationem feriat, quanto eam nec illata paupertas inclinat, & tanto lenius humilitatem divitum mulceat, quanto eos nec abundantia quæ sublevat, exaltat.

Nonnumquam tamen etiam superbus dives exhortationis blandimento placandus est: quia & plerumque dura vulnera per lenia fomenta mollescunt, & furor insanorum sæpe ad salutem medico blandiente reducitur:

cum-

(a) Cod. *preferenda*.

cumque eis in dulcedine condescenditur, languor infantiæ mitigatur. Neque enim negligenter intuendum est, quod cum Saulem in Regum libro primo, spiritus adversus invaderet, apprehensa David cithara, ejus vesaniam sedabat. Quid enim per Saulem nisi elatio potentum; & quid per David innuitur, nisi humilis vita Sanctorum? Cum ergo Saul ab immundo spiritu arripitur David canente, ejus vesaniam temperatur: quia cum sensus potentum per elationem in furorem vertitur, dignum est ut ad salutem mentis quasi dulcedine citharæ, locutionis nostræ tranquillitate revocetur. Aliquando autem cum hujus sæculi potentes arguuntur, prius per quasdam similitudines velut de alieno negotio requirendi sunt, & cum rectam sententiam quasi in alterum protulerint, tunc modis congruentibus de proprio reatu feriendi sunt: ut mens temporali potentia tumida, contra corripientem nequaquam se erigat, quæ suo sibi judicio superbiæ cervicem calcet; & in nulla sui defensione se exerceat, quam sententia proprii oris ligat. Hinc est enim quod Nathan Propheta in libro Regum arguere Regem venerat, & quasi de causa pauperis contra divitem

1. Reg.
13. 10.

2. Reg.
22. 4.
3. 6.

tem iudicium quærebat; ut prius Rex sententiam diceret, & reatum suum postmodum audiret, quatenus nequaquam iustitiæ contradiceret, quam ipse in se protulisset. Vir itaque sanctus & peccatorem considerans & Regem, miro ordine audacem reum prius per confessionem ligare studuit, & postmodum per invectionem secare. Celavit paululum quem quæsivit, sed percussit repente quem tenuit. Pigrius enim fortasse incideret, si ab ipso sermonis exordio aperte culpam ferire voluisset; sed præmissa similitudine, eam quam occultabat exacuit increpationem. Ad ægrum medicus venerat, secundum vulnus videbat, sed de patientia ægri dubitabat. Abscondit igitur ferrum medicinale sub veste, quod eductum subito fixit in vulnere, ut secantem gladium sentiret æger, antequam cerneret, ne si ante cerneret, sentire recusaret.

CAPUT V.

Quomodo admonendi læti, & tristes.

ALiter admonendi sunt læti, atque aliter tristes. Lætis videlicet inferenda sunt tristitia quæ sequuntur ex supplicio: tristibus vero inferenda
E sunt

sunt læta quæ promittuntur ex re-
gno. Discant læti ex minarum aspe-
ritate quod timeant; audiant tristes
præmiorum gaudia de quibus præsu-
mant. Illis quippe secundum Lucam
dicitur: *Væ vobis qui ridetis nunc, quo-*
niam flebitis: isti vero eodem magi-
stro docente audiunt secundum Jo-
annem; Iterum videbo vos, & gaudebit
cor vestrum, & gaudium vestrum ne-
mo tollet a vobis. Nonnulli autem læ-
ti vel tristes non rebus fiunt, sed con-
spersionibus existunt. Quibus profe-
cto intimandum est quod quædam vi-
tia quibusdam conspersionibus juxta
sunt. Habent enim læti ex propin-
quo luxuriam, tristes iram. Unde
necesse est ut non solum quisque con-
sideret quod ex conspersione sustinet,
sed etiam quod ex vicino deterius per-
urget: ne dum nequaquam pugnat
contra hoc quod tolerat, ei quoque,
a quo se liberum æstimat, vitio luc-
cumbat.

Luc. 6.
25.

Joan. 16.
22.

C A P U T VI.

Quomodo admonendi subditi & prælati.

ALiter admonendi sunt subditi,
atque aliter prælati. Illos ne
subjectio conterat, istos ne locus su-
perior

perior extollat. Illi ne minus quæ jubentur impleant, isti ne plus iusto jubeant quæ compleantur. Illi ut humiliter subjaceant, isti ut temperanter præsent. Nam quod intelligi & figuraliter potest, illis dicitur ad Ephesios: *(a) Filii, obedite parentibus vestris in Domino: istis vero præcipitur: Et patres, nolite ad iracundiam provocare filios vestros.* Illi discant quomodo ante occulti arbitri oculos sua interiora componant, isti quomodo etiam commissis sibi exempla bene vivendi exterius præbeant.

Ephes. 6. 1.

Coloss. 3. v. 20. 21.

Scire etenim prælati debent, quia si perversa umquam perpetrant, tot mortibus digni sunt, quot ad subditos suos perditionis exempla transmittunt. Unde necesse est, ut tanto se cautius a culpa custodiant, quanto per prava quæ faciunt, non soli moriuntur: (sed aliorum animarum, quas pravis exemplis destruxerunt, rei sunt.) Unde admonendi sunt illi, ne districtius puniantur si absoluti reperiri nequiverint saltem de se: isti ne de subditorum erratibus judicentur, etiamsi se jam de se securos inveniunt. Illi ut tanto circa se sollicitius vivant, quanto eos aliena cura non implicat: isti vero

E 2 ut

(a) Cod. ad Ephesios ubi vid. c. 6. n. 1.

ut sic aliorum curas expleant, quatenus & suas agere non desistant, & sic in propria sollicitudine ferveant, ut a commissorum custodia minime torpescant. Illi enim sibi met vacanti

Prover. 6. in Proverbiis dicitur: *Vade ad formicam, o piger, & considera vias ejus, & discite sapientiam.* Iste autem terribiliter admonetur, cum dicitur: *Fili mi, si sponderis pro amico tuo, defixisti apud extraneum manum tuam, & illaqueatus es verbis oris tui, & captus propriis sermonibus.* Spondere namque pro amico, est alienam animam in (a) periculo suæ conversationis accipere. Unde & apud extraneum manus defigitur, quia apud curam sollicitudinis quæ ante decrat, mens ligatur. Verbis vero oris sui illaqueatus est, ac propriis sermonibus captus: quia dum commissis sibi cogitur bona dicere, ipsum prius necesse est quæ dixerit, custodire. Illaqueatur igitur verbis oris sui, dum ratione exigente constringitur, ne ejus vita ad aliud quam admonet relaxetur. Unde apud districtum judicem cogitur tanta in opere exsolvere, quanta eum constat aliis voce præcepisse. Ubi & bene mox exhortatio subditur, ut dicatur: *Faci.*
Ibid. v. 1. ergo quod dico, fili mi, & temetipsum libera:

(a) Cod. periculum.

lera : quia incidisti in manus proximi tui, discurre, festina, suscita amicum tuum ; ne dederis somnum oculis tuis, nec dormitent palpebræ tuæ. Quisquis enim ad vivendum aliis in exemplo præponitur, non solum ut ipse vigilet, sed etiam ut amicum suscitet admonetur. Ei namque vigilare bene vivendo non sufficit, si non & illum cui præest, a peccati torpore disjungit. Bene autem dicitur : *Ne dederis somnum oculis tuis, nec dormitent palpebræ tuæ.* *Ilid v.4.* Somnum quippe oculis dare, est intentione cessante, subditorum curam omnino negligere. Palpebræ vero dormitant, cum cogitationes nostræ ea quæ in subditis arguenda cognoscant, pigredine deprimente dissimulant. Plene enim dormire, est commissorum acta nec scire, nec corrigere. Non autem dormire, sed dormire est, quæ quidem reprehendenda sunt cognoscere, sed tamen propter mentis tædium dignis ea increpationibus non emendare. Dormitando vero oculus ad plenissimum somnum ducitur, quia dum plerumque qui præest, malum quod cognoscit, non resecat, ad hoc quandoque negligentia suæ merito perveniet, ut quod a subiectis delinquitur, nec (a) agnoscat.

E 3

Admo-

(a) God. cognoscat.

Admonendi sunt itaque qui præsunt, ut per circumspeditionis studium oculos pervigiles intus & in circuitu habeant^(a), & cæli animalia fieri contendant. Ostensa quippe cæli animalia in circuitu & intus oculis plena describuntur. Dignum quippe est, ut cuncti qui præsunt, intus atque in circuitu oculos habeant, quatenus & interno judici in semetipsis placere studeant, & exempla vitæ exterius præbentes, ea etiam quæ in aliis sunt corrigenda deprehendant.

Exech. 1.
28.
Apoc. 4. 6

Admonendi sunt subditi, ne præpositorum suorum vitam temere judicent, si quid eos fortasse agere reprehensibiliter vident: ne unde mala recte redarguant, inde per elationis impulsus in profundiora mergantur. Admonendi sunt, ne cum culpas præpositorum considerant, contra eos audaciores fiant, sed sic si qua valde sunt eorum prava, apud semetipsos dijudicent, ut tamen divino timore constricti ferre sub eis jugum reverentiæ non recusent. Quod melius ostendimus, si David factum ad medium deducamus. In Regum lib. 1. Saul quippe persecutor, cum ad purgandum ventrem speluncam fuisset

1. Reg. 14
v. 4. & c.

(a) Cod. In Apocalypsi ostensa quippe &c. omisiss; & cæli animalia fieri contendant.

fuiſſet ingreſſus , illic cum viris ſuis David inerat, qui jam tam longo tempore perſecutionis ejus mala tolerabat. Cumque eum viri ſui ad ferendum Saul accenderent, fregit eos reſponſionibus , quia manum mittere in Chriſtū Domini non deberet. Qui tamen occulte ſurrexit, & oram chlamydis ejus abſcidit. Quid enim per Saul, niſi mali Rectores: quid per David, niſi boni ſubditi designantur? Saul igitur ventrem purgare, eſt prævos præpoſitos conceptam in corde malitiam uſque ad opera miſeri odoris extendere , & cogitata apud ſe noxia factis exterioribus exequendo monſtrare. Quem tamen David ferire metuit , quia piæ ſubditorum mentes ab omni ſe peſte obtreſtationis abſtinentes, præpoſitorum vitam nullo linguæ gladio percutiunt, etiam cum de imperfectione reprehendunt. Qui etſi quando pro infirmitate ſeſe abſtinere vix poſſunt, ut extrema quædam atque exteriora præpoſitorum mala , ſed tamen humiliter loquantur, quaſi oram chlamydis ſilenter incidunt : quia videlicet dum prælatæ dignitati ſaltem innoxie & latenter derogant, quaſi regis ſuperpoſiti veſtem fœdant; ſed tamen ad ſemetipſos redeunt, ſequē vehē-

mentissime vel de tenuissima verbi laceratione reprehendunt. Unde bene
Ibid. v. 6 & illic scriptum est : *Post hæc David percussit cor suum, eo quod abscidisset oram chlamydis Saul.* Facta quippe præpositorum oris gladio ferienda non sunt, etiam cum recte reprehendenda judicantur. Si quando vero contra eos vel in minimis lingua labitur, necesse est ut per afflictionem pœnitentiæ cor præmatur: quatenus ad semetipsum redeat, & cum præpositæ potestati deliquerit, ejus contra se judicium a quo sibi prælata est, perhorrescat. Nam cum præpositis delinquimus, ejus ordinationi qui eos nobis prætulit, obviamus. Unde Moyse quoque cum contra se & Aaron conqueri populum cognovisset, ait :
Exod. 16 *Nos enim (a) quid sumus ? Nec contra nos*
2. *est murmur vestrum, sed contra Dominum,*

CAPUT VII.

Quomodo admonendi servi & Domini :

ALiter admonendi sunt servi, atque aliter domini. Servi scilicet, ut in se semper humilitatem conditionis aspiciant: domini vero, ut naturæ suæ qua æqualiter sunt cum servis conditi, memoriam non amittant.

(a) Cod. qui.

Servi

Servi admonendi sunt ne dominos despiciant, ne Deum offendant si ordinationi illius superbiendo contradicunt: domini quoque admonendi sunt, quia contra Deum de munere ejus superbiunt, si eos quos per conditionem tenent subditos, æquales sibi per naturæ consortium non agnoscunt. Isti admonendi sunt ut sciant se servos esse dominorum: illi admonendi sunt ut cognoscant se conservos esse servorum. Istis namque ad Epheseos dicitur: *Servi, obedite dominis carnalibus.* Et rursum: *Quicumque sunt sub jugo servi, dominos suos omni honore dignos arbitrentur: illis autem dicitur: Et vos domini eadem facite illis, remittentes minas, scientes quod & illorum, & vester Dominus est in calis.*

Coloss. 3.

21.

1. Tim.

6 1.

Ephes. 6.

9.

CAPUT VIII.

*Quomodo admonendi sapientes,
& hebetes.*

ALiter admonendi sunt sapientes hujus sæculi, atque aliter hebetes. Sapientes quippe admonendi sunt, ut amittant scire quæ sciunt; hebetes quoque admonendi sunt, ut appetant scire quæ nesciunt. In illis hoc primum destruendum est, quod

E 5

se

se sapientes arbitrantur: in istis jam ædificandum est quidquid de superna sapientia cognoscitur: quia dum minime superbiunt, quasi ad suscipiendum ædificium corda paraverunt. Cum illis laborandum est, ut sapientius stulti fiant, stultam sapientiam deferant, & sapientem Dei stultitiam discant: istis vero prædicandum est, ut ab ea quæ putatur stultitia, ad veram sapientiam vicinius transeant. Illi namque ad Corinthios

1. Cor. 3.¹ dicitur: *Si quis videtur inter vos sapiens*
11. *esse in hoc sæculo, stultus fiat, ut sit sapiens: istis vero dicitur: Non multi sa-*
Ibidem. *pientes secundum carnem. Et rursus:*
8. 22. *Quæ stulta sunt mundi elegit Deus, ut*
Ibid. 26. *confundat sapientes. Illos plerumque ra-*
27. *tiocinationis argumenta, istos non-*

numquam melius exempla conver-
tunt. Illis nimirum prodest, ut in
suis allegationibus victi jaceant: istis
vero aliquando sufficit, ut laudabilia
Rom. 1. *aliorum facta cognoscant. Ad Ro-*
14. *manos unde & inagister egregius,*
sapientibus & insipientibus debitor,
cum Hebræorum quosdam sapientes,
quosdam vero etiam tardiores admo-
neret, illis de completionem Testa-
menti (a) veteris loquens, eorum sa-
pientiam argumento superavit ad He-
bræos

(a) Cod. non habet *veteris*.

bræos , 'dicens : *Quod enim antiquatur Helr. 2.*
 & senescit , *prope interitum est.* Cum ve- ^{13.}
 ro solis exemplis quosdam trahendos
 (a) cerneret , in eadem epistola ad-
 junxit : *Sancti ludibria & verbera ex-* ^{Ibid. 11.}
perti , insuper & vincula & carceres , la- ^{v. 16. 6.}
pidati sunt , secti sunt , tentati sunt , in ^{17.}
occisione gladii mortui sunt . Et rursus :
Mementote præpositorum vestrorum , qui ^{Ibid. 17.}
vobis locuti sunt verbum Dei , quorum in- ^{7.}
tuentes exitum conversationis , imitami-
ni fidem : quatenus & illos victrix ratio
frangeret , & istos ad majora con-
scendere imitatio blanda suaderet .

CAPUT IX.

*Quomodo admonendi impudentes ,
 & verecundi .*

ALiter admonendi sunt impuden-
 tes , atque aliter verecundi . Il-
 los namque ab impudentiæ vitio non
 nisi increpatio dura compescit : istos
 autem plerumque ad melius exhorta-
 tio modesta componit . Illi se delin-
 quere nesciunt , nisi etiam a pluri-
 bus increpentur : istis plerumque ad
 conversionem sufficit , quod eis do-
 ctor mala sua saltem leniter ad me-
 moriam reducit . Illos melius corrigit

E 6

qui

(a) Cod. *trahendos ad se .*

qui invehendo reprehendit : istis autem major profectus adducitur , si hoc quod in eis reprehenditur , quasi ex latere tangatur . Impudentem qui p-

Jerem. 3. te increpans in Jeremia , ait : *Frons*
3. *mulieris meretricis facta est tibi , nolui*
erubescere. Et rursus verecundantem

Isaia 34 refovet in Isaia , dicens : *Confusionis a-*
6. *delescentiae tuae oblivisceris , & opprobrii*
viduitatis tuae non recordaberis , quia do-
minabitur tui qui fecit te . Impudenter
quoque delinquentes Galatas aperte

Galat. 3. Paulus increpat , dicens : *O insensati*
1. *Galatae , quis vos fascinavit ? Et rursus :*

Ibid. v. 3. *Sic stultis estis , ut cum spiritu cœperitis ,*
nunc carne consummami ? Culpas vero
verecundantium quasi compatiens re-

Philipp. *prehendit ad Philipp. dicens : Gavissus*
4. 10. *sum in Domino vehementer , quoniam tan-*
dem aliquando resloruistis pro me sentire
sicut & sentiebatis : occupati enim eratis ,
ut & illorum culpas increpatio dura
detegeret , & horum negligentiam
mollior sermo velaret .



CA-

CAPUT X.

*Quomodo admonendi protervi
& pusillanimes.*

ALiter admonendi sunt protervi, atque aliter pusillanimes. Illi enim dum valde de se præsumunt, exprobrando cæteros dedignantur: isti autem dum nimis infirmitatis suæ sunt conscii, plerumque in desperationem cadunt. Illi singulariter summa æstimant cuncta quæ agunt, isti vehementer despecta putant esse quæ faciunt, & idcirco in desperatione franguntur. Subtiliter itaque ab arguente discutienda sunt opera protervorum, ut in quo sibi placent, ostendantur quia Deo displicent.

Tunc enim protervos melius corrigimus, cum ea quæ bene egisse se credunt, male acta monstramus: ut unde adepta gloria creditur, inde utilis subsequatur confusio. Nonnumquam vero cum se vitlum proterviæ minime perpetrare cognoscunt, compendiosius ad correctionem veniunt, si alterius culpæ manifestioris ex latere requisitæ improprio confunduntur, ut ex eo quod defendere nequeunt, cognoscant se tenere impro-
be

1. Cor. 1.
42. & 3. 4

be quod defendunt. Unde cum proterve Paulus Corinthios adversum se invicem videret inflatos, ut alius Pauli, alius Apollo, alius Cephæ, alius Christi esse se diceret, incestus culpam in medium deduxit, quæ apud eos & perpetrata fuerat, & incorrecta remanebat, dicens: *Auditur inter vos fornicatio, & talis fornicatio, qualis nec inter gentes, ita ut uxorem patris quis habeat. Et vos inflati estis, & non magis luctum habuistis, ut tolleretur de medio vestrum qui hoc opus fecit. Ac si aperte dicat: Quid vos per proterviam, huius vel illius dicitis, qui per dissolutionem negligentia, nullius vos esse monstratis?*

1. Cor. 5.
v. 1. & 2.

At contra, pusillanimes aptius ad iter bene agendi reducimus, si quædam illorum bona ex latere requiramus, ut dum in eis alia reprehendendo corripimus, alia amplectendo laudemus: quatenus eorum teneritudinem laus audita nutriat, quam culpa increpata castigat. Plerumque autem utilius apud illos proficimus, si & eorum bene gesta memoramus. Et si qua ab eis inordinate gesta sunt, non jam tamquam perpetrata corripimus, sed quasi adhuc ne perpetrari debeant, prohibemus: ut & illa quæ approbamus, illatus favor augeat, & contra
ca

ea quæ reprehendimus, magis apud pusillanimes exhortatio verecunda convalescat. Unde idem Paulus cum Thessalonicenses in accepta prædicatione perdurantes, quasi de vicino mundi termino quadam cognosceret pusillanimitate turbatos, prius in eis quæ fortia prospicit, laudat, & caute monendo postmodum quæ infirma sunt, roborat. Ait enim: *Gratias agere debemus Deo semper pro vobis, fratres, ita ut dignum est, quoniam supercrescit fides vestra, & abundat charitas uniuscujusque vestrum in invicem; ita ut & nos ipsi in vobis gloriemur in Ecclesiis Dei, pro patientia vestra, & fide.* 2. Thess. 1. 3. & 4.

Qui cum blanda hæc vitæ eorum præconia præmisisset, paulo post subdidit, dicens: *Rogamus autem vos, fratres, per adventum Domini nostri Jesu Christi, & nostræ congregationis in ipsum, ut non cito moveamini a vestro sensu, neque terreamini, neque per spiritum, neque per sermonem, neque per epistolam tamquam per nos missam, quasi inflet dies Domini. Egit enim verus doctor, ut prius audirent laudati quod recognoscerent, & postmodum quod exhortati sequerentur: quatenus eorum mentem ne admonitio subjuncta concuteret, laus præmissa solidaret: & qui commotos eos vicini finis suspicione cognoverat,* Ibid. 2. 1.

non

112 *S. Gregorii Reg. Pastoralis* ;
non jam redarguebat motos , sed qua-
si transacta nesciens , adhuc commo-
veri prohibebat : ut dum de ipsa le-
vitate motionis prædicatori suo se in-
cognitos crederent , tanto reprehen-
sibiles fieri , quanto & cognosci ab
illo formidarent .

C A P U T XI.

*Quomodo admonendi sint impatientes ,
& patientes .*

ALiter admonendi sunt impatien-
tes , atque aliter patientes . Di-
cendum namque est impatientibus ,
quia dum refrænare spiritum negli-
gunt , per multa etiam quæ non ap-
petunt , iniquitatum abrupta rapiun-
tur : quia videlicet mentem impellit
furor , quo non trahit desiderium ;
& agit mens commota velut nesciens ,
unde post doleat sciens . Dicendum
quoque impatientibus , quia dum mo-
tionis impulsu præcipientes , quædam
velut alienati peragunt , vix mala
sua postquam fuerint perpetrata co-
gnoscent . Qui dum perturbationi
suæ minime obsistunt , etiamsi qua
a se tranquilla mente fuerant bene
gesta confundunt , & improvise im-
pulsu destruunt , quidquid farsitan
diu

diu labore provido construxerunt .
 Ipsa namque quæ mater est omnium
 custosque virtutum , per impatient-
 tiæ vitium virtus amittitur charita-
 tis . Scriptum quippe est ad Corin-
 thios : *Charitas patiens est* . Igitur cum ^{1. Cor. 13}
 minime est patiens , charitas non ^{4.}
 est . Per hoc quoque impatientiæ vi-
 tium ipsa virtutum nutrix doctrina
 dissipatur . Scriptum namque est : *Do-* ^{Prov. 19.}
ctrina viri per patientiam noscitur . Tanto ^{11.}
 ergo quisque minus ostenditur doctus ,
 quanto minus convincitur patiens .
 Neque enim potest veraciter bona do-
 cendo impendere , si vivendo nescit ,
 æquanimiter aliena mala tolerare .

Per hoc quoque impatientiæ vitium
 plerumque mentem arrogantiae culpa
 transfigit : quia dum despici in mun-
 do hoc quisque non patitur , bona si
 qua sibi occulta sunt , ostentare co-
 natur , atque sic per impatientiam
 usque ad arrogantiam ducitur : dum-
 que ferre despectionem non potest ,
 detegendo semetipsum in ostentatio-
 ne gloriatur . Unde in Ecclesiastico
 scriptum est : *Melior est patiens arrogan-* ^{Ecccl. 7.9}
te . Quia videlicet elegit patiens quæ-
 libet mala perpeti , quam per osten-
 tationis vitium bona sua occulta co-
 gnosci . At contra elegit arrogans
 bona de se vel falsa jactari , ne mala
 possit

Exech.
43. 13.

possit vel minima perpeti. Quia igitur cum patientia relinquitur, etiam bona reliqua quæ jam gesta sunt, destruuntur, recte ad Ezechielem in altari Dei (a) fieri fossa præcipitur, ut in ea videlicet superposita holocausta ferventur. Si enim in altari fossa non esset, omne quod in eo sacrificium reperiret, superveniens aura dispergeret. Quid vero accipimus altare Dei, nisi animam iusti, quæ quot bona egerit, tot super se ante ejus oculos sacrificia imponit? Quid autem est altaris fossa, nisi bonorum patientia, quæ dum mentem adversa toleranda humiliat, quasi more foveæ hanc in imo positam demonstrat? Fossa ergo in altari fiat, ne superpositum sacrificium aura dispergat: idest, electorum mens patientiam custodiat, ne commota vento impatientiæ, & hoc quod bene operata est amittat. Bene autem hæc eadem fossa unius cubiti esse monstratur: quia nimirum si patientia non deseritur, unitatis mensura servatur. Unde ad Galatas & Paulus ait: *Invicem onera vestra portate, & sic adimplebitis legem Christi.* Lex quippe Christi est charitas unitatis, quam soli perficiunt, qui nec cum gravantur excedunt. Audiant impatientes quod

Ibidem.

Galat. 6
2.

(a) Cod. esse fossa prohibetur.

quod in Proverbiis scriptum est: *Melior est patiens viro forti, & qui domina-* Prov. 16
12.
tur animo suo, expugnatore urbium. Minor enim est victoria urbium, quia extra sunt quæ subiguntur: valde autem majus est quod per patientiam vincitur; quia ipse a se animus superatur, & semetipsum sibimetipsum subijcit, quando eum patientia intra se frenare compellit. Audiant impatientes quod electis suis Veritas secundum Lucam dicit: *In patientia vestra* Luc. 21.
19.
possidebitis animas vestras. Sic enim conditi mirabiliter sumus, ut ratio animam, & anima possideat corpus. Jus vero animæ a corporis possessione repellitur, si non prius anima a ratione possidetur. Custodem igitur conditionis nostræ patientiam Dominus esse monstravit, qui in ipsa nos possidere nosmetipsos docuit. Quanta ergo sit impatientiæ culpa cognoscimus, per quam & hoc ipsum amittimus possidere quod sumus. Audiant impatientes quod per Salomonem rursum dicitur: *Totum spiritum suum pro-* Prov. 29
11.
fert stultus, sapiens autem differt, & reservat in posterum. Impatientia quippe impellente agitur ut totus foras spiritus proferatur, quem idcirco perturbatio citius eiicit, quia nulla interius disciplina sapientiæ circumcludit.

116 *S. Gregorii Reg. Pastoralis* ;
cludit. Sapiens autem differt, & re-
servat in posterum. Læsus enim, in
præsens se ulcisci non desiderat, quia
etiam tolerans parci optat, sed ta-
men iuste vindicari omnia extremo
iudicio non ignorat.

At contra admonendi sunt patien-
tes, ne in eo quod exterius portant,
interius doleant: ne tantæ virtutis
sacrificium quod integrum foras im-
molant, intus malitiæ peste corrum-
pant; & cum ab hominibus non agno-
scitur, sed tamen sub divina exami-
natione peccatur, tanto deterior cul-
pa doloris fiat, quanto sibi ante ho-
mines virtutis speciem vindicat.

Dicendum itaque est patientibus,
ut studeant diligere quos sibi necesse
est tolerare, ne si patientiam dilectio
non sequatur, in deteriorem culpam
odii virtus ostensa vertatur. Unde
Paulus ad Corinthios cum diceret:
1. Cor. 13. 4. Charitas patiens est: illico adjunxit: *be-*
nigna est: videlicet ostendens, quia
quos ex patientia tolerat, amare e-
tiam ex benignitate non cessat. Unde
Ephes. 4. 31. idem doctor egregius cum patientiam
discipulis suaderet, dicens: *Omnis a-*
maritudo, & ira, & indignatio, & cla-
mor, & blasphemia tollatur a vobis: qua-
si cunctis exterius jam bene com-
positis ad interiora convertitur, dum
sub-

subjungit: *Cum omni malitia*: quia nimis *Ibidem.*
 ram frustra indignatio, clamor &
 blasphemia ab exterioribus tollitur,
 si interioribus vitiorum mater mali-
 tia dominatur: & incassum foras ne-
 quitia ex ramis inciditur, si surre-
 ctura multiplicius intus in radice ser- *Matth. 3. 48.*
 vatur. Unde & per semetipsam Ve-
 ritas secundum Matthæum dicit: *Di-* *Luc. 6. 27.*
ligite inimicos vestros, benefacite his qui o-
derunt vos: & orate pro persequentibus, &
calumniantibus vos. Virtus itaque est
 coram hominibus, adversarios tole-
 rare; sed virtus coram Deo, dilige-
 re: quia hoc solum Deus sacrificium
 accipit, quod ante ejus oculos in al-
 tari boni operis flamma charitatis
 incendit. Hinc est quod rursum qui-
 busdam patientibus, nec tamen di-
 ligentibus dicit secundum Matthæum:
Quid autem vides festucam in oculo fratris *Matth. 7.*
tui, & trabem in oculo tuo non vides? *Luc. 6.*
 Perturbatio quippe impatientiæ, fe-
 stuca est, malitia vero in corde, tra-
 bes in oculo. Illam namque aura ten-
 tationis agitat, hanc autem consum-
 mata nequitia pene immobiliter por-
 tat. Recte vero illic subjungitur: *Hy-* *Ibidem.*
pocrita ejice primum trabem de oculo tuo,
& tunc videbis ejicere festucam de oculo
fratris tui. Ac si dicatur menti ini-
 quæ interius dolenti, & sanctam se

ex-

118 *S. Gregorii Reg. Pastoralis* ;
exterius per patientiam demonstran-
ti: prius a te molem malitiæ excu-
te, & tunc alios de impatientiæ le-
vitate reprehende: ne dum non stu-
des simulationem vincere, pejus ti-
bi sit aliena prava tolerare.

Evenire etiam plerumque patien-
tibus solet, ut eo quidem tempore
quo vel adversa patiuntur, vel con-
tumelias audiunt, nullo dolore pul-
sentur, & sic patientiam exhibeant,
ut custodire etiam cordis innocen-
tiam non omittant; sed cum post
paululum hæc ipsa quæ pertulerint,
ad memoriam revocant, igne se do-
loris inflammant, argumenta ultio-
nis inquirunt, & mansuetudinem
quam tolerantes habuerunt, retra-
ctantes in malitiam vertunt. Quibus
citius a prædicante succurritur, si
quæ sit hujus permutationis causa
pandatur. Callidus namque adver-
sarius bellum contra duos movet, u-
num videlicet inflammans, ut con-
tumelias prior inferat, alterum pro-
vocans, ut contumelias læsus reddat.
Sed plerumque dum hujus jam victor
est qui injuriam persuasus irrogat,
ab illo vincitur qui illatam sibi æqua-
nimiter portat. Unius ergo victor
quem commovendo subjugavit, tota
contra alterum virtute se erigit, eum-
que

que obfistentem fortiter & vincentem dolet, quem quia commovere in ipsa contumeliarum jaculatione non potuit, ab aperto certamine interim quiescens, & secreta suggestione cogitationem laceffens, aptum deceptionis tempus inquit. Quia enim publico bello perdidit, ad exercendas occulte infidias exardescit. Quies namque tempore jam ad victoris animum redit, & vel rerum damna, aut injuriarum jacula ad memoriam reducit, cunctaque quæ sibi illata sunt, vehementer exaggerans, intolerabilia ostendit: tantoque mentem mærore conturbat, ut plerumque vir patiens illa se æquanimiter tolerasse post victoriam captivus erubescat, seque non reddidisse contumelias doleat, & deteriora rependere, si occasio præbeatur, quærat. Quibus ergo isti sunt similes, nisi his qui per fortitudinem in campo victores sunt, sed per negligentiam postmodum intra urbis claustra capiuntur? Quibus sunt similes nisi iis quos irruens gravis languor a vita non subtrahit, sed leniter veniens recidiva febris occidit? Admonendi sunt igitur patientes, ut cor post victoriam muniant, ut hostem publico bello superatum infidiari mœniis mentis intendant; ut
lan-

120 *S. Gregorii Reg. Pastoralis*,
languorem plus reserpentem timeant,
ne hostis callidus eo in deceptione
postmodum majori exultatione gau-
deat, quo illa dudum contra se rigi-
da colla victorum calcat.

C A P U T XII.

*Quomodo admonendi benevoli,
& invidi.*

ALiter admonendi sunt benevoli,
atque aliter invidi. Admonen-
di namque sunt benevoli, ut sic a-
lienis bonis congaudeant, quatenus
habere & propria concupiscant. Sic
proximorum facta diligendo laudent,
ut ea etiam imitando multiplicent,
ne si in hoc præsents vitæ stadio ad
certamen alienum devoti fautores,
sed pigri spectatores assistant, eo
post certamen sine bravio remaneant,
quo nunc in certamine non laborant,
& tunc eorum palmas afflicti respi-
ciant, in quorum nunc laboribus o-
tiosi perdurant. Valde quippe pecca-
mus, si aliena bene gesta non diligi-
mus sed nil mercedis agimus, si ea
quæ diligimus, inquantum possumus
non imitamur. Dicendum itaque est
benevolis, quia si imitari bona mi-
nime festinant quæ laudantes appro-
bant,

bant, sic eis virtutum sanctitas sicut stultis spectatoribus ludicarum artium vanitas placet. Illi namque aurigarum & histrionum gesta favoribus effertunt, nec tamen tales esse desiderant, quales illos conspiciunt esse quos laudant. Mirantur eos placita egisse, sed tamen devitant similiter placere. Dicendum est benevolis, ut cum proximorum facta conspiciunt, ad suum cor redeant, & de alienis actibus non præsumant; ne bona laudent, & agere recusent. Gravius quippe extrema ultione feriendi sunt, quibus placuit quod imitari noluerunt.

Admonendi sunt invidi, ut perpendant quantæ cæcitatibus sunt, qui alieno provectu deficiunt, aliena exultatione contabescunt. Quantæ infelicitatis sunt, qui melioratione proximi deteriores fiunt: dumque augmenta alienæ prosperitatis aspiciunt, apud semetipsos anxie afflicti, cordis sui peste moriuntur. Quid istis infelicius, quos dum conspecta felicitas afficit, pœna nequiores reddit? Aliorum vero bona quæ habere non possunt, si diligerent, sua facerent. Sic quippe sunt universi consistentes in fide, sicut multa membra uno continentur in corpore: quæ per officium quidem

F

di-

diversa sunt, sed eo quo sibi vicissim congruunt, unum sunt. Unde fit, ut pes per oculum videat, & per pedes oculi grandiantur: ori auditus aurium serviat, & ad usum suum auri-
 bus oris lingua concurrat: suffragetur venter manibus, ventri operentur manus. In ipsa igitur corporis positione accipimus, quod in actione servemus. Nimis itaque turpe est non imitari quod sumus. Nostra sunt nimirum, quæ etsi imitari non possumus, amamus in aliis, & amantium fiunt quæque amantur in nobis. Hinc ergo pensent invidi, charitas quantæ virtutis est, quæ alieni laboris opera, nostra sine labore facit. Dicendum itaque est invidis, quia dum se a livore minime custodiunt, in antiquam versuti hostis nequitiam demerguntur. De illo namque apud Salomonem scriptum est: *Invidia autem diaboli mors intravit in orbem terrarum.* Quia enim ipse cælum perdidit, condito hoc homini invidit, & damnationem suam perditus adhuc alios perdendo cumulavit. Admonendi sunt invidi, ut cognoscant quantis lapsibus succrescentis ruinæ subjaceant: quia dum livorem a corde non proiciunt, ad apertas operum nequitias devolvuntur. Nisi enim Cain in-

vidisset

Sap. 2.
24.

vidisset acceptam fratris hostiam ;
minime pervenisset ad extinguendam
vitam . Unde in Genesi scriptum est. *Genes. 4.*

Et respexit Dominus ad Abel & ad mu-
nera ejus ; ad Cain vero & ad munera ejus
non respexit . Iratusque est Cain vehemen-
ter, & concidit vultus ejus . Livor ita-

que sacrificii fratricidii seminarium
fuit . Nam quem meliorem se esse do-

luit , ne utcumque esset amputavit .
Dicendum est invidis , (a) quia dum
se ista intrinsecus peste consumunt ,
etiam quidquid in se aliud boni ha-

bere videntur interimunt . Unde in *Prov. 14.*
Proverbiis scriptum est : Vita carniū 10.

sanitas cordis, putredo ossium invidia. Quid

enim per carnes nisi infirma quædam
ac tenera , & quid per ossa nisi for-

tia acta signantur ? Et plerumque
contingit , ut quidam cum cordis in-

nocentia in nonnullis suis actibus in-

firmi videantur , quidam vero jam
quædam ante humanos oculos robu-

sta exerceant , sed tamen erga alio-

rum bona intus invidiæ pestilentia
tabescant . Bene ergo dicitur , *Vita*
carnium sanitas cordis : quia si mentis in-

nocentia custoditur , etiam si qua fo-

ris infirma sunt quandoque roboran-

tur . Et recte illic subditur : *Putredo*
ossium invidia : quia per livoris vitium

F 2

(a) Cod. pro quia habens quod .

124 S. Gregorii Reg. Pastoralis ,
ante Dei oculos pereunt etiam quæ
humanis oculis fortia videntur. Of-
fa quippe per invidiam putrescere ,
est quædam etiam robusta deperire.

C A P U T XIII.

Quomodo admonendi simplices & versipelles.

ALiter admonendi sunt simplices,
atque aliter impuri. Laudandi
sunt simplices quod studeant num-
quam falsa dicere , sed admonendi
sunt ut noverint nonnumquam vera
reticere. Sicut enim semper dicen-
tem falsitas læsit , ita nonnumquam
quibusdam audita vera nocuerunt .
Unde coram discipulis Dominus lo-
cutionem suam silentio temperans se-
cundum Joannem , ait : *Multa habeo*
vobis dicere , sed nunc non potestis illa
portare. Admonendi sunt igitur sim-
plices , ut sicut fallaciam semper u-
tiliter vitant, ita veritatem semper
utiliter proferant. Admonendi sunt,
ut simplicitatis bono prudentiam ad-
jungant, quatenus sic securitatem de
simplicitate possideant, ut circumspe-
ctionem prudētiae non amittant. Hinc
namque per doctorem gentium ad
Romanos dicitur : *Volo vos sapientes es-*
se in bono , simplices autem in malo. Hinc
ele-

Matth. 26.
22.

Rom. 16.
27.

electos suos per semetipsam Veritas secundum Matthæum admonet, dicens: *Estote prudentes sicut serpentes, & simplices sicut columbæ.* Quia videlicet Matthæ. 10. 16. in electorum cordibus debet & simplicitatem columbæ astutia serpentis acuerere, & serpentis astutiam columbæ simplicitas temperare: quatenus nec seducti per prudentiam calleant, nec ab intellectus studio ex simplicitate torpescant.

At contra admonendi sunt impuri, ut quam gravis sit, quem cum culpa sustinent, duplicitatis labor agnoscant. Dum enim deprehendi metuunt, semper improbas defensiones quærunt, semper pavidis suspicionibus agitantur. Nil autem est ad defendendum puritate tutius, nil addicendum veritate facilius. Nam dum fallaciam suam tueri cogitur, duro cor labore fatigatur. Hinc namque in Psalmo 139. scriptum est: *Labor labiorum ipsorum operiet eos.* Qui enim Ps. 119. 10. nunc implet, tunc operit: quia cujus nunc animum per blandam inquietudinem exerit, tunc per asperam retributionem premit. Hinc per Jeremiam dicitur: *Docuerunt linguam suam loqui mendacium, ut inique agerent laboraverunt.* Jerem. 9. 6. Ac si aperte diceretur; Qui amici esse veritatis sine labore poterant,

rant, ut peccent laborant : cumque vivere simpliciter renuunt, laboribus exigunt ut moriantur. Nam ple-
rumque in culpa deprehensi, dum
quales sint cognosci refugiunt, sese
sub fallaciæ velamine abscondunt,
& hoc quod peccant, quodque jam
aperte cernitur, excusare moliuntur;
ita ut sæpe is qui eorum culpas cor-
ripere studet, aspersæ falsitatis nebu-
lis seductus, pene amisisse se videat
quod de eis jam certum tenebat. Un-
de recte sub Judææ specie per Pro-
phetam Isaiam contra peccantem a-
nimam excusantemque se, dicitur :
Isa. 34.
15.
Ibi habuit foveam ericii. Ericii quippe
nomine impuræ mentis seseque calli-
de defendentis duplicitas designatur:
quia videlicet ericius cum apprehen-
ditur, ejus & caput cernitur, & pe-
des videntur, & corpus omne conspi-
citur; sed mox ut apprehensus fue-
rit, semetipsum in sphaeram colli-
git, pedes introrsus subtrahit, caput
abscondit, & intra tenentis manus
totum simul amittitur, quod totum
simul ante videbatur. Sic nimirum
sic impuræ mentes sunt, cum in suis
excessibus comprehenduntur. Caput
enim ericii cernitur: quia quo initio
ad culpam peccator accesserit vide-
tur. Pedes ericii conspiciuntur: quia
qui-

quibus vestigiis nequitia sit perpetrata cognoscitur, & tamen adductis repente excusationibus impura mens introrsus pedes colligit: quia cuncta iniquitatis suæ vestigia abscondit. Caput subtrahit; quia miris defensionibus nec inchoasse se malum aliquod ostendit. Et quasi sphaera in manu tenentis remanet: quia is qui corripit, cuncta quæ jam cognoverat, subito amittens, involutum intra (a) conscientiam peccatorem tenet; & qui totum jam deprehendendo viderat, tergiversatione pravæ defensionis illusum totum pariter ignorat. Foveam ergo habet ericius in reprobis: quia malitiosæ mentis duplicitas sese intra se colligans abscondit in tenebris defensionis.

Audiant impuri quod in Proverbiis scriptum est: *Qui ambulat simpliciter, ambulat confidenter.* Fiducia quippe magnæ securitatis est simplicitas actionis. Audiant quod sapientis ore apud Salomonem dicitur: *Spiritus Sanctus disciplina effugiet fictum.* Audiant quod Scriptura rursus in Proverbiis teste perhibetur: *Cum simplicibus sermocinatio ejus.* Deo enim sermocinari, est per illustrationem suæ præsentiae humanis mentibus arcana revelare.

F. 4

Cum

(a) Cod. *intra se conscientia.*

Sophon.
E. v. 14.
25.

Cum simplicibus igitur sermocinari dicitur : quia de supernis mysteriis illorum mentes radio suæ visitationis illuminat , quos nulla umbra duplici-
tatis obscurat . Est autem speciale duplicium malum : quia dum perversa & duplici actione cæteros fallunt , quasi præstantius cæteris prudentes se esse gloriantur , & quia districtio-
nem retributionis non considerant , de damnis suis miseri exultant . Au-
diant autem quomodo super illos Pro-
pheta Sophonias vim divinæ animad-
versionis intendat , dicens : *Ecce dies Domini venit magnus & horribilis , dies iræ dies illa , dies tenebrarum & caligini-
nis , dies nebulae & turbinis , dies tubæ & clangoris super omnes civitates munitas , & super omnes angulos excelsos .* Quid enim per civitates munitas exprimitur , nisi suspectæ mentes & fallaci semper defensione circumdatæ , quæ quoties earum culpa corripitur , veritatis ad se jacula non admittunt ? Et quid per excelsos angulos (duplex quippe semper est in angulis paries) nisi impura corda signantur ? quæ dum veritatis simplicitatem fugiunt , ad semetipsa quodammodo duplicitates perversitate replicantur : & quod est deterius , apud cogitationes suas in fastu prudentiæ ex ipsa se culpa im-
purita-

puritatis extollunt. Dies igitur Domini vindictæ atque animadversionis plena super civitates munitas & super excelsos angulos venit, quia ira extremi iudicii humana corda & defensionibus contra veritatem clausa destruit, & duplicitatibus involuta dissolvit. Tunc enim munitæ civitates cadunt, quia mentes Deo impenetratæ damnabuntur. Tunc excelsi anguli corruunt: quia corda quæ se per impuritatis prudentiam erigunt, per justitiæ sententiam prosternuntur.

CAPUT XIV.

Quomodo admonendi sunt incolumes & ægri.

ALiter admonendi sunt incolumes, atque aliter ægri. Admonendi sunt incolumes, ut salutem corporis exerceant ad salutem mentis; ne si acceptæ incolumitatis gratiam ad usum nequitiae inclinent, dono deteriores fiant, & eo postmodum supplicia graviora mereantur, quo nunc largioribus bonis Dei male uti non metuunt. Admonendi sunt incolumes, ne opportunitatem salutis in perpetuum promerendæ despiciant.

F 5

Scri-

a. Cor. 6. Scriptum namque est: *Ecce nunc tempus acceptabile, ecce nunc dies salutis. Admonendi sunt, ne placere Deo si cum possunt noluerint, cum voluerint sero non possint. Hinc est enim quod eos post sapientia deferit, quos prius diutius renuentes vocavit in Pro-*
 2.
 Prov. 1. *verbiis, dicens: Vocavi, & renuistis: extendi manum meam, & non fuit qui aspiceret: despexistis omne consilium meum, & increpationes meas neglexistis: ego quoque in interitu vestro ridebo, & subsanna-*
 v. 24 & c.
 Ibidem. *lo, cum vobis quod timebatis advenerit. Et rursus: Tunc invocabunt me, &*
 v. 28.
non exaudiam; mane consurgent, & non invenient me. Salus itaque corporis quando ad bene operandum accepta despicitur, quanti fit muneris amissa sentitur. Et infructuose ad ultimum quæ ritur, quæ congruo concessa tempore utiliter non habetur. Unde bene per Salomonem rursus dicitur: Ne
 Ibidem. *des alienis honorem tuum, & annos tuos cru-*
 v. 9 & c.
deli; ne fere impleantur extranei viribus tuis, & labores tui sint in domo aliena & gemas in novissimis, quando consum-feris carnes & corpus tuum. Qui namque alieni a nobis sunt, nisi maligni spiritus, qui a cælestis sunt patriæ sorte separati? Quis vero honor nos-ter est, nisi (a) quia in luteis corpo-
 ri-

(a) Cod. quod etiam in luteis.

ribus conditi, ad Conditoris tamen nostri sumus imaginem & similitudinem creati? Vel quis alius crudelis est, nisi ille Angelus apostata, qui & semetipsum pœna mortis superbiendo perculit, & inferre mortem humano generi etiam perditus non perperit? Honorem itaque suum alienis dat, qui ad Dei imaginem & similitudinem conditus, vitæ suæ tempora malignorum spirituum voluptatibus administrat. Annos etiam suos crudeli tradit, qui ad voluntatem male dominantis adversarii accepta vivendi spatia expendit. Ubi bene subditur; *Ne forte impleantur extranei viribus tuis, & labores tui sint in domo aliena.* Quisquis enim per acceptam valetudinem corporis, per tributam sibi sapientiam mentis, non exercendis virtutibus, sed perpetrandis vitiis elaborat, nequaquam suis viribus suam domum, sed extraneorum habitacula, id est immundorum spirituum facta multiplicat, nimirum vel luxuriando, vel superbiendo agens, ut etiam se addito, perditorum numerus crescat. Bene autem subditur; *Et gemas in novissimis, quando consumseris carnes & corpus tuum.* Plerumque enim accepta salus carnis per vitia expenditur; sed cum repente subtrahitur,

cum molestiis caro atteritur, cum jam egredi anima urgetur, diu male habita quasi ad bene vivendum salus amissa requiritur. Et tunc gemunt, homines quod Deo servire noluerunt, quando damna negligentiae suae recuperare serviendo nequaquam possunt. Unde (a) alias dicitur: *Cum occideret eos, tunc requirebant eum.*

At contra admonendi sunt ægri, ut eo se filios Dei sentiant, quo illos disciplinæ flagella castigant. Nisi enim correctis hæreditatem dare disponderet, erudire eos per molestias non curaret. Hinc namque ad Joannem Dominus in Apocalypsi per Angelum dicit: *Ego quos amo, arguo & castigo.* Hinc rursus in Proverbiis scriptum est: *Fili mi, noli negligere disciplinam Domini, neque fatigeris cum ab eo argueris. Quem enim diligit Dominus castigat: flagellat autem omnem filium quem recipit.* Hinc Psalmista in Psalmo 33. ait: *Multæ tribulationes justorum, & de omnibus his liberavit eos Dominus.* Hinc quoque beatus Job in dolore exclamans, ait: *Si justus fuero, non levabo caput, saturatus afflictione & miseria.* Dicendum est ægris, ut si cælestem patriam, suam credunt, necessario in hac labores velut in aliena patiantur.

(a) Cod. pro *alias*; & in Psalmo lxxvii.

tur. In Regum libro 2. Hinc est enim quod lapides extra tunsi sunt, ut in constructione templi Domini absque mallei sonitu ponerentur: quia videlicet nunc foris per flagella tundimur, ut intus in templum Dei postmodum sine disciplinæ percussione disponamur: quatenus quidquid in nobis est superfluum, modo percussio resecet, & tunc sola nos in ædificio concordia charitatis liget. Admonendi sunt ægri, ut considerent pro percipiendis terrenis hæreditatibus quam dura carnales filios disciplinæ flagella castigent. Quæ ergo nobis divinæ correptionis pœna gravis est, per quam & numquam amittenda hæreditas percipitur, & semper mansura supplicia vitantur? Hinc etenim Paulus ad Hebræos ait: *Patres* Hebr. 12. v. 9. 6.
quidem carnis nostræ habuimus eruditores, 10.
& reverebamur eos: non multo magis ob-
temperabimus patri spirituum, & vive-
mus? Et illi quidem in tempore paucorum
dierum secundum voluntatem suam erudie-
bant nos: hic autem ad id quod utile est in
recipiendo sanctificationem ejus.

Admonendi sunt ægri, ut considerent quanta salus cordis sit molestia corporalis, quæ ad cognitionem sui mentem revocat, & quam plerumque salus abiicit, infirmitatis memoriam

Num. 22.
31. &c.

riam reformat: ut animus qui extra se in elationem ducitur, cui sit conditioni subditus, ex percussa, quam sustinet, carne memoretur. Quod recte per Balaam (si tamen vocem Dei subsequi obediendo voluisset) in ipsa ejus itineris retardatione signatur. Balaam namque pervenire ad propositum tendit, sed ejus votum animal cui præsidet, præpedit. Prohibitione quippe immorata asina Angelum videt, quem humana mens non videt: quia plerumque caro per molestias(a) tarda flagello suo menti Deum indicat, quem mens ipsa carni præsidens non videbat, ita ut anxietatem spiritus proficere in hoc mundo cupientis, velut iter tendentis impediat, donec ei invisibilem qui sibi obviat inotescat. Unde & bene per

A Petri. 2
16

Petrum dicitur: *Correptionem habuit sue vesaniæ subjugale mutum, quod in hominis voce loquens prohibuit Prophetæ insipientiam.* Insanus quippe homo a subjugali muto corripitur, quando elata mens humilitas bonum quod tenere debeat, ab afflicta carne memoratur. Sed hujus correptionis donum idcirco Balaam non obtinuit, quia ad maledicendum pergens, vocem non mentem mutavit. Admonendi sunt ægri,

ut

(a) God. al. *tañta*.

ut considerent quanti sit muneris molestia corporalis, quæ & admissa peccata diluit, & ea quæ admitti poterant compescit; quæ sumpta ab exterioribus plagis, concussæ menti pœnitentiæ vulnera infligit. Unde in Proverbiis scriptum est: *Livor vulneris abstergit (a) mala, & plagæ in secretioribus ventris.* Mala enim livor vulneris abstergit, quia flagellorum dolor vel cogitatas, vel perpetratas nequitias diluit. Solet vero ventris appellatione mens accipi; quia sicut venter consumit escas, ita mens pertractando excoquit curas. Quia enim venter mens dicitur, ea sententia docetur qua in Proverbiis scriptum est: *Lucerna Domini spiraculum hominis, quæ investigat omnia secreta ventris.* Ac si diceret: Divini afflatus illuminatio, cum in mentem hominis venerit, eam sibimetipsi illuminans ostendit, quæ ante Spiritus Sancti adventum cogitationes pravæ & portare poterat, & pensare nesciebat. Livor ergo vulneris abstergit mala, & plagæ in secretioribus ventris: quia cum exterius percutimur, ad peccatorum nostrorum memoriam taciti afflictique revocamur, atque ante oculos nostros cuncta quæ a nobis sunt male

Prover.
20. 10.

Ibidem

(a) Cod. al. *uracula* & *idem repetit postea.*

le gesta reducimus, & per hoc quod foris patimur, magis intus quod fecimus dolemus. Unde fit, ut inter aperta vulnera corporis amplius nos abluat plaga secreta ventris: quia sanat nequitias pravi operis occultum vulnus doloris.

Admonendi sunt ægri quatenus patientiæ virtutem servant, ut incessanter quanta Redemptor noster ab his quos creaverat, pertulit mala, considerent: quod tot (a) abjecta conviciorum probra sustinuit: quod de manu antiqui hostis captivorum animas quotidie rapiens, insultantium alapas accepit: quod aqua salutis nos diluens, a perfidorum sputis faciem non abscondit: quod advocacy sua nos ab æternis suppliciis liberans, tacitus flagella toleravit: quod inter Angelorum choros perennes nobis honores tribuens, colaphos pertulit: quod a peccatorum nos punctiōibus salvans, spinis caput supponere non recusavit: quod æterna nos dulcedine inebrians in siti sua fellis amaritudinem accepit: quod qui pro nobis Patrem, quamvis divinitate esset æqualis, adoravit, sub irrisione adoratus tacuit: quod vitam mortuis præparans, usque ad mortem (b) ipse vita per-

(a) Cod. al. *objecta conviciorum ob probra.*

(b) Cod. *ipsa.*

pervenit. Cur itaque asperum creditur, ut a Deo homo toleret flagella pro malis, si tanta Deus ab hominibus pertulit mala pro bonis? Aut quis sana intelligentia de percussione sua ingratus existat, si ipse hinc sine flagello non exiit, qui hic sine peccato vixit?

CAPUT XV.

Quomodo admonendi qui flagella metuent, & qui continent.

ALiter admonendi sunt qui flagella metuent, & propterea innocenter vivunt, atque aliter admonendi sunt, qui sic in iniquitate duruerunt, ut neque per flagella corrigantur. Dicendum namque est flagella timentibus, ut & bona temporalia nequaquam pro magno desiderant, quæ adesse etiam pravis (a) vident: & mala præsentia nequaquam velut intolerabilia fugiant, quibus hic plerumque etiam bonos affici non ignorant. Admonendi sunt, ut si malis veraciter carere desiderant, æterna supplicia perhorrescant, neque in hoc suppliciorum timore remaneant, sed ad amoris gratiam nutrimento

(a) Cod. *videtur.*

1. Ioan. 4.
13.Rom. 8.
21.2. Cor. 3.
17.

mento charitatis excrescant. Scriptum quippe est in Epistola Joannis prima: *Perfecta charitas foras mittit timorem*. Et rursus ad Romanos scriptum est: *Non accepistis spiritum servitutis iterum in timore, sed accepistis spiritum adoptionis filiorum*, (a) in quo clamamus, *Abba pater*. Unde idem doctor iterum dicit: *Ubi spiritus Domini, ibi libertas*. Si ergo adhuc a prava actione formidata poena prohibet, profecto formidantis animum nulla spiritus libertas tenet. Nam si poenam non metueret, culpam proculdubio perpetraret. Ignorat itaque mens gratiam libertatis, quam ligat servitus timoris. Bona enim (b) pro semetipsis amanda sunt, & non poenae compellentibus exequenda. Nam qui propterea bona facit, quia tormentorum mala metuit, vult non esse quod metuat, ut audenter illicita committat. Unde luce clarius constat, quod coram Deo innocentia amittitur, ante cuius oculos desiderio peccatur.

At contra hi, quos ab iniquitatibus nec flagella compescunt, tanto acriori investigatione feriendi sunt, quanto majori insensibilitate duruerunt.

Ple-

(a) Cod. *filiorum Dei*.(b) Cod. al. *per semetipsa*.

Plerumque enim sine dedignatione dedignandi sunt, sine desperatione desperandi; ita dumtaxat, ut & ostensa desperatio formidinem incutiat, & subjuncta admonitio ad spem reducat. Districte itaque contra illos divinæ sententiæ proferendæ sunt, ut ad cognitionem sui considerata æterna animadversione revocentur. Audiant enim in se impletum esse quod in Proverbiis scriptum est: *Si contuderis stultum in pila, quasi ptisanas feriente desuper pilo, non auferetur ab eo stultitia ejus.* Prov. 17 22. Contra hos Propheta Jeremias Domino conqueritur, dicens: *Attrivisti eos, & renuerunt accipere disciplinam.* Jer. 5. 3. Hinc est quod in Isaia Dominus dicit: *Interfeci & peridi populum istum, & tamen a viis suis non sunt reversi.* Isai 9. 11 Hinc rursus ait: *Populus non est reversus ad percutientem se.* Jer. 17. 6 Hinc voce flagellantium Propheta Jeremias conqueritur, dicens: *Curavimus Babylonem & non est sanata.* Jer. 51. 9. Babylon quippe curatur, nec tamen ad sanitatem reducitur, quando mens in prava actione confusa, verba correptionis audit, flagella correptionis percipit, & tamen ad recta salutis itinera redire contemnit. Hinc captivo Israelitico populo, nec tamen ab iniquitate converso Dominus exprobat, dicens:

Ezech.
32. 18.

dicens: *Versa est mihi domus Israel in scori-
 am: omnes isti æs, & stannum, & fer-
 rum, & plumbum in medio fornacis. Ac
 si aperte dicat: Purgare eos per ignem
 tribulationis volui, & argentum il-
 los vel aurum fieri quæsiui, sed in
 fornace mihi in æs, stannum, & fer-
 rum, & plumbum versi sunt, quia
 non ad virtutem, sed ad vitia etiam
 in tribulatione proruperunt. Æs quip-
 pe dum percutitur, amplius metal-
 lis cæteris sonitum reddit. Qui igi-
 tur in percussione positus erumpit ad
 sonitum murmurationis, in æs ver-
 sus est in medio fornacis. Stannum
 vero cum ex arte componitur, argen-
 ti speciem mentitur. Qui ergo simu-
 lationis vitio non caret in tribulatio-
 ne, stannum factus est in fornace.
 Ferro autem utitur, qui vitæ proxi-
 mi insidiatur. Ferrum itaque in for-
 nace, est qui nocendi malitiam non
 amittit in tribulatione. Plumbum
 quoque cæteris metallis est gravius.
 In fornace ergo plumbum invenitur,
 qui sic peccati sui pondere premitur,
 ut etiam in tribulatione positus a ter-
 renis desideriis non levetur. Hinc
 rursus in Ezechiele scriptum est:*
*Multo labore sudatum est, & non exivit
 de ea nimia rubigo ejus neque per ignem.
 Ignem quippe nobis tribulationis ad-
 movet,*

Ezech.
24. 12.

movet, ut in nobis rubiginem vitiorum purget, sed nec per ignem rubiginem amittimus, quando & inter flagella vitio non caremus. Hinc Propheta Jeremias iterum dicit: *Frustra conflagrat constator; malitia eorum non sunt consumpta.* Jer. 6. 29

Sciendum vero est, quod nonnumquam cum inter flagellorum durtiam remanent incorrecti; dulci sunt admonitione mulcendi. Quos enim cruciamenta non corrigunt, nonnumquam ab iniquis actionibus lenia blandimenta compescunt: quia & plerumque ægros, quos fortis pigmentorum potio curare non valuit, ad salutem pristinam tepens aqua revocavit, & nonnulla vulnera quæ curari incisione nequeunt, fomentis olei sanantur. Et durus adamas incisionem ferri minime recipit sed leni hircorum sanguine mollescit.

C A P U T XVI.

Quomodo admonendi taciturni, & verbosi.

ALiter admonendi sunt nimis taciti, atque aliter multiloquio vacantes. Insinuari namque nimis tacitis debet, quia dum quædam vitia

tia incaute fugiunt, occulte deterioribus implicantur. Nam sæpe linguam quia immoderatus frenant, in corde gravius multiloquium tolerant; ut eo plus cogitationes in mente ferveant, quo illas violenta custodia indiscreti silentii angustat. Quæ plerumque tanto latius diffluunt, quanto se esse securius æstimant, quia foris a reprehensoribus non videntur. Unde nonnumquam mens in superbiam extollitur, & quos loquentes audit, quasi infirmos despicit. Cumque os corporis claudit, quantum se vitiis superbiendo aperiat non agnoscit. Linguam etenim premit, mentem elevat: & cum suam nequitiam minime considerat, tanto apud se cunctos liberius, quanto & secretius accusat. Admonendi sunt igitur nimis taciti, ut scire solliciti studeant, non solum quales foris ostendere, sed etiam quales se debeant intus exhibere: ut plus ex cogitationibus occultum iudicium, quam ex sermonibus reprehensionem metuant proximorum. Scriptum namque est in Prov. Fili mi, attende sapientiam meam, & prudentiam meam inclina autem tuam, ut custodias cogitationes: Nil quippe in nobis est corde fugacius, quod a nobis toties recedit, quoties per pravas cogitationes

Prov. 5.
7.

nes defluit. Hinc etenim Psalmista ait: *Cor meum dereliquit me*. Hinc ad semetipsum rediens, ait: *Invenit servus tuus cor suum ut oraret te*. Cum ergo cogitatio per custodiam restringitur, cor quod fugere consuevit invenitur.

Plerumque autem nimis taciti cum nonnulla injusta patiuntur, eo in acriorem dolorem prodeunt, quo ea quæ sustinent, non loquuntur. Nam si illatas molestias tranquille lingua diceret, a conscientia dolor emanaret. Vulnera enim clausa plus cruciant. Nam cum putredo quæ interiorius fervet, eiicitur, ad salutem dolor aperitur. Scire igitur debent, qui plus quam expedit tacent, ne inter molesta quæ tolerant, dum linguam tenent, vim doloris exaggerent. Admonendi sunt enim, ut si proximos sicut se diligunt, minime illis taceant unde eos juste (a) reprehendunt. Vocis enim medicamine utrorumque salutem concurratur, dum & ab illo qui infert, actio prava compescitur, & ab hoc qui sustinet, doloris fervor vulnere aperto temperatur. Qui enim proximorum mala respiciunt, & tamen in silentio linguam premunt, quasi conspectis vulne-

(a) Cod. *reprehendant*.

neribus usum medicaminis subtrahunt, & eo mortis auctores fiunt, quo virus quod poterant curare, noluerunt. Lingua itaque discrete frenanda est, non insolubiliter obliganda. Scriptum uamque est in Salomone: *Sapiens tacebit usque ad tempus:* *Eccles. 20.* Ut nimirum cum opportunum considerat, postposita censura silentii, loquendo quæ congruunt, in usum se utilitatis impendat. Et rursus in Ecclesiastem scriptum est: *Tempus tacendi, & tempus loquendi.* Discrete quippe vicissitudinum pensanda sunt tempora, ne aut cum restringi lingua debet, per verba inutiliter defluat; aut cum loqui utiliter potest, semetipsam pigre restringat. Quod bene Psalmista considerans, dicit: *Pone, Domine, custodiam ori meo, & os- Ps. 140.* *stium circumstantia labiis meis.* Non enim poni ori suo parietem, sed ostium petit, quod videlicet aperitur & clauditur. Unde & nobis caute discendum est, quatenus os discretum & congruo tempore vox aperiat, & rursus congruo taciturnitas claudat.

At contra admonendi sunt multiloquio vacantes, ut vigilanter aspiciant, a quanto rectitudinis statu depereunt, dum per multiplicia verba dilabuntur. Humana etenim mens
 aquæ

aquæ more circumclusa ad superiora colligitur, quia illud repetit unde descendit; & relaxata deperit, quia se per infima inutiliter spargit. Quot enim supervacuis verbis a silentii sui censura dissipatur, qua si tot rivis extra se ducitur. Unde & redire interius ad sui cognitionem non sufficit: quia per multiloquium sparsa, a secreto se intimæ considerationis excludit. Totam vero se insidiantis hostis vulneribus detegit: quia nulla munitione custodiæ circumcludit. Unde in Proverbiis scriptum est: *Sicut urbs patens, & absque murorum ambitu, ita vir, qui non potest in loquendo cobibere spiritum suum.* Quia enim murum silentii non habet, patet inimici jaculis civitas mentis, & cum se per verba extra semetipsam eiicit, apertam se adversario ostendit. Quam tanto ille sine labore superat, quanto & ipsa quæ vincitur, contra semetipsam per multiloquium pugnat.

Plerumque autem quia per quosdam gradus desidiosa mens in lapsum casus impellitur, dum otiosa cavere verba negligimus, ad noxia pervenimus: ut prius loqui aliena libeat, postmodum detractionibus eorum vitam de quibus loquitur mordeat, ad extremum vero usque ad apertas lingua

G

con-

- 146 S. Gregorii Reg. Pastoralis ;
 contumelias erumpat. Hinc seminan-
 tur stimuli , oriuntur rixæ , accen-
 dunt faces odiorum , pax extinguitur
 cordium . Unde bene per Salomonem
 Prov. 17. dicitur : *Qui dimittit aquam , caput est*
 14. *jurgiorum* . Aquam quippe dimittere ,
 est linguam in fluxum eloquii relaxa-
 re . Quo contra in bona etiam parte
 Ibidem. iterum dicitur : *Aqua profunda , verba*
 10. 4. *ex ore viri* . Qui ergo dimittit aquam ,
 caput est jurgiorum : quia qui lin-
 guam non refrænat , concordiam dis-
 sipat . Unde e diverso in Proverbiis
 Ibidem. scriptum est : *Qui imponit stulto silen-*
 26. 10. *tium , iras mitigat* . Quod autem mul-
 tiloquio quisque serviens , rectitudi-
 nem justitiæ tenere nequaquam possit ,
 Pf. 119. testatur Propheta , qui ait : *Vir linguosus*
 12. *non dirigitur super terram* . Hinc quoque
 Prov. 10. Salomon iterum dicit : *In multiloquio*
 19. *non deerit peccatum* . Hinc Isaias ait :
 Isaias 32. *Cultus justitiæ silentium* : videlicet indi-
 17. *cans* , quia mentis justitia desolatur ,
 quando ab immoderata locutione
 non parcitur . Hinc Jacobus ait : Si
 Iacobi 1. quis putat se religiosum esse non refrænans
 26. *linguam suam , sed seducens cor suum , hu-*
 jus *vana est religio* . Hinc rursus ait :
 Ibidem. *Sit omnis homo velox ad audiendum , tar-*
 10. 19. *dus autem ad loquendum* . Hinc iterum ,
 Iacobi 3. linguæ vim definiens , adjungit : *In-*
 2. *quietum malum , plena veneno mortifero* .

Hinc

Hinc per semetipsum nos Veritas secundum Matthæum admonet, dicens: *Omne verbum otiosum quod locuti fuerint homines, reddent decorationem in die iudicii.* Matth. 12. 16. Otiosum quippe verbum est, quod aut ratione justæ necessitatis, aut intentione piæ utilitatis caret. Si ergo de otioso sermone ratio exigitur, pensemus quæ pœna multiloquium maneat, in quo etiam per noxia verba peccatur.

CAPUT XVII.

Quomodo admonendi pigri, & præcipites.

Aliter admonendi sunt pigri, atque aliter præcipites. Illi namque suadendi sunt, ne agenda bona, dum differunt, amittant: isti vero admonendi sunt, ne dum honorum tempus incaute festinando præveniunt, eorum merita immutent. Pigris itaque intimandum est, quod sæpe dum opportune agere quæ possumus, nolumus, paulo post cum volumus, non valemus. Ipsa quippe mentis desidia dum congruo fervore non accenditur, a bonorum desiderio funditus, convalescente furtim torpore, mactatur. Unde aperte per Salomonem di-

G 2

citur:

Prov.
19. 15.

citur: *Pigredo immittit soporem*. Piger enim recte sentiendo quasi vigilat, quamvis (a) nil operando torpescat. Sed pigredo soporem immittere dicitur; quia paulisper etiam recte sentiendi vigilantia amittitur, dum a bene operandi studio cessatur. Ubi

Ibidem.

recte subjungitur: *Et anima dissoluta esuriet*: Nam quia se ad superiora stringendo non dirigit, neglectam se inferius per desideria expandit: & dum studiorum sublimium vigore non constringitur, cupiditatis infimæ fame sauciatur: & quo se per disciplinam ligare diffimulat, eo se esuriens per voluptatum desideria spargit. Hinc ab eodem rursus Salomone scribitur:

Prov.
21. 26.
Luc. 11.
24.
Matth.
21. v.
44. &
45.

In desideriis est omnis otiosus. Hinc ipsa Veritate (b) secundum Lucam prædicante, uno quidem exeunte spiritu munda domus dicitur, sed multiplicius redeunte dum vacat occupatur. Plerumque piger dum necessaria agere negligit, quædam sibi difficilia opponit, quædam vero incante formidat: & dum quasi invenit quod velut iuste metuat, ostendit quod in otio quasi non injuste torpescat. Cui recte per Salomonem dicitur: *Propter frigus piger arare noluit: mendicabit ergo æstate,*

Prov.
20. 1.

(a) Cod. nihil. (b) Cod. secundum Lucam, ibi vid. c. 11. v. 24.

æstate, & non dabitur ei. Propter frigus quippe piger non arat, dum desidiae torpore constrictus, agere quæ debet bona dissimulat. Propter frigus piger non arat, dum parva ex adverso mala metuit, & operari maxima prætermittit. Bene autem dicitur: *Mendicabit æstate, & non dabitur ei.* Qui enim nunc in bonis operibus non exsudat, cum sol iudicii ferventior apparuerit, quia frustra regni aditum postulat, nil accipiens æstate mendicat. Bene huic per eundem Salomonem rursum dicitur. *Qui observat ventum, non seminat; & qui considerat nubes, numquam (a) metit.* Quid enim per ventum, nisi malignorum spirituum tentatio exprimitur? Et quid per nubes quæ moventur a vento, nisi adversitates pravorum hominum designantur? A ventis videlicet impelluntur nubes, quia immundorum spirituum afflatu pravi excitantur homines. Qui ergo observat ventum, non seminat; & qui considerat nubes, numquam (b) metit: quia quisquis tentationem malignorum spirituum, quisquis persecutionem pravorum hominum metuit, neque nunc grana boni operis seminat, neque tunc manipulos sanctæ retributionis fecat.

G 3

At

(a) Cod. *metet*. (b) Cod. *metet*.

At contra, præcipientes dum bonorum actuum præveniunt tempus, meritum pervertunt, & sæpe in malis corruunt, dum bona minime discernunt. Qui nequaquam quæ quando agant inspiciunt, sed plerumque acta, quia ita non debuerunt agere, cognoscunt. Quibus sub auditoris specie recte apud Salomonem dicitur: *Fili, sine consilio nihil facias, & post factum non penitebis.* Et rursum: *Palpebræ tuæ præcedant gressus tuos.* Palpebræ quippe gressus præcedunt, cum operationem nostram consilia recta præveniunt. Qui enim negligit considerando prævidere quod facit, gressus tendit, oculos claudit, pergendo iter conficit, sed prævidendo sibi metipsum non antecedit, atque idcirco citius corruit, quia quo pedem operis ponere debeat, per (a) palpebram consilii non attendit.

*Ecclesi. 32
24.*

*Prover.
A. 25.*

CAPUT XVIII.

Quomodo admonendi mansueti, & iracundi.

ALiter admonendi sunt mansueti atque aliter iracundi. Nonnumquam enim mansueti cum præsent, vici-

(a) Cod. palpebra consilium.

vicinum & quasi juxta positum torporem desidiæ patiuntur. Et plerumque nimia resolutione lenitatis, ultra quam necesse est vigorem districtio-
nis emolliunt. At contra iracundi cum regiminum loca percipiunt, quo impellente ira in mentis vœsaniam devolvuntur, eo etiam subditorum vitam dissipata quietis tranquillitate confundunt. Quos cum furor agit in præceps, ignorant quidquid irati faciunt, ignorant quidquid a semetipsis patiuntur irati. Nonnumquam vero, quod est gravius, iræ suæ stimulum justitiæ zelum putant. Et cum vitium virtus creditur, sine metu culpa cumulatur. Sæpe ergo mansueti dissolutionis torpescunt tædio: sæpe iracundi rectitudinis falluntur zelo. Illorum itaque virtuti vitium latenter adjungitur: his autem suum vitium quasi virtus fervens videtur. Admonendi sunt igitur illi, ut fugiant quod juxta ipsos est, isti quod in ipsis est attendant: illi quod non habent discernant, isti quod habent. Amplectantur mansueti sollicitudinem, damnent iracundi perturbationem. Admonendi sunt mansueti, ut habere etiam æmulationem justitiæ studeant: admonendi sunt iracundi, ut æmulationi quam se habere

152 S. Gregorii Reg. Pastoralis ,
existimant , mansuetudinem subjun-
gant. Idcirco namque secundum Mar-
cum Spiritus sanctus in columba no-
bis est & in igne monstratus, quia vide-
licet omnes quos implet , & colum-
bæ simplicitate mansuetos , & igne
zeli arduos exhibet.

Nequaquam ergo sancto Spiritu
plenus est , qui aut in tranquillitate
mansuetudinis fervorem æmulationis
deserit aut rursus in æmulationis ar-
dore virtutem mansuetudinis amit-
tit. Quod fortasse melius ostendimus,
si in medium Pauli magisterium pro-
feramus , qui duobus discipulis & non
diversa charitate præditis, diversa ta-
men adjutoria prædicationis impen-
dit. Timotheum namque admonens,
2. Tim. ait : *Argue, obsecra, increpa in omni pa-*
4. 2. *tientia & doctrina . Titum quoque ad-*
monet dicens : Hæc loquere , & exhor-
tare , & argue cum omni imperio . Quid
est quod doctrinam suam tanta arte
(a) dispensat , ut in exhibenda hæc ,
alteri patientiam proponat , nisi quod
mansuetioris spiritus Titum , & pau-
lo ferventioris vidit esse Timotheum?
Illum per æmulationis studium in-
flamat , hunc per lenitatem patien-
tiae temperat . Illi quod deest jungit ,
huic

(a) Cod. disponit, ut in exhibenda hæc, alteri
imperium, atque alteri patientiam proponat .

huic quod superest subtrahit. Illum stimulo impellere nititur, hunc freno moderatur. Magnus quippe susceptæ Ecclesiæ colonus, alios palmites ut crescere debeant rigat: alios cum plus iusto crescere conspicit refecat: ne aut non crescendo non ferant fructus, aut immoderate crescendo, quos protulerint amittant. Sed longe alia est ira quæ sub æmulationis specie subripit, alia quæ (a) turbatum cor & sine iustitiæ prætextu confundit. Illa enim in hoc quod debet, inordinate extenditur; hæc autem semper in his quæ non debet, inflammatur. Sciendum quippe est, quia in hoc ab impatientibus iracundi differunt, quod illi ab aliis illata non tolerant, isti autem etiam quæ tolerentur important. Nam iracundi sæpe etiam se declinantes insequuntur, rixæ occasionem commovent, labore contentionis gaudent; quos tamen melius (b) corrigimus, si in ipsa iræ suæ commotione declinamus. Perturbati quippe quid audiant ignorant, sed ad se reducti tanto (c) liberior exhortationis verba recipiunt, quanto se tranquillius toleratos erubescunt. Menti autem furore ebriæ,

G 5

omne

(a) Cod. *perturbatum*. (b) Cod. *corripimus*.(c) Cod. *libentius*.

1. Reg. 25
37.

omne rectum quod dicitur, perversum videtur. In Reg. libro 3. Unde & Nabal ebrius culpam suam Abigail laudabiliter tacuit, quam digesto vino laudabiliter dixit. Idcirco enim malum quod fecerat, cognoscere potuit, quia hoc ebrius non audivit.

2. Reg. 21.
v. 12. &
23.

Cum vero ita iracundi alios impetunt, ut declinari omnino non possint, non aperta exprobratione, sed sub quadam sunt cautela reverentiae parcendo ferendi. Quod melius ostendimus, si Abner factum ad medium deducamus. Hunc quippe cum Asael vi incautae praecipitationis impeteret, scriptum est: *Locutus est Abner ad Asael, dicens: Recede, noli me persequi, ne compellar confodere te in terram. Qui audire contempsit, & noluit declinare. Percussit ergo eum Abner aver-
sa hasta in inguine & transfodit eum & mortuus est.* Cujus enim Asael typum tenuit, nisi eorum, quos vehementer arripiens furor in praecipitatio ducit? Qui in eodem furoris impetu tanto caute declinandi sunt, quanto & insane rapiuntur. Unde & Abner, qui nostro sermone patris lucerna dicitur, fugit, quia doctorum lingua quae supernum Dei lumen indicat, cum per abrupta furoris mentem cuiuspiam ferri conspicit, cumque
con-

contra irascentem dissimulat verborum jacula reddere, quasi persequentem non vult ferire. Sed cum iracundi nulla consideratione se mitigant, & quasi Asael persequi & insanire non cessant; necesse est ut hi qui furentes conantur reprimere, nequaquam se in furore erigant, sed quidquid est tranquillitatis ostendant: quædam vero subtiliter proferant, in quibus ex obliquo furentis animum pungant. Unde & Abner cum contra persequentem substitit, non eum recta, sed averfa hasta transforavit. Ex mucrone quippe percutere, est impetu apertæ increpationis obviare. Averfa vero hasta persequentem ferire, est furentem tranquille ex quibusdam tangere, & quasi parcendo superare. Asael autem protinus occumbit, quia commotæ mentes dum & parci sibi sentiunt, & tamen responforum ratione in intimis sub tranquillitate tanguntur, ab eo quod se erexerant, statim cadunt. Qui ergo a fervoris sui impetu sub lenitatis percussione resiliunt, quasi sine ferro moriuntur.

CAPUT XIX.

Quomodo admonendi humiles, & elati.

ALiter admonendi sunt humiles, atque aliter elati. Illis insinuandum est, quam sit vera excellentia quam sperando tenent: istis vero intimandum est, quam sit nulla temporalis gloria, quam & amplectentes non tenent. Audiant humiles quam sint æterna quæ appetunt, quam transitoria quæ contemnunt: audiant elati quam sint transitoria quæ ambiunt, quam æterna quæ perdunt. Audiant humiles ex magistra voce Veritatis secundum Lucam: *Omnis qui se humiliat, exaltabitur*; audiant elati: *Omnis qui se exaltat, humiliabitur*. In Proverbiis audiant humiles: *Gloriam præcedit humilitas*; audiant elati: *Ante ruinam exaltatur spiritus*. In Isaia audiant humiles: *Ad quem respiciam, nisi ad humilem & quietum, & tremmentem sermones meos?* Apud Salomonem audiant elati: *Quid superbit terra & cinis?* & in Psalmo audiant humiles: *Deus humilia respicit*: audiant elati: *Et alta a longe cognoscit*. Audiant humiles secundum Matthæum, quia filius hominis non venit ministrari, sed ministrare: apud

Luc. 14.

Ibidem.

Prov. 15.

31. & 16.

18.

Isaia 66.

2.

Ecclesi. 12.

91

Ps. 137.

6.

pud Salomonem audiant elati : quia *Matth.*
initium omnis peccati superbia est. Ad Phi- ^{10. 28.}
 lippenses, audiant humiles, quia *Re-* ^{*Ecclesi.* 10.}
demptor noster humiliavit semetipsum, fa- ^{*25. & Phil.*}
ctus obediens usque ad mortem : audiant ^{*10. 2. 3.*}
 elati, quod de eorum capite in Job
 scriptum est : *ipse est Rex super universos* ^{*Job.* 41.}
filios superbiæ. Occasio igitur perditio- ^{25.}
 nis nostræ facta est superbia diaboli,
 & argumentum redemptionis nostræ
 inventa est humilitas Dei. Hostis e-
 nim noster inter omnia conditus, vo-
 luit videri supra omnia elatus : Re-
 demptor autem noster magnus manens
 super omnia, fieri inter omnia di-
 gnatus est parvus.

Dicatur ergo humilibus, quia dum
 se deiciunt, ad Dei similitudinem a-
 scendunt : dicatur elatis, quia dum se
 erigunt, in apostatæ Angeli imita-
 tionem cadunt. Quid itaque elatio-
 ne dejectius, quæ dum supra se ten-
 ditur, ab altitudine veræ celsitudi-
 nis elongatur ? Et quid humilitate
 sublimius, quæ dum se in ima depri-
 mit, auctori suo manenti super summa
 conjungit ? Est tamen aliud quod in
 eis debeat caute pensari : quia sæpe
 quidam humilitatis decipiuntur spe-
 cie, quidam vero elationis suæ igno-
 ratione falluntur. Nam plerumque
 nonnullis qui sibi humiles videntur,

158 *S. Gregorii Reg. Pastoralis*,
is qui hominibus deferri non debet,
conjunctus est timor: plerumque ve-
ro elatos comitari, solet liberæ vocis
assertio. Et cum quædam increpan-
da sunt vitia, illi reticent ex timo-
re, & tamen tacere se æstimant ex
humilitate: isti loquuntur per impa-
tientiam elationis, & tamen se cre-
dunt loqui per libertatem rectitudi-
nis. Illos ut perversa non increpent,
sub specie humilitatis premit culpa
formidinis: istos ad increpanda quæ
non debent, aut magis increpanda
quam debent, sub imagine libertatis
effrænatio impellit tumoris. Unde &
elati admonendi sunt, ne plus quam
debet sint liberi, & humiles admo-
nendi sunt, ne plus quam expedit
sint subjecti: ne aut illi defensionem
justitiæ vertant in exercitationem su-
perbiæ; aut isti cum student plus
quam necesse est hominibus subiici,
compellantur eorum etiam vitia ve-
nerari.

Considerandum vero est, quod ple-
rumque elatos utilius corripimus, si
eorum correptionibus quædam lau-
dum fomenta misceamus. Inferenda
namque illis sunt aut alia bona quæ
in ipsis sunt, aut dicendum certe quæ
poterant esse si non sunt, & tunc de-
mum resecanda sunt mala quæ nobis
di-

displicent, cum prius ad audiendum eorum placabilem mentem fecerint præmissa bona quæ placent. Nam & equos indomitos blanda prius manu tangimus, ut eos nobis plenius postmodum etiam per flagella subigamus. Et amaro pigmentorum poculo mellis dulcedo adjungitur, ne ea quæ saluti profutura est, in ipso gustu aspera amaritudo sentiat: dum vero gustus per dulcedinem fallitur, humor morriferus per amaritudinem vacuatur. Ipsa ergo in elatis invectionis exordia, permixta sunt laude temperanda, ut dum admittunt favores quos diligunt, etiam correptiones recipiant quas oderunt.

Plerumque autem persuadere elatis utilia melius possumus, si profectum eorum nobis potius quam illis profuturum dicamus, si eorum meliorationem nobis magis quam sibi impendi postulemus. Facile enim ad bonorum elatio flebitur, si & aliis ejus inflexio prodesse credatur. In Numeri libro unde Moyses qui regente se Deo, deserti iter aerea columna duce pergebat cum Hoba cognatum suum a gentilitatis conversatione vellet educere, & omnipotentis Dei dominio subjugare, ait: *Proficiscimur ad locum quem Dominus daturus est nobis:*

Nam:
10. 7. 29
Gen.

7eni

160 S. Gregorii Reg. Pastoralis,
veni nobiscum, ut bene faciamus tibi :
quia Dominus bona promisit Israeli. Cui
cum respondisset ille : Non vadam tecum,
sed revertar in terram meam in qua natus
sum ; illico adjunxit : Noli nos relinque-
re ; tu enim nosti in quibus locis per de-
sertum castra ponere debeamus, & eris du-
ctor noster. Neque enim Moyſi men-
tem ignorantia itineris angustabat,
quem & ad prophetiæ scientiam co-
gnitio divinitatis expanderat, quem
columna exterius præibat, quem de
cunctis interius per conversationem
cum Deo sedulam locutio familiaris
instruebat. Sed videlicet vir providus
elato auditori colloquens, solatium
petivit ut daret ; ducem requirebat
in via, ut dux ei fieri potuisset ad
vitam. Egit itaque, ut superbus au-
ditor voci ad meliora suadenti eo
magis fieret devotus, quo putaretur
necessarius : & unde se exhortatorem
suum præcedere crederet, inde se
sub verbis exhortantis inclinaret.

CAPUT XX.

*Quomodo admonendi pertinaces, & in-
constantes.*

ALiter admonendi sunt pertina-
ces, atque aliter inconstantes
Illis

Illis dicendum est, quod plus de se, quam sunt, sentiunt, & idcirco alienis consiliis non acquiescunt: istis vero intimandum est, quod valde se despicientes negligunt, & ideo levitate cogitationum a suo iudicio per temporum momenta flectuntur. Illis dicendum est, quia nisi meliores se cæteris æstimarent, nequaquam cunctorum consilia suæ deliberationi postponerent: istis dicendum est, quia si hoc quod sunt, utcumque attenderent, nequaquam eos per tot varietatis latera mutabilitatis aura versaret. Ad Romanos illis per Paulum dicitur: *Nolite prudentes esse apud vosmetipsos*: at contra isti audiunt: *Non circumferamur omni vento doctrinæ*. De illis per Salomonem dicitur: *Comedent fructus viæ suæ, suisque consiliis saturabuntur*: de istis autem ab eo rursus in Proverbiis scribitur: *Cor stultorum dissimile erit*. Cor quippe sapientum sibimetipsum semper est simile: quia dum rectis persuasionibus acquiescit, constanter se in bono opere dirigit. Cor vero stultorum dissimile est: quia dum mutabilitate se varium exhibet, numquam id quod fuerat manet. Et quia quædam vitia sicut ex semetipsis gignunt alia, ita ex aliis oriuntur, sciendum summopere est, quod tunc

Rom. 12.

16.

Ephes. 4.

14.

Prov. 1.

31.

Ibidem.

15. 7.

162 S. Gregorii Reg. Pastoralis,
ea corripiendo melius tergimus, cum
ab ipso amaritudinis suæ fonte sicca-
mus. Pertinacia quippe ex superbia,
inconstantia vero ex levitate gene-
ratur.

Admonendi igitur sunt pertinaces,
ut elationem suæ cogitationis agno-
scant, & semetipsos vincere stude-
ant; ne dum rectis aliorum suasioni-
bus foris superari despiciunt, intus
a superbia captivi teneantur. Admo-
nendi sunt, ut solerter aspiciant quia
Filius hominis, cui una semper cum
Patre voluntas est, ut exemplum no-
bis frangendæ nostræ voluntatis præ-
beat, secundum Joannem dicit: Non

*Joann. 5.
39.* *quæro voluntatem meam, sed voluntatem
ejus qui misit me Patris.*

Ibidem. Qui ut hujus
adhuc virtutis gratiam commenda-
ret, servaturum se hoc in extremo
judicio præmisit, secundum Joannem
dicens: *Ego a me ipso non possum facere
quidquam, sed sicut audio, judico. Qua
itaque conscientia dedignatur homo
alienæ voluntati acquiescere, quan-
do Dei & hominis Filius, cum virtu-
tis suæ gloriam venit ostendere, te-
statur se non a semetipso judicare?*

At contra admonendi sunt incon-
stantes, ut mentem gravitate robo-
rent. Tunc enim genimina in semu-
tabilitatis arefaciunt, cum a corde
prius

prius radicem levitatis abscidunt: quia & tunc fabrica robusta construitur, cum prius locus solidus, in quo fundamentum poni debeat, providetur. Nisi ergo ante mentis levitas caveatur, cogitationum inconstantia minime vincitur. A quibus se alienum Paulus fuisse perhibuit, cum dicit: *Numquid levitate usus sum? aut quæ cogito, secundum carnem cogito, ut sit apud me, est & non?* Ac si aperte dicat: Idcirco mutabilitatis aura non moveor, quia levitatis vitio non succumbo.

1. Cor. 13.
17.

C A P U T XXI.

Quomodo admonendi qui intemperantius, & qui parcius cibo utuntur.

ALiter admonendi sunt gulæ dediti, atque aliter abstinentes. Illos enim superfluitas locutionis, levitas operis, atque luxuria; istos vero sæpe impatientiæ, sæpe vero superbiæ culpa comitatur. Nisi enim gulæ deditos immoderata loquacitas raperet, dives ille qui epulatus quotidie dicitur splendide, in lingua gravius non arderet, dicens: *Pater Abraham miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior*
in

Luc. 16.
24.

in hac flamma. Quibus profecto verbis ostenditur, quia epulando quotidie, crebrius in lingua peccaverat, qui totus ardens refrigerari se præcipue in lingua requirebat. Rursum quia gulæ deditos levitas protinus operis sequitur, auctoritas sacra testatur,

Exod. 32.
6. dicens: *Sedit populus manducare & bibere, & surrexerunt ludere.* Quos plerumque edacitas usque ad luxuriam pertrahit: quia dum facietate venter extenditur, aculei libidinis excitantur. Unde & hosti callido, qui primi hominis sensum in concupiscentia pomi aperuit, sed in peccati laqueo strinxit, divina voce dicitur:

Gen. 3. 14. *Pectore & ventre repes,* ac si ei aperte diceretur: Cogitatione & ingluvie super humana corda dominaberis. Quia

Mat. 23. 9. gulæ deditos luxuria sequitur, Propheta testatur, qui dum aperta narrat, occulta denuntiat, dicens: Princeps cocorum destruxit muros Jerusalem.

4. Reg. 25. 10.
Sec. 6.
Lxx.
Dist. 44.
initio. Princeps namque cocorum venter est, cui magna cura obsequium a cocis impenditur, ut ipse delectabiliter cibis impleatur. Muri autem Jerusalem virtutes sunt animæ ad desiderium supernæ pacis elevatæ. Cocorum igitur princeps muros Jerusalem delicit; quia dum venter ingluvie extenditur, virtutes animæ per luxuriam destruuntur.

Quo

Quo contra nisi mentes abstinentium plerumque impatientia a sinu tranquillitatis excuteret, nequaquam Petrus cum diceret : *Ministrate in fide vestra virtutem, in virtute autem scientiam, in scientia autem abstinentiam; protinus vigilanter adjungeret, dicens; In abstinentia autem patientiam.* Deesse quippe abstinentibus patientiam prævidit, quæ eis ut adesset, admonuit. Rursum nisi cogitationes abstinentium nonnumquam superbiæ culpa transfigeret, Paulus minime dixisset: *Qui non manducat, manducantem non judicet.* Qui rursus ad alios loquens, dum de abstinentiæ virtute gloriantium præcepta perstringeret, adjunxit: *Quæ sunt rationem quidem habentia sapientiæ in superstitione & humilitate, & non ad parcendum corpori, non in honore aliquo (a) ad saturitatem carnis.* Qua in re notandum est, quod in disputatione sua predicator egregius superstitioni humilitatis speciem jungit; quia dum plus quam necesse est per abstinentiam caro atteritur, humilitas foris ostenditur, sed de hac ipsa humilitate graviter interius superbitur. Et nisi aliquando mens ex abstinentiæ virtute tumesceret, nequaquam

2. Petr. 3.

Rom. 14. 3.

Coloss. 2. 23.

(a) Cod. non in honore aliquo corpori ad satietatem carnis.

quam hanc velut inter magna merita
Pharisæus arrogans studiose numera-
ret, dicens: *Jejuno bis in sabbato*. Ad-
monendi ergo sunt gulæ dediti, ne
in eo quod escarum delectationi incu-
bant, luxuriæ se mucrone transfi-
gant, & (a) quanta sibi per esum lo-
quacitas, quanta mentis levitas insi-
diatur, aspiciant: ne dum ventri
molliter serviunt, vitiorum laqueis
crudeliter astringantur. Tanto enim
longius a secundo parente receditur,
quanto per immoderatum esum dum
manus ad cibum tenditur, parentis
primi lapsus iteratur. At contra ad-
monendi sunt abstinentes, ut sollicite
semper aspiciant, ne cum gulæ vi-
tium fugiunt, acriora his vitia qua-
si ex virtute generentur; ne dum car-
nem macerant, ad impatientiam spi-
ritus erumpant: & nulla jam virtus
sit quod caro vincitur, si spiritus ab
ira superatur. Aliquando autem dum
mens abstinentium ab ira se depri-
mit, hanc quasi peregrina veniens
lætitia corrumpit, & eo abstinentiæ
bonum deperit, quo sese a spiritali-
bus vitiis minime custodit. Unde re-
cte per Prophetam dicitur: *In diebus
jejuniorum vestrorum inveniuntur (b) vo-*
luntates

Isa. 58.
3 sec.

lxx.

(a) Cod. tanta:

(b) Cod. voluptates; sic & infra.

luntates vestrae. Et paulo post: *In judi-* *Ibidem.*
cia & rixas jejunatis, & percutitis pugnis.
 Voluntas quippe ad lætitiā pertinet,
 pugnus ad iram. Incassum ergo
 per abstinentiam corpus atteritur, si
 inordinatis dimissa motibus mens vi-
 tiis dissipatur. Rursumque admonen-
 di sunt, ut abstinentiam suam & sem-
 per sine imminutione custodiant,
 & numquam hanc apud occultum
 judicem eximiae virtutis credant: ne
 si fortasse magni esse meriti creditur,
 cor in elationem sublevetur. Hinc *Ibidem.*
 namque per Prophetam dicitur: Num-
 quid tale est jejunium quod elegi? Sed fran-
 ge esurienti panem tuum, & egenos vagos-
 que induc in domum tuam.

Qua in re pensandum est, virtus
 abstinentiæ quam parva respicitur,
 quæ nonnisi ex aliis virtutibus com-
 mendatur. Hinc Joel ait: *Sanctificate* *Joel. 2. 17*
jejunium. Jejunium quippe sanctifica-
 re, est adjunctis aliis bonis dignam
 Deo abstinentiam carnis ostendere.
 Admonendi sunt abstinentes, ut no-
 verint quia tunc placentem Deo ab-
 stinentiam offerunt, cum ea quæ sibi
 de alimentis subtrahunt, indigenti-
 bus largiuntur. Solerter namque au-
 diendum est, quod per Prophetam
 Dominus redarguit, dicens: *Cum je-* *Zac. 7.*
junaretis & plangeretis in quinto & in se- *7. 1. & 2.*
ptimo

ptimo mense per hos septuaginta annos ;
 nunquid jejunium jejunastis mihi ? Et cum
 comedistis & bibistis , nunquid non vobis-
 metipsis comedistis , & vobismetipsis bi-
 bistis ? Non enim Deo , sed sibi quis-
 que jejunat , si ea quæ ventri ad tem-
 pus subtrahit , non egenis tribuit ,
 sed ventri postmodum offerenda cu-
 stodit .

Itaque ne aut illos appetitus gulæ
 a mentis statu deiiciat , aut istos af-
 flicta caro ex elatione supplantet ,
 audiant illi ex ore Veritatis : *Attendi-*
te autem vobis , ne forte graventur corda
vestra in crapula & ebrietate , & curis
hujus mundi . Ubi utilis quoque pavor
adjungitur : Et superveniat in vos repen-
tina dies illa . Tamquam laqueus enim su-
perveniet in omnes , qui sedent super faciem
omnis terræ . Audiant isti : Non quod
intrat in os , coinquinat hominem , sed quod
procedit ex ore , coinquinat hominem . Au-
diant illi : Esca ventri , & venter escis :
Deus autem & hunc & has destruet . Et
rursum : Non in commensationibus & e-
brietatibus . Et rursum : Esca nos non
commendat Deo . Audiant isti , quia o-
mnia munda mundis : coinquinatis autem &
infidelibus nihil est mundum . Audiant il-
li : Quorum Deus venter est , & gloria in
confusione ipsorum : Audiant isti : Disce-
dent quidam a fide . Et paulo post :
 Pro-

*Prohibentium nubere, abstinere a cibis, quos Deus creavit ad percipiendum cum gratiarum actione fidelibus & his qui cognoverunt veritatem. Audiant illi: Bonum est non manducare carnem, ne-
que bibere vinum; neque in quo frater
tuus scandalizatur. Audiant isti: Mo-
dico vino utere propter stomachum &
frequentes tuas infirmitates. Quatenus
& illi discant cibos carnis inordina-
te non appetere, & isti creaturam
Dei quam non appetunt, non aude-
ant condemnare.*

Rom. 14.
21.
1. Tom.
5. 23.

CAPUT XXII.

Quomodo admonendi qui sua distribuunt, & qui rapiunt aliena.

ALiter admonendi sunt, qui jam sua misericorditer tribuunt: atque aliter qui adhuc & aliena rapere contendunt. Admonendi namque sunt qui jam sua misericorditer tribuunt, ne cogitatione tumida super eos se quibus terrena largiuntur, extollant; ne idcirco se meliores aestiment, quia contineri per se cæteros vident. Nam terrenæ domus dominus famulorum ordines ministræque dispertiens, hos ut regant, illos vero statuit ut ab aliis regantur. Istos jubet ut necessaria cæteris præ-
beant;

H

beant;

beant : illos ut accepta ab aliis sumant . Et tamen plerumque offendunt qui regunt , & in patris familias gratia permanent qui reguntur . Iram merentur qui dispensatores sunt, sine offensione perdurant qui ex aliena dispensatione subsistunt . Admonendi sunt igitur qui jam quæ possident , misericorditer tribuunt , ut a cælesti Domino dispensatores se positos subsidiorum temporalium agnoscant ; & tanto humiliter præbeant, quanto aliena esse intelligunt quæ dispensant . Cumque in illorum ministerio quibus accepta largiuntur , constitutos se esse considerant, nequaquam eorum mentes tumor subleuet , sed timor premat . Unde & necesse est ut sollicitè perpendant, ne commissâ indigne distribuunt : ne quædam quibus nulla , ne nulla quibus quædam ; ne multa quibus pauca, ne pauca præbeant quibus impendere multa debuerunt ; ne præcipatione hoc quod tribuunt inutiliter spargant ; ne tarditate petentes noxie crucient , ne recipiendæ hic gratiæ intentio subrepat , ne dationis lumen laudis transitoriae appetitio extinguat , ne oblatum munus conjuncta tristitia obsideat , ne in bene oblato munere animus plusquam decet hilarescat , ne sibi
quid-

quidquam, cum totum recte impleverint, tribuant, & simul omnia postquam peregerint perdant. Ne enim sibi virtutem suæ liberalitatis deputent, audiant quod scriptum est: *Si quis administrat, tamquam ex virtute quam administrat Deus.* Ne in benefactis immoderatus gaudeant, audiant quod scriptum est: *Cum feceritis omnia quæ præcepta sunt vobis, dicite. Servi inutiles sumus, quod debuimus facere, fecimus.* Ne largitatem tristitia corrumpat, audiant quod scriptum est: *Hilarem enim datorem diligit Deus.* Ne ex impenso munere transitoriam laudem quærant, audiant quod scriptum est: *Nesciat sinistra tua quid faciat dextera tua:* idest, piæ dispensationi nequaquam se gloria vitæ præsentis admisceat, sed opus rectitudinis appetitio ignoret favoris. Ne impensæ gratiæ vicissitudinem requirant, audiant quod scriptum est: *Cum facis prandium aut cenam, noli vocare amicos tuos, neque fratres tuos, neque cognatos, neque vicinos divites, ne forte & ipsi te reinvitent, & fiat tibi retributio sed cum facis convivium, voca pauperes, debiles, claudos, cecos: & beatus eris, quia non habent unde retribuere tibi.* Ne quæ præbenda sunt citius, sero præbeantur, audiant quod

1. Pet. 4. 11.

Luc. 17. 10.

2. Cor. 9. 7.

Matth. 6. 3.

Luc. 14. 12. &c.

- Prov. 3. 28.* quod scriptum est : *Ne dicas amico tuo : Vade & revertere , & cras dabo tibi , cum statim possis dare .* Ne sub obtentu largitatis ea quæ possident , inutiliter spargant , audiant , quod scriptum est : *Sudet eleemosyna in manu tua .* Ne cum multa necesse sint , pauca largiantur , audiant quod scriptum est : *Qui parce seminat , parce & metet .* Ne cum pauca oportet , plurima præbeant & ipsi postmodum minime inopiam tolerantes ad impatientiam erumpant , audiant quod scriptum est : *Non ut aliis sit remissio , vobis autem tribulatio , sed ex æqualitate , vestra abundantia illorum inopiam suppleat , ut & illorum abundantia vestræ inopiæ sit supplementum .* Cum enim dantis mens terre inopiam nescit , si multa sibi subtrahit , occasionem contra se impatientiæ exquirat . Prius namque præparandus est patientiæ animus , & tunc aut multa sunt aut cuncta largienda : ne dum minus æquanimiter inopia irruens fertur , & præmissæ largitatis merces pereat , & adhuc mentem deterius murmuratio subsequens perdat . Ne omnino nihil eis præbeant , quibus conferre aliquid parvum debent , audiant quod scriptum est : *Omni petenti te tribue .* Ne saltem aliquid præbeant ,
- Luc. 6. 35.*

beant, quibus omnino conferre nil debent, audiant quod scriptum est:

*Da bono, & non receperis peccatorem: Ecclesi-
benefac humili, & non dederis impio.* 12. 4.

Et rursus: *Panem tuum & vinum Tob. 4.
super sepulturam justi constitue, & no- 11
li ex eo manducare & bibere cum pec-
catoribus.*

Panem enim suum & vinum peccatoribus præbet, qui iniquis subsidia pro eo quod iniqui sunt impendit. Unde & nonnulli hujus mundi divites, cum fame crucientur Christi pauperes, effusis largitatibus nutriunt histriones. Qui vero indigenti etiam peccatori panem suum, non quia peccator, sed quia homo est, tribuit nimirum non peccatorem, sed justum pauperem nutrit: quia in illo non culpam, sed naturam diligit.

Admonendi sunt etiam qui jam sua misericorditer largiuntur, ut sollicitè custodire studeant, ne cum commissa peccata eleemosynis redimunt, adhuc redimenda committant: ne venalem Dei justitiam æstiment, si cum curant pro peccatis nummos tribuere, arbitrentur se posse inulte peccare. *Plus est namque anima quam es-* Matt. 6. 25.
ca, & corpus quam vestimentum. Luc. 12. 19 Qui ergo escam aut vestimentum pauperibus largitur, sed tamen animæ vel

H 3

cor-

174 S. Gregorii Reg. Pastoralis ,
corporis iniquitate polluitur , quod
minus est justitiæ obtulit , & quod
majus est , culpæ : sua enim Deo de-
dit , & se diabolo .

At contra admonendi sunt qui ad-
huc & aliena rapere contendunt , ut
sollicite audiant quid veniens in judi-
cium Dominus dicat . Ait namque :
Matth. *Esurivi , & non dedisti mihi mandu-*
25. v. 35. *care ; sitivi , & non dedisti mihi bibe-*
36. *re ; hospes eram , & non collegistis me ;*
nudus , & non operuistis me ; infirmus
& in carcere , & non visitastis me .

Matth. Quibus etiam præmittit , dicens : *Dis-*
23. 41. *cedite a me maledicti in ignem æternum*
qui paratus est diabolo & Angelis ejus .
Ecce nequaquam audiunt , quia rapi-
nas vel quælibet alia violenta commi-
serunt , & tamen æternis gehennæ
ignibus mancipantur . Hinc ergo col-
ligendum est quanta damnatione ple-
ctendi sunt qui rapiunt aliena , si tan-
ta animadversione feriuntur qui sua
indiscrete tenuerunt . Perpendant quo-
eos obliget reatu res rapta , si tali
subiicit pænæ non tradita . Perpen-
dant quid mereatur injustitia illata ,
si tanta percussione digna est pietas
non impenfa .

Cum aliena rapere intendunt , au-
diant quod scriptum est : *Væ ei qui*
Habec. *multiplicat non sua : usquequo aggravat*
2. 6. *contra*

contra se densum lutum? Avaro quippe contra se densum lutum aggravare, est terrena lucra cum pondere peccati cumulare. Cum multiplicare large habitationis spatia cupiunt, audiant quod scriptum est: *Vae qui Isai. 5. 2.*
conjungitis domum ad domum, & agrum agro copulatis, usque ad terminum loci. Numquid habitabitis soli vos in medio terræ? Ac si aperte diceret: Quousque vos extenditis, qui habere in communi mundo confortes minime potestis? Coniunctos quidem premitis, sed contra quos valeatis vos extendere, semper invenitis. Cum augendis pecuniis inhiant, audiant quod scriptum est: Avarus Eccl. 5.
non impletur pecunia; & qui amat divitias, non capiet fructus ex eis. Fructus quippe ex illis caperet, si eas bene spargere non amando voluisset. Qui vero eas diligendo retinet, hic utique sine fructu derelinquet. Cum repleti cunctis simul opibus inardescunt; audiant quod scriptum est: *Qui festinat ditari, non erit innocens; Prov. 11.*
 profecto enim qui augere opes amabit, vitare peccatum negligit: & more avium captus, cum escam terrenarum rerum avidus conspicit, quo stranguletur peccati laqueo non agnoscit. Cum quælibet præsentis mun-

Prov. 20.
21.)

di lucra desiderant, & ea quæ de futuro damna patientur, ignorant; audiant quod scriptum est: *Hereditas ad quam festinatur in principio, in novissimo benedictione carebit*. Ex hac quippe vita initium ducimus, ut ad benedictionis sortem in novissimo veniamus; qui itaque in (a) | principio hereditari festinant, sortem sibi in novissimo benedictionis amputant: quia dum per avaritiæ nequitiam hic multiplicari appetunt, illic ab æterno patrimonio exheredes fiunt. Cum vel plurima ambiunt, vel obtinere cuncta quæ ambierint possunt, audiant quod scriptum est: *Quid prodest homini si totum mundum lucretur, animæ vero suæ detrimentum faciat?* Ac si aperte Veritas dicat: *Quid prodest homini si totum quod extra se est congregat si hoc ipsum solum quod ipse est, damnat?* Plerumque autem citius raptorum avaritia corrigitur, si in verbis admonentis quam fugitiva sit præsens vita, monstretur: si eorum ad medium memoria deducatur, qui & ditari in hoc mundo diu conati sunt, & tamen in adeptis divitiis diu manere nequiverunt: quibus festina mors repente & simul abstulit,

Matth.
16. 26.

(a) Cod. *in hoc saeculo hereditare festinant*,

stulit, quidquid eorum nequitia nec simul nec repente congregavit: qui non solum hic rapta reliquerunt, sed secum ad iudicium causas rapinæ detulerunt. Horum itaque exempla audiant, quos in verbis suis procul dubio & ipsi condemnant: ut cum post verba ad cor redeunt, imitari saltem quos judicant, erubescant.

CAPUT XXIII.

Quomodo admonendi qui aliena non appetunt, sed sua retinent; & qui sua tribuentes, aliena tamen rapiunt.

Aliter admonendi sunt, qui nec aliena appetunt, nec sua largiuntur: atque aliter qui & ea quæ habent tribuunt, & tamen aliena rapere non desistunt. Admonendi sunt qui nec aliena appetunt, nec sua largiuntur, ut sciant sollicitè quod ea de qua sumpti sunt, cunctis hominibus terra communis est, & idcirco alimenta quoque omnibus communiter profert. Incassum ergo se innocentes putant, qui commune Dei munus sibi privatum vindicant: qui cum accepta non tribuunt, in proximorum nece grassantur: quia

H 5 tot

tot pene quotidie perimunt, quot morientium pauperum apud se subsidia abscondunt. Nam cum quælibet necessaria indigentibus ministramus, sua illis reddimus, non nostra largimur; justitiæ debitum potius solvimus, quam misericordiæ opera implemus. Unde & ipsa Veritas cum de misericordia caute exhibenda loqueretur, ait: *Attendite ne justitiam vestram faciatis coram hominibus.* Cui quoque sententiæ etiam Psalmista concinens dicit: *Dispersit dedit pauperibus, justitia ejus manet in æternum.* Cum enim largitatem impensam pauperibus præmisisset, non hanc vocare misericordiam, sed justitiam maluit: quia quod a communi Domino tribuitur, justum profecto est, ut quicumque accipiant, eo communiter utantur. Hinc etiam Salomon ait: *Qui justus est, tribuet & non cessabit.* Admonendi sunt quoque ut sollicitè attendant quod ficulnea, quæ fructum non habuit, contra hanc districtus agricola queritur, quod etiam terram occupavit, terram quippe ficulnea sine fructu occupat, quando mens tenacium hoc quod prodesse multis poterat, inutiliter servat. Terram ficulnea sine fructu occupat, quando locum quem

exer-

Matth.
6. 1.

Psal.
112. 9.

Prov. 21.
26.

exercere alius per solem boni operis valuit, stultus per desiderii umbram premit.

Hi autem nonnumquam dicere solent: Concessis utimur, aliena non quaerimus, & si digna misericordiae retributione non agimus, nulla tamen perversa perpetramus. Quod idcirco sentiunt, quia videlicet aures cordis a verbis caelestibus claudunt. Neque enim dives in Evangelio, qui induebatur purpura & bysso, qui epulabatur quotidie splendide, aliena rapuisse, sed infructuose propriis usus fuisse perhibetur, cumque post hanc vitam ultrix gehenna suscepit, non quia aliquid illicitum gessit, sed quia immoderato usu totum se licitis tradidit.

Luc. 16.
v. 19.
et c.

Admonendi sunt tenaces, ut noverint quod hanc primam injuriam faciunt Deo, quia danti sibi omnia, nullam misericordiae hostiam reddunt. Hinc enim Psalmista ait: *Non dabit Deo propitiationem suam, nec pretium redemptionis animae suae.* Pretium namque redemptionis dare, est opus bonum praevieniendi nos gratiae reddere. Hinc Joannes exclamat, dicens: *Jam securis ad radicem arboris posita est. Omnis arbor quae non facit fructum bonum, excidetur, & in*

Psal. 48. 8.

Luc. 3.
v. 9.

H 6

ignem

180 *S. Gregorii Reg. Pastoralis*,
ignem mittetur. Qui ergo se innoxios, quia aliena non rapiunt æstimant, ictum securis vicinæ prævideant, & torporem improvidæ securitatis amittant: ne cum ferre fructum boni operis negligunt, a præsentī vita funditus quasi a viriditate radicis exsecetur.

At contra admonendi sunt, qui & ea quæ habent tribuunt, & aliena rapere non desistunt, ne valde munifici videri appetant, & de boni specie deteriores fiant. Hi etenim propria indiscrete tribuentes, non solum, ut supra jam diximus, ad impatientiæ murmurationem proruunt; sed cogente se inopia usque ad avaritiam devolvuntur. Quid ergo eorum mente infelicius, quibus de largitate nascitur avaritia; & peccatorum seges quasi ex virtute seminatur? Prius itaque admonendi sunt ut tenere sua rationabiliter sciant, & tunc demum ut aliena non ambiant. Si enim radix culpæ in ipsa effusione non exuritur, numquam per ramos exuberans avaritiæ spina siccat. Occasio ergo rapiendi subtrahitur, si bene prius jus possidendi disponatur. Tunc vero admoniti audiant, quomodo quæ habent misericorditer tribuant, quando nimirum didicerint ut bona misericordiæ per interjectam rapinæ

rapinæ nequitiam non confundant . Violenter enim exquirunt quæ misericorditer (a) largiuntur . Sed aliud est pro peccatis misericordiam facere , aliud pro misericordia faciendâ peccare : quæ jam nequaquam misericordia nuncupari potest ; quia ad dulcem fructum non proficit . quæ per virus pestiferæ radicis amarescit . Hinc est enim quod ipsa etiam sacrificia per Prophetam Dominus reprobat, dicens : *Ego Dominus diligens* Isa. 62. 8.
judicium, & odio habens rapinam in holocaustis. Hinc iterum dixit : *Hostiæ* Prov. 21. 27.
impiorum abominabiles, quæ offeruntur ex scelere. Qui sæpe quoque & indigentibus subtrahunt, quæ Deo largiuntur . Sed quanta eos animadversione renuat, per quemdam sapientem Dominus demonstrat, dicens : *Qui offert sacrificium* Eccli. 10. 26.
(b) de substantia pauperis, quasi qui victimas filium in conspectu patris sui. Quid namque esse intolerabilius potest, quam mors filii ante (c) oculos patris ? Hoc itaque sacrificium quanta ira aspi-ciatur ostenditur, quod orbi patris dolori comparatur . Et tamen plerumque quanta tribuunt, pensant ; quanta autem rapiunt, considerare dissimulant . Quasi mercedem numerant, & per-

(a) Codd. largiantur.

pen-

(b) Cod. ex. (c) Cod. conspectum .

Agg.
n. 7.

pendere culpas recusant. Audiant itaque quod scriptum est: *Qui mercedem congregavit, misit eas in sacculum pertusum*. In saculo quippe pertuso videtur, quando pecunia (a) amittitur, sed quando amittitur non videtur. Qui ergo quanta largiuntur aspiciunt, sed (b) quantum rapiunt non perpendunt, in pertuso sacculo mercedem mittunt, quia profecto has in spem suæ fiduciæ intuentes congerunt, sed non intuentes perdunt.

C A P U T XXIV.

*Quomodo admonendi sunt discordes
& pacati.*

Aliter admonendi sunt discordes, atque aliter pacati. Discordes namque admonendi sunt ut certissime sciant quia quantislibet virtutibus polleant, spirituales fieri nullatenus possunt, si uniri per concordiam proximis negligunt. Scriptum quippe est: *Fructus autem spiritus est charitas, gaudium pax*. Qui ergo servare pacem non curat, ferre fructum spiritus recusat. Hinc Paulus ait: *Cum sit inter vos zelus & contentio, nonne carnales estis?* Hinc iterum quoque dicit: *Pacem sequimini cum omnibus,*

*Gal. 5.
22.**1. Cor.
1. 1.*

(a) Cod. *mittitur*. (b) Cod. *quantis*.

bus, & sanctimoniam, sine qua nemo ^{Hebr. 12.} videbit Deum. Hinc rursum admo- ^{14.} nens ait: Solliciti servare unitatem ^{Ephes. 4.} spiritus in vinculo pacis: unum corpus ^{v. 3. & 4.} & unus spiritus, sicut vocati estis in una spe vocationis vestræ. Ad unam ergo vocationis spem nequaquam pertingitur, si non ad eam unita cum proximis mente curratur. At sæpe nonnulli quo quædam specialiter dona percipiunt, eo superbiendo donum concordia quod majus est, amittunt: ut si fortasse carnem præ cæteris gulæ refrænatione quis edomat, concordare eis quos superat abstinendo contemnat. Sed qui abstinentiam a concordia separat, quid admoneat Psalmista perpendat; ait enim: ^{Psal. 150. 4.} Laudate eum in tympano & choro. In tympano namque sicca & percussa pellis resonat: in choro autem voces societate concordant. Quisquis itaque corpus affligit, sed concordiam deserit. Deum quidem laudat in tympano, sed non laudat in choro. Sæpe vero dum quosdam major scientia erigit, a cæterorum societate disjungit, & quasi quo plus sapiunt, eo a concordia virtute deficiunt. Hi itaque audiant quid per semetipsam Veritas dicat: ^{Matt. 9. 17.} Ha- ^{17.} bete Sal in vobis, & pacem habete in-

184 S. Gregorii Reg. Pastoralis,
 ter vos. Sal quippe sine pace non
 virtutis est donum, sed damnatio-
 nis argumentum. Quo enim quisque
 melius sapit, eo deterius delinquit:
 & idcirco inexcusabiliter merebitur
 supplicium, quia prudenter si voluif-
 set, potuit vitare peccatum. Quibus
 recte quoque per Jacobum dicitur :
 Quod si zelum amarum habetis, &
 contentiones sunt in corde vestro, noli-
 te gloriari, & mendacesse adversum
 veritatem. Non est ista sapientia de-
 fursum descendens, sed terrena, ani-
 malis, diabolica. Quæ autem desur-
 sum est sapientia primum quidem pu-
 dica est, deinde pacifica. Pudica vi-
 delicet, quia caste intelligit: pacifi-
 ca autem, quia per elationem se mi-
 nime a proximorum societate dis-
 jungit. Admonendi sunt dissidentes,
 ut noverint quod tandiu nullum
 boni operis Deo sacrificium immo-
 lant, quandiu a proximorum chari-
 tate discordant. Scriptum namque
 est: Si offers munus tuum ad altare,
 & ibi recordatus fueris quia frater tu-
 us habet aliquid adversum te, relin-
 que ibi munus tuum ante altare, & va-
 de prius reconciliari fratri tuo: & tunc
 veniens offeres munus tuum. Ex qua
 scilicet præceptione pensandum est,
 quorum hostia repellitur, quam in-
 tole-

Jacob.
 3. v. 14.

Matt.
 5. v. 23.
 24.

tolerabilis culpa monstratur ; Nam cum mala cuncta bonis sequentibus diluantur , pensemus quanta sint mala discordiæ , quæ nisi extincta funditus fuerint , bonum subsequi non permittunt . Admonendi sunt discordes , ut si aures a mandatis cælestibus declinant , mentis oculos ad considerata ea , quæ in infimis versantur , aperiant : quod sæpe aves unius ejusdemque generis sese socialiter volando non deserunt , & quod gregatim animalia bruta pascuntur . Quia si solerter aspicimus , concordando sibi irrationalis natura indicat , quantum malum per discordiam rationalis natura committat , quando hæc a rationis intentione perdidit , quod illa motu naturali custodit .

Ad contra admonendi sunt pacati , ne dum plus quam necesse est , pacem quam possident amant , ad perpetuam pervenire non appetant . Plerumque enim gravius intentionem mentium rerum tranquillitas tentat : ut quo non sunt molesta quæ tenent , eo minus amabilia fiant quæ vocant ; & quo delectant præsentia , eo non inquirantur æterna . Unde & per semetipsam Veritas loquens , cum terrenam pacem a superna distingueret , atque ad venturam discipulos

Iohann.
14. 17.

los ex præsentī provocaret, ait: *Pacem relinquo vobis, pacem meam do vobis*. Relinquo scilicet transitoriam, do mansuram. Si ergo in ea cor, quæ relicta est, figitur, numquam ad illam quæ danda est, pervenitur. Pax igitur præsens ita tenenda est, ut & diligi debeat & contemni: ne si immoderate diligitur, diligentis animus in culpa capiatur. Unde & admonendi sunt pacati, ne dum nimis humanam pacem desiderant, prava hominum mores nequaquam redarguant: & consentiendo perversis, ab auctoris sui se pace disjungat: ne dum humana foras jurgia metuunt, interni fœderis discissione feriantur: Quid enim pax transitoria, nisi quoddam vestigium pacis æternæ? Quid ergo esse dementius potest, quam vestigia in pulvere impressa diligere, sed ipsum a quo impressa sunt, non amare? Hinc David dum totum se ad fœdera pacis internæ constringeret, testatur quod cum malis concordiam non teneret, dicens: *Nonne qui te oderunt, Deus, oderam illos, & super inimicos tuos tabescebam? Perfecto odio oderam illos: inimici facti sunt mihi*. Inimicos etenim Dei perfecto odio odisse, est & quod facti sunt diligere, & quod faciunt incre-

Psal.

118. v.

21. & 22.

crepare: mores pravorum premere, vitæ prodesse.

Pensandum ergo est, quando ab increpatione quiescitur, quanta culpa cum pessimis pax tenetur; si Propheta tantus hoc velut in hostiam Deo obtulit, quod contra se pro Domino pravorum inimicitias excitavit. Hinc est quod tribus Levi assumptis gladiis per castrorum (a) media transiens, quia feriendis noluit peccatoribus parcere Deo manus dicta est consecrasse. Hinc Phinees peccantium civium gratiam spernens, ^{Exodo 32. v. 27. &c.} coeuntes cum Madianitis perculit, & iram Domini iratus placavit. Hinc per semetipsam Veritas dicit: *Nolite arbitrari, quia venerim pacem mittere in terram. Non veni pacem mittere, sed gladium.* ^{Num. 25. 9. Matth. 10. 34.} Malorum namque cum incaute amicitias jungimur, culpis ligamur. Unde Josaphat, qui tot de antea vita præconiis attollitur, de Achab regis amicitias pene periturus increpatur. Cui a Domino per Prophetam dicitur: *Impi præbes auxilium, & his qui oderunt Dominum, amicitia jungeris: & idcirco iram quidem Domini merebaris, sed bona opera inventa sunt in te, eo quod abstuleris lucos de terra Juda.* ^{2. Par. 19. 24.} Ab illo enim qui summe rectus est, eo ipso jam

(a) Cod. medium. di-

188 S. Gregorii Reg. Pastoralis,
 discrepat, quo perversorum amicitiiis
 vita nostra concordat. Admonendi
 sunt pacati, ne si ad correctionis
 verba profiliant, temporalem pacem
 sibi perturbare formident. Rursum-
 que admonendi sunt, ut eandem pa-
 cem dilectione integra intrinsecus te-
 neant, quam per invectionem vocis
 sibi extrinsecus turbant. Quod u-
 trumque provide se David servasse
 perhibet, cum dicit: *Cum his qui
 oderunt pacem, eram pacificus: cum
 loquebar illis, impugnabant me gratis.*
*Ecce & loquens impugnabatur: &
 tamen impugnatus, erat pacificus:*
*quia nec insanientes cessabat repre-
 hendere, nec reprehensos negligebat
 amare.* Hinc etiam Paulus ait: *Si
 fieri potest, quod ex vobis est, cum om-
 nibus hominibus pacem habentes.* Hor-
 taturus enim discipulos ut pacem cum
 omnibus haberent præmisit, dicens:
*Si fieri potest, atque subjunxit: Quod
 ex vobis est.* Difficile quippe erat, ut
 si male acta corripere, habere pa-
 cem cum omnibus possent. Sed cum
 temporalis pax in pravorum cordi-
 bus ex nostra increpatione confun-
 ditur, inviolata necesse est ut in nostro
 corde servetur. Recte itaque ait:
Quod ex vobis est. Ac si nimirum di-
 cat: Quia pax ex duarum partium
 con-

Psal.
 119 7.

Rom.
 12. 18.

consensu subsistit, si ab eis qui corripiuntur, expellitur, integra tamen in vestra qui corripitis mente teneatur. Unde (a) idem rursus discipulos admonet, dicens: *Si quis non obedit verbo nostro, per epistolam hunc notate: & non commisceamini cum illo, ut confundatur.* Atque illico adjunxit: *Et nolite ut inimicum existimare illum, sed corripite ut fratrem.* Ac si diceret: Pacem cum eo exterioriorem solvite, sed interioriorem circa illum medullitus custodite, ut peccantis mentem sic vestra discordia feriat, quatenus pax a cordibus vestris nec abnegata discedat.

2. Thess.
3. 14.

Idem.
v. 15.

CAPUT XXV.

*Quomodo admonendi qui jurgia serunt,
& pacifici.*

ALiter admonendi sunt seminantes jurgia, atque aliter pacifici. Admonendi namque sunt qui jurgia seminant, ut cujus sint sequaces agnoscant. De apostata quippe Angelo scriptum est, cum bonæ messi inserta fuisset zizania: *Inimicus homo hoc fecit.* De cujus etiam membro per Salomonem dicitur: *Homo apostata, vir inutilis, graditur ore perverso, annuit*

Matth.
13. 28.

(a) Cod. *eosdem.*

nuit oculis, terit pede; digito loquitur, pravo corde machinatur malum, & omni tempore jurgia seminat. Ecce, quem seminantem jurgia dicere voluit, prius apostatam nominavit; quia nisi more superbientis Angeli a conspectu Conditoris prius intus aversione mentis caderet, foras postmodum usque ad seminanda jurgia non veniret. Qui recte describitur quod annuit oculis, digito loquitur, terit pede. Interior namque est custodia, quæ ordinata servat exterius membra. Qui ergo statum mentis perdidit, subsequenter foras in inconstantiam motionis fluit, atque exteriori mobilitate indicat, quod nulla interiorum radice subsistat. Audiant jurgiorum seminatores quod scriptum est:

Matth.
5.9.

Beati pacifici, quoniam filii Dei vocabuntur. Atque è diverso colligant, quia si filii Dei vocantur qui pacem faciunt, proculdubio satanæ sunt filii qui confundunt. Omnes autem, qui per discordiam separantur a viriditate dilectionis, arescunt. Qui etsi boni operis fructus in suis actionibus proferunt, profecto nulli sunt, quia non ex unitate charitatis oriuntur. Hinc ergo perpendant seminantes jurgia, quam multipliciter peccant: qui dum unam nequitiam perpetrant,

ab

ab humanis cordibus cunctas simul virtutes eradicant. In uno enim malo innumera peragunt: quia seminando discordiam, charitatem quæ nimirum omnium virtutum mater est, extinguunt. Quia autem nihil pretiosius est Deo virtute dilectionis, nil est desiderabilius diabolo extinctione charitatis. Quisquis ergo seminando jurgia dilectionem proximorum perimit, hosti Dei familiarius servit: quia qua ille amissa cecidit, hanc iste vulneratis cordibus subtrahens, eis iter ascensionis abscidit.

At contra admonendi sunt pacifici, ne tantæ actionis pondus levigent, si inter quos fundare pacem debeant, ignorent. Nam sicut multum nocet si unitas desit bonis: ita valde est noxium si non desit malis. Si ergo perverforum nequitia in pace jungitur, profecto eorum malis actibus robur augetur: quia quo sibi in malitia congruunt, eo se robustius bonorum afflictionibus illidunt. Hinc namque est quod contra (a) damnati illius vasis, videlicet Antichristi prædicatores, divina voce (b) beato Job dicitur: *Membra carnum ejus cobærentia sibi.* Job. 41.

Hinc 14.

(a) Cod. *damnatur.* (b) Cod. *beatur Job dicit.*

ad nequitiam ex hujus perceptione rapiatur: dumque supernam provident, terrenam nullo modo ad usum suæ deteriorationis inclinent. Cum vero perversi quique tales sunt, ut nocere bonis nequeant, etiam si concupiscant, inter hos nimirum debet terrena pax (a) construi & priusquam ab eis valeat superna cognosci, ut hi scilicet quos contra dilectionem Dei malitia suæ impietatis exasperat, saltem ex proximi amore mansuescant: & quasi e vicino ad melius transcant, ut ad illam, quæ a se longe est, pacem Conditoris ascendant.

CAPUT XXVI.

Quomodo admonendi rudes in doctrina sacra, & docti, sed non humiles.

ALiter admonendi sunt qui sacra Legis verba non recte intelligunt: atque aliter qui recte quidem intelligunt, sed hæc humiliter non loquuntur. Admonendi enim sunt qui sacra Legis verba non recte intelligunt, ut perpendant, quia saluberrimum vini potum in veneni si-

I

bi

(a) Cod. *conflicti*.

bi poculum vertunt, ac per medicinale ferrum vulnere mortali se feriunt, dum per hoc in se sana perimunt, per quod salubriter abscondere fauciata debuerunt. Admonendi sunt, ut perpendant quo Scriptura sacra in nocte vitæ præsentis quasi quædam nobis lucerna sit posita, cujus nimirum verba dum non recte intelligunt, de lumine tenebrescunt. Quos videlicet ad intellectum pravum intentio perversa non raperet, nisi prius superbia inflaret. Dum enim (a) se præcæteris sapientes arbitrantur, sequi alios ad melius intellecta despiciunt: atque ut apud imperitum vulgus scientiæ sibi nomen extorqueant, student summo opere & ab aliis recte intellecta destruere, & sua perversa roborare. Unde bene per Prophetam dicitur:

Amos 1
83.

Secuerunt prægnantes Galaad ad dilatandum terminum suum. Galaad namque acervus testimonii interpretatur. Et quia cuncta simul congregatio Ecclesiæ per confessionem servit testimonio veritatis, non incongrue per Galaad Ecclesia exprimitur, quæ ore cunctorum fidelium de Deo quæque vera sunt testatur. Prægnantes autem vocantur animæ, quæ intel-

(a) Cod. *sefe cæteris sapientiores.*

intellectum verbi ex divino amore concipiunt, si ad perfectum tempus veniant, conceptam intelligentiam operis ostensione parituræ. Terminum vero suum dilatare, est opinionis suæ nomen extendere. Secuerunt ergo prægnantes Galaad ad dilatandum terminum suum: quia nimirum hæretici, mentes fidelium, quæ jam aliquid de veritatis intellectu conceperant, perversa prædicatione perimunt, & scientiæ sibi nomen extendunt. Parvulorum corda jam de verbi conceptione gravida, erroris gladio scindunt, & quasi doctrinæ sibi opinionem faciunt. Hos ergo cum conamur instruere ne perversa sentiant, admoneamus prius necesse est, ne inanem gloriam quærant. Si enim radix elationis absciditur, consequenter rami prævæ assertionis arescunt. Admonendi sunt etiam, ne errores discordiasque generando, legem Dei quæ idcirco data est ut sacrificia satanæ prohibeat, eandem ipsam in satanæ sacrificium vertant. Unde per Prophetam Dominus queritur, dicens: *Dedi eis frumentum, vinum, & oleum, & argentum multiplicavi eis & aurum, quæ fecerunt Baal.* Frumentum quippe a Domino accipimus, quando in dictis ob-

securioribus subducto tegmine litteræ per medullam spiritus Legis interna sentimus. Vinum suum Dominus nobis præstat, cum Scripturæ suæ alta prædicatione nos debriat. Oleum quoque suum nobis tribuit, cum præceptis apertioribus vitam nostram blanda lenitate disponit. Argentum multiplicat, cum nobis luce veritatis plena eloquia subministrat. Auro quoque nos ditat, quando cor nostrum intellectu summi fulgoris irradiat. Quæ cuncta hæretici Baal offerunt: quia apud auditorum suorum corda corrupte omnia intelligendo pervertunt. Et de frumento Dei, vino atque oleo, argento pariter & auro, satanæ sacrificium immolant; quia ad errorem discordiæ verba pacis inclinant. Unde admonendi sunt ut perpendant: quia dum perversa mente de præceptis pacis discordiam faciunt, iusto Dei examine ipsi de (a) verbis vitæ moriuntur.

At contra admonendi sunt qui rectæ quidem verba Legis intelligunt, sed hæc humiliter non loquuntur, ut in divinis sermonibus priusquam aliis eos proferant, semetipsos (b) requirant, ne insequentes aliorum facta, se deserant: & cum recte cuncta

(a) Cod. alt. verbo. (b) Cod. inquirant.

Et de sacra Scriptura sentiunt, hoc solum quod per illam contra elatos dicitur, non attendant. Improbis quippe & imperitis est medicus, qui alienum mederi appetit: & ipse vulnus quod patitur nescit. Qui igitur verba Dei humiliter non loquuntur, profecto admonendi sunt, ut cum medicamina ægris apponunt, prius virus suæ pestis inspiciant, ne alios medendo ipsi moriantur. Admoneri debent, ut considerent ne a virtute dicti, dicendi qualitate discordent, ne loquendo aliud, & ostendendo aliud prædicent. Audiant itaque quod scriptum est: *Si quis loquitur, quasi sermones Dei.* Qui ergo verba quæ proferunt, ex propriis non habent, cur quasi de propriis tument? Audiant quod scriptum est: *Sicut ex Deo coram Deo in Christo loquimur.* Ex Deo enim coram Deo loquitur, qui prædicationis verbum & quia a Deo accepit intelligit, & placere per illud Deo non hominibus quærit. Audiant quod scriptum est: *Abominatio Domini est omnis arrogans.* Quia videlicet dum in verbo Dei gloriam propriam quærit, jus dantis invadit: cumque laudi suæ postponere nequaquam metuit, a quo hoc ipsum quod laudatur

1. Petr.
4. 11.

2. Cor.
2. 17.

Proo. 3.
15.

tur accepit. Audiant quod prædicatori per Salomonem dicitur: *Bibe aquam de cisterna tua, & fluent putei tui. Deriventur fontes tui foras & in plateis aquas divide. Habeto eas solus, nec sint alieni participes tui.*

Ibid. v.
16.

Aquam quippe prædicator de cisterna sua bibit, cum ad cor suum rediens, prius audit ipse quod dicit. Bibit sui fluenta putei, si sui irrigatione verbi infunditur. Ubi bene subiungitur: *Deriventur fontes tui foras, & in plateis aquas divide.* Rectum quippe est ut ipse prius bibat, & tunc prædicando aliis influat. Fontes namque foras derivare, est exterius aliis vim prædicationis infundere. In plateis autem aquas dividere, est in magna auditorum amplitudine juxta uniuscujusque qualitatem divina eloquia dispensare. Et quia plerumque inanis gloriæ appetitus subrepat, dum sermo Dei ad multorum notitiam

Ibidem.

Ps. 55.

currit, postquam dictum est: *In plateis aquas divide*, recte subiungitur: *Habeto eas solus, nec sint alieni participes tui.* Alienos quippe malignos spiritus vocat, de quibus per Prophetam tentati hominis voce dicitur: *Alieni insurrexerunt in me, & fortes quaesierunt animam meam.* At ergo (a) *Aquas & in plateis divide,*

(a) Cod. & in plateis aquas divide, &

& tamen solus habe. Ac si apertius dicat: Sic necesse est ut prædicationi exterius servias, quatenus per elevationem te immundis spiritibus non conjungas: ne in divini verbi ministerio hostes tuos ad te participes admittas. Aquas ergo & in plateis dividimus, & tamen soli possidemus, quando & exterius late prædicationem fundimus, & tamen per eam humanas laudes assequi minime ambimus.

CAPUT XXVII.

Quomodo admonendi qui officium prædicationis nimia humilitate detrectant, & qui præcipiti festinatione occupant.

ALiter admonendi sunt qui cum prædicare digne valeant, præ nimia humilitate formidant: atque aliter admonendi sunt quos a prædicatione imperfectio vel ætas prohibet, & tamen præcipitatio impellit. Admonendi namque sunt qui cum prædicare utiliter possunt, immoderata tamen humilitate refugiunt; ut ex minori consideratione colligant, quantum in majoribus rebus delinquant. Si enim indigenti-

bus proximis ipsi quas haberent pecunias absconderent, adjuutores proculdubio calamitatis exitissent. Quo ergo reatu constringantur aspiciant, qui dum peccantibus fratribus verbū prædicationis subtrahunt, morientibus mentibus vitæ remedia abscondunt. Unde & bene quidam sapiens dicit: *Sapientia abscondita, & thesaurus invisus, quæ utilitas in utrisque?* Si populos fames attereret, & occulta frumenta ipsi servarent, auctores proculdubio mortis existerent. Qua itaque plectendi sunt pœna considerent, qui cum fame verbi animæ pereant, ipsi panem perceptæ gratiæ non ministrant. Unde & bene per Salomonem dicitur: *Qui abscondit frumenta, maledicetur in populis.* Frumenta quippe abscondere, est prædicationis sanctæ apud se verba retinere. In populis autem talis quisque maledicetur; quia in solius culpa silentii pro multorum quos corrigere potuit pœna damnatur. Si medicinalis artis minime ignari secundum vulnus cernerent, & tamen secare recusarent, profecto peccatum fraternæ mortis ex solo torpore committerent. Quanta ergo culpa involvantur aspiciant, qui dum cognoscunt vulnera mentium, cura-

re

Ecc. 10.
11.

Prov.
11. 26.

re ea negligunt sectione verborum .
 Unde & bene per Prophetam dicitur: *Maledictus qui prohibet gladium suum a sanguine* . Gladium quippe a sanguine prohibere , est prædicationis verbum a carnalis vitæ interfectione retinere . De quo rursus gladio dicitur: *Et gladius meus manducabit carnes* .

Jer. 48.
10.

Deut.
32. 43.

Hi itaque cum apud se sermonem prædicationis occultant, divinas contra se sententias terribiliter audiant, quatenus ab eorum cordibus timorem timor expellat. Audiant quod talentum qui erogare noluit, cum sententia damnationis amisit. Audiant quod Paulus eo se a proximorum sanguine mundum credidit, quo feriendis eorum vitiis non pepercit, dicens: *Contestor vos hodierna die, quia mundus sum a sanguine omnium, non enim subterfugi, quominus annuntiarem omne consilium Dei vobis* . Audiant quod voce angelica Joannes admonetur, cum dicitur: *Qui audit dicat: Veni* . Ut nimirum cui se vox interna insinuat, ille etiam clamando alios quo ipse rapitur trahat; ne clausas fores etiam vocatus inveniat, si vocanti vacuus appropinquat . Audiant quod Isaias quia a verbi ministerio tacuit, illustratus superno

Matth.
25. v.
24. &c.

Ap. 20.
v. 26.
& 27.

Apo. 22. 27.

lumine, magna voce pœnitentiæ se
Isai 5. 5. ipse reprehendit, dicens: *Vae mihi*
quia taci. Audiant quod per Salo-
 monem in illum prædicationis scien-
 tia multiplicari promittitur, qui in
 hoc quod jam obtinuit, torporis vi-
 tio non tenetur. Ait namque: *Ani-*
ma quæ benedicit, impinguabitur: &
qui inebriat, ipse quoque inebriabitur.
 Qui enim exterius prædicando be-
 nedicit, interioris augmenti pingue-
 dinem recipit: & dum vino eloquii
 auditorum mentem debriare non de-
 finit, potu multiplicati muneris de-
 briatus excrescit. Audiant quod Da-
 vid hoc Deo in munere obtulit,
 quod prædicationis gratiam quam ac-
 ceperat non abscondit, dicens: *Ec-*
ce labia mea non prohibebo, Domine tu
cognovisti: justitiam tuam non abscon-
di in corde meo: veritatem tuam & sa-
lutare tuum dixi. Audiant quod spon-
Ps. 39. si colloquio ad sponsam dicitur. *Quæ*
v. 10. *habitas in hortis, amici auscultant:*
Ps. 12. *fac me audire vocem tuam.* Ecclesia
Cant. 8. quippe in hortis habitat, quæ ad vi-
 riditatem intimam exculta plantaria
 virtutum servat. Cujus vocem ami-
 cos auscultare, est electos quosque
 verbum prædicationis illius desidera-
 re; quam videlicet vocem sponsus
 audire desiderat, quia ad prædica-
 tionem

tionem ejus per electorum suorum animas anhelat. Audiant quod Moyses cum irascentem Deum populo cerneret, & assumi (a) ad ulciscendum gladio juberet; illos a parte Dei denuntiavit existere, qui delinquentium scelera incunctanter ferirent, dicens: *Si quis domini est, jungatur mihi: ponat vir gladium super femur suum: ite & redite de porta usque ad portam per medium Castrorum, & occidat unusquisque fratrem, & amicum, & proximum suum.* Gladium quippe super femur ponere, est prædicationis studium voluptatibus carnis anteferre: ut cum sancta quis studet dicere, curet necesse est illicitas suggestiones edomare. De porta vero usque ad portam ire, est a vitio usque ad vitium per quod ad mentem mors ingreditur, increpando discurrere. Per medium vero castrorum transire, est tanta æqualitate intra Ecclesiam vivere, ut qui delinquentium culpas redarguit, in nullius se debeat favorem declinare. Unde & recte subjungitur: *Occidat vir fratrem, & amicum, & proximum suum.* Fratrem scilicet & amicum & proximum interficit, qui cum punienda inve-

I 6 nit,

(a) Cod. *ad ulciscendum D. um gladiis juberet.*

Exod.
32. 27.

nit, ab increpationis gladio nec eis, quos per cognationem diligit, parcit. Si ergo ille Dei dicitur, qui ad ferienda vitia zelo divini amoris excitatur; profecto esse se Dei denegat, qui in quantum sufficit, increpare vitam carnalium recusat.

At contra admonendi sunt quos a prædicationis officio vel imperfectio, vel ætas prohibet, & tamen præcipitatio impellit: ne dum tanti sibi onus officii præcipitatione arrogant, viam sibi subsequæntis meliorationis abscidant: & cum arripiunt intempestive quod non valent, perdant etiam quod implere quandoque tempestive potuissent: atque scientiam, quia incongrue conantur ostendere, juste ostendantur amisisse. Admonendi sunt ut considerent, quod pulli avium si ante pennarum perfectionem volare appetant, unde ire in alta cupiunt, inde in ima merguntur. Admonendi sunt ut considerent, quod structuris recentibus necdum solidatis, si tignorum pondus superponitur, non habitaculum, sed ruina fabricatur. Admonendi sunt ut considerent, quod conceptas soboles fæminæ si priusquam plene formentur proferunt, nequaquam domos, sed tumulos replent. Hinc est enim quod
ipsa

ipsa Veritas, quæ repente quos vellet roborare potuisset, ut exemplum sequentibus daret, ne imperfecti prædicare præsumerent, postquam plene discipulos de virtute prædicationis instruxit, illico adjunxit : *Vos autem sedete in civitate quoadusque induamini virtute ex alto.* In civitate quippe confidemus, si intra mentium nostrarum nos claustra constringimus, ne loquendo exterius evagemur; ut cum virtute divina perfecte induimur, tunc quasi a nobismetipsis foras etiam alios instruere exeamus. Hinc per quemdam sapientem dicitur : *Adolescens loquere in causa tua vix; & si bis interrogatus fueris, habeat initium responsio tua.* Hinc est quod idem Redemptor noster, cum in cælis sit conditor, & ostensione suæ potentiae semper doctor Angelorum, ante tricennale tempus in terra magister noluit fieri hominum: ut videlicet præcipitatis vim saluberrimi timoris infunderet, cum ipse etiam qui labi non posset, perfectæ vitæ gratiam non nisi perfecta ætate prædicaret. Scriptum quippe est : *Cum factus esset annorum duodecim, remansit puer Jesus in Jerusalem.* De quo a parentibus requisito, paulo post subditur : *In venerunt illum in templum sedentem in me.*

Luc. 24.

49.

Ecclesi.

12.18.

Luc. 2.

42.

Ibidem.

v. 45.

208 *S. Gregorii Reg. Pastoralis,*
medio doctorum, audientem illos &
interrogantem. Vigilanti itaque con-
 sideratione pensandum est, quod cum
 Jesus annorum duodecim dicitur in
 medio doctorum sedens, non docens,
 sed interrogans invenitur. Quo exem-
 plo scilicet ostenditur, ne infirmus
 docere quis audeat, si ille puer doce-
 ri interrogando voluit, qui per divi-
 nitatis potentiam verbum scientiæ
 ipsis suis doctoribus ministravit. Cum
 vero per Paulum discipulo dicitur :
 1. Tim. *Precipe hæc & doce : nemo adolescen-*
 4. 12. *tiam tuam contemnat : sciendum no-*
 bis est, quia in sacro eloquio aliquan-
 do adolescentia juvenus vocatur.
 Quod citius ostenditur, si Salomonis
 ad medium verba proferantur, qui
 ait : *Latere juvenis in adolescentia*
 Eccie. *tua.* Si enim utraque unum esse non
 11. 9. *decerneret, quem monebat in ado-*
lescentia, juvenem non vocaret.

C A P U T XXVIII.

Quomodo admonendi quibus omnia ex
sententia succedunt, & quibus
nulla.

A Liter admonendi sunt qui in hoc
 quod temporaliter appetunt,
 prosperantur : atque aliter qui ea qui-
 dem

dē m quæ mundi sunt concupiscunt, sed tamen adversitatis labore fatigantur. Admonendi namque sunt qui in hoc quod temporaliter appetunt, prosperantur; ne cum cuncta ad votum suppetunt, dantem quærere negligant, (a) sed in his quæ dantur, animum figant: ne peregrinationem pro patria diligant, ne subsidia itineris in obstacula perventionis vertant, ne nocturno lunæ lumine delectati, claritatem solis videre refugiant. Admonendi itaque sunt ut quæque in hoc mundo consequuntur, calamitatis solatia, non autem præmia retributionis credant: sed contra favores mundi mentem erigant, ne in eis ex tota cordis delectatione succumbant. Quisquis enim prosperitatem qua utitur, apud iudicium cordis, melioris vitæ amore non reprimat, favorem vitæ transeuntis in mortis perpetuæ occasionem vertit. Hinc est enim quod sub Idumæorum specie, qui vincendos se prosperitati suæ reliquerunt, in huius mundi successibus lætantes increpantur cum dicitur: *Dederunt terram meam sibi in hereditatem cum gaudio, & toto corde, & ex animo.* Quibus verbis per-

Exech.
16. 9.

(a) Cod. alt. ne in his animū figant, qua dantur.

perpenditur, quod non solum quia gaudeant, sed quod toto corde & ex animo gaudeant, districta reprehensione feriantur. Hinc Salomon ait :

Prov. 1.
12.

1. Cor.
7. 30.

Aversio parvulorum interficiet eos & prosperitas stultorum perdet illos. Hinc Paulus admonet dicens: Qui emunt, tamquam non possidentes, & qui utuntur

hoc mundo, tamquam non utantur. Ut videlicet sic nobis quæ suppetunt, exterius serviant, quatenus a supernæ delectationis studio animum non inflectant: ne luctum nobis internæ peregrinationis temperent ea, quæ in exilio positæ subsidium præbent: & quasi felices in transitoriis nos gaudeamus qui ab æternis nos interim miseros cernimus. Hinc namque est quod ele-

Cant. 2.
6.

ctorum voce dicit Ecclesia: Lava ejus sub capite meo, & dextera illius amplexabitur me. Sinistram Dei, prosperitatem videlicet vitæ præsentis, quasi sub capite posuit, quam intentione summi amoris premit. Dextera vero Dei eam amplectitur; quia sub æterna ejus beatitudine tota devotione continetur. Hinc rursus per

Prov. 3.
16.

Salomonem dicitur: Longitudo dierum in dextera ejus, in sinistra vero illius divitiæ & gloria. Divitiæ itaque & gloria qualiter sint habenda docuit, quæ posita in sinistra memoravit.

Hinc

Hinc Psalmista ait: *Salvum me fac* Pf. 107.
dextera tua. Neque enim ait manu; ^{7.}
sed dextera: ut videlicet cum dexte-
ram diceret, quia æternam salutem
quæreret, indicaret. Hinc rursus
scriptum est: *Dextera manus tua Do-* Exodi
mine confregit inimicos. Hostes enim ^{15. 6.}
Dei etsi in sinistra ejus proficiunt, sec. lxxx.
dextera franguntur: quia plerumque
pravos vita præsens elevat, sed ad-
ventus æternæ beatitudinis damnat.

Admonendi sunt qui in hoc mun-
do prosperantur, ut solerter confi-
derent, quia præsentis vitæ prospe-
ritas aliquando idcirco datur ut ad
meliorem vitam provocet, aliquan-
do vero ut in æternum plenius dam-
net. Hinc est enim quod plebi Israe-
liticæ Chanaan terra promittitur, ut
quandoque ad æterna speranda pro-
vocetur. Neque enim rudis ille po-
pulus promissionibus Dei in longin-
quum crederet, si a promissore suo
non etiam è vicino aliquid percepis-
set. Ut ergo ad æternorum fidem cer-
tius roboretur, nequaquam solummo-
do spe ad res, sed rebus quoque ad
spem trahitur. Quod liquido Psal-
mista testatur, dicens: *Dedit eis re-* Pf. 104.
giones gentium, & labores populorum ^{44.}
possederunt: ut custodiant justificatio-
nes ejus, & legem ejus requirant. Sed
cum

Psal.
72.
18.Luc. 16.
25

cum largientem Deum humana mens boni operis responsione non sequitur, unde nutrita pie creditur, inde iustius damnatur. Hinc enim per Psalmistam rursus dicitur: *Dejecisti eos, dum allevarentur*. Quia videlicet reprobi cum recta opera divinis muneribus non rependunt, cum totos se hic deserunt, & affluentibus prosperitatibus dimittunt, unde exterius proficiunt, inde ab intimis cadunt. Hinc est quod in inferno cruciatus diviti dicitur: *Recepisti bona in vita tua*. Idcirco enim bona hic recepit & malus, ut illic plenius mala reciperet, quia hic fuerat nec per bona conversus.

At contra admonendi sunt, quia quidem quæ mundi sunt concupiscunt, sed tamen adversitatis labore fatigantur, ut sollicita consideratione perpendant, Creator dispositorque cunctorum quanta super eos gratia vigilat, quos in sua desideria non relaxat. Ægro quippe quem medicus desperat, concedit ut cuncta quæ concupiscit, accipiat. Nam qui sanari posse creditur, a multis quæ appetit prohibetur; & pueris nummos subtrahimus, quibus tota simul patrimonialia hæredibus reservamus. Hinc ergo de spe æternæ hæreditatis gaudium

dium fumant , quos adversitas vitæ temporalis humiliat : quia nisi salvandos in perpetuum cerneret , erudiendos sub disciplinæ regimine divina dispensatio non frænaret . Admonendi itaque sunt qui in his quæ temporaliter concupiscunt , adversitatis labore fatigantur , ut sollicitè considerent quod plerumque etiam justos cum temporalis potentia suffollit , velut in laqueo culpa comprehendit . Nam sicut in priori hujus voluminis parte jam diximus , David Deo amabilis rectior fuit in servitio , quam cum pervenit ad regnum . Servus namque amore justitiae , deprehensum adversarium ferire timuit : rex autem persuasioneluxuriæ devotum militem etiam sub studio fraudis extinxit . Quis ergo opes , quis potestatem , quis gloriam quærat innoxie , si & illi extiterunt noxia , qui hæc habuit non quæsitæ ? Quis inter hæc sine magni discriminis labore salvabitur , si ille in his culpa interveniente turbatus est , qui ad hæc fuerat Deo eligente præparatus ? Admonendi sunt ut considerent , quia Salomon , qui post tantam sapientiam usque ad idolatriam cecidisse describitur , nihil hoc mundo priusquam caderet , adversitatis habuisse

1. Reg. 4. 1.

1. Reg. 14. 14.

2. Reg. 11. 17.

214 S. Gregorii Reg. Pastoralis,
buisse memoratur: sed concessa sapientia funditus cor deseruit, quod nulla vel minima tribulationis disciplina custodivit.

C A P U T XXIX.

Quomodo admonendi conjugati, & calibes.

ALiter admonendi sunt conjugati obligati; atque aliter a conjugii nexibus liberi. Admonendi namque sunt conjugati obligati, ut cum vicissim quæ sunt alterius cogitant, sic eorum quisque placere studeat conjugii, ut non displiceat Conditori: sic ea quæ hujus mundi sunt agant, ut tamen appetere quæ Dei sunt non omittant: sic de bonis præsentibus gaudeant, ut tamen sollicita intentione mala æterna pertimescant: sic de malis temporalibus lugeant, ut tamen consolatione integra spem in bonis perennibus figant: quatenus dum in transitu, cognoscunt esse quod agunt, in mansionem quod appetunt; nec mala mundi cor frangant, cum spes bonorum cælestium roborat; nec bona præsentis vitæ decipiant, cum suspecta subsequentis judicii mala contristant. Itaque animus

mus Christianorum conjugum & infirmus & fidelis, qui & plene cuncta temporalia despiciere non valet, & tamen æternis se conjungere per desiderium valet, quamvis in delectatione carnis interim jaceat, supernæ spei refectioe convalescat. Et si habet quæ mundi sunt in usu itineris, speret quæ Dei sunt in fructu perventionis: nec totum se ad hoc quod agit conferat, ne ab eo quod robuste sperare debuit, funditus cadat. Quod bene ac breviter Paulus exprimit, dicens: *Qui habent uxores, tamquam non habentes sint: & qui flent, tamquam non flentes: & qui gaudent, tamquam non gaudentes.* Uxorem quippe quasi non habendo habet, qui sic per illam carnali consolatione utitur, ut tamen numquam ad prava opera a melioris intentionis rectitudine ejus amore flectatur. Uxorem quasi non habendo habet, qui transitoria esse cuncta conspiciens, curam carnis ex necessitate tolerat, sed æterna gaudia spiritus ex desiderio expectat. Non flendo autem flere, est sic exteriora adversa plangere, ut tamen noverit æternæ spei consolatione gaudere. Et rursus, non gaudento gaudere, est sic de infimis animum attollere, ut tamen numquam desinat summa for-

2. Cor.
7. v. 29
Gr 10

Ibidem
v. 1.

formidare. Ubi apte quoque paulo post subdit: *Præterit enim figura hujus mundi*. Ac si aperte diceret: Nolite constanter mundum diligere, quando & ipse non potest, quem diligitis, stare. Incassum cor quasi manentes figitis, dum fugit ipse quem amatis.

Admonendi sunt conjuges, ut ea in quibus sibi aliquando displicent, & patientes invicem tolerant, & exhortantes invicem salvent. Scriptum namque est: *Invicem onera vestra portate, & sic adimplebitis legem Christi*. Lex quippe Christi charitas est: (a) quia ex illo nobis & largiter sua bona contulit, & æquanimiter mala nostra portavit. Tunc ergo legem Christi imitando complemus, quando & nostra bona benigne conferimus, & nostrorum mala pie sustinemus. Admonendi quoque sunt, ut eorum quisque non tam quæ ab altero tolerat, quam quæ ab ipso tolerantur attendat; Si enim sua quæ portantur considerat, (b) ea quæ ab altero sustinet, levius portat.

Admonendi sunt conjuges, ut suscipiendæ prolis se meminerint causa
sa

(a) Cod. *quæ ex illo nobis.*

(b) Cod. *ea quæ ab altero tolerat, quam quæ sustinet, levius portat.*

sa conjunctos, & cum immoderatæ admixtioni fervientes, propagationis articulum in usum transferunt voluptatis, perpendant quod licet extra non exeant, in ipso tamen conjugio conjugii jura transcendunt. Unde necesse est, ut crebris exorationibus deleant quod pulchram copulæ speciem admixtis voluptatibus sædant. Hinc est enim quod peritus medicinæ cælestis Apostolus non tam sanos instituit, quam infirmis medicamenta monstravit, dicens: *De quibus scripsistis mihi: Bonum est homini mulierem non tangere: propter fornicationem autem unusquisque suam (a) habet uxorem, & unaquæque suum virum habeat. Qui enim fornicationis metum præmisit, profecto (b) non stantibus præceptum contulit: sed ne fortasse in terram ruerent, lectum cadentibus ostendit. Unde adhuc, infirmantibus subdidit: Uxori vir debitum reddat, similiter & uxor viro. Quibus dum in magna honestate conjugii aliquid de voluptate largiretur, adjunxit: Hoc autem dico secundum indulgentiam, non secundum imperium. Culpa quippe esse innuitur, quod indulgeri perhibetur: sed quæ tanto citius relaxetur quanto*

1. Cor.
7. v. 1.
et c.

Ibidem.

Ibidem.

(a) Cod. uxorem habeat.

(b) Cod. constantibus.

to non per hanc illicitum quid agitur, se hoc quod est licitum, sub moderamine non tenetur. Quod bene Loth in semetipso exprimit, qui ardentem Sodomam fugit; sed tamen Segor inveniens, nequaquam mox montana conscendit. Ardentem quippe Sodomam fugere, est illicita carnis incendia declinare. Altitudo vero montium est munditia continentium. Vel certe quasi in monte sunt qui etiam carnali copulæ inhærent, sed tamen extra suscipiendæ prolis admixtionem debitam, nulla carnis voluptate solvuntur. In monte quippe stare (a) est, nisi fructum propaginis in carne non quærere. In monte stare, est carni carnaliter non adhærere. Sed quia multi sunt, qui scelera quidem carnis deferunt, nec tamen in conjugio positi, usus solummodo debiti jura conservant: exiit quid Loth Sodomam, sed tamen mox ad montana non pervenit, quia jam damnabilis vita relinquitur, sed adhuc celsitudo conjugalis continentię subtiliter non tenetur. Est vero in medio Segor civitas, quæ fugientem salvat infirmum: quia videlicet cum sibi per incontinentiam miscentur conjuges, & lapsus scelerum fugiunt,

&

(a) Cod. *quid est.*

& tamen venia salvantur. Quasi parvam quippe civitatem inveniunt, in qua ab ignibus defendantur: quia conjugalis hæc vita non quidem in virtutibus mira est, sed tamen a suppliciis secura. Unde idem Loth ad Angelum dicit: *Est civitas hic juxta,* Gen. 19. *ad quam possum fugere, parva; &* 10. *salvabor in ea. Numquid non modica est: & vivet anima mea in ea?* Juxta ergo dicitur, & tamen ad salutem tuta perhibetur: quia conjugalis vita nec a mundo longe divisa est, nec tamen a gaudio salutis aliena. Sed tunc in hac actione vitam suam conjuges quasi in parva civitate custodiunt, quando pro se assiduis deprecationibus intercedunt. Unde & recte per Angelum ad eundem Loth dicitur: *Ecce etiam in hoc suscepi* Ibid. v. *preces tuas, ut non subvertam urbem* 21. *pro qua locutus es.* Quia videlicet cum deprecatio funditur Deo, nequaquam talis conjugii vita damnatur. De qua deprecatione Paulus quoque admonet, dicens: *Nolite fraudare invicem, nisi* 1. Cor. *forte ex consensu ad tempus, ut vacetis* 7. 2. *orationi.*

At contra admonendi sunt qui ligati conjugii non sunt, ut præceptis cælestibus eo rectius serviant, quo eos ad curas mundi nequaquam ju-

K

gum

gum copulæ carnalis inclinât : ut quos onus licitum cunjugii non gravat , nequaquam pondus illicitum terrenæ sollicitudinis premat ; sed tanto eos paratiores dies ultimus , quanto & expeditiores inveniat : nè quo meliora agere vacantes possunt , sed tamen negligunt , eo supplicia deteriora mereantur. Audiant quod Apostolus cum quosdam ad cælibatus gratiam instrueret , non conjugium sprexit , sed curas mundi nascentes ex conjugio repulit , dicens : *Hoc ad utilitatem vestram dico , non ut laqueum vobis iniiciam : sed ad id quod honestum est , & quod facultatem præbeat sine impedimento Domino observandi .* Ex conjugiiis quippe terrenæ sollicitudines prodeunt : & idcirco magister Gentium auditores suos ad meliora persuasit , nè sollicitudine terrena ligarentur . Quem igitur cælibem curarum secularium impedimentum præpedit , & conjugio se nequaquam subdidit , & tamen conjugii onera non evasit . Admonendi sunt cælibes , ne sine damnationis iudicio misceri se fæminis vacantibus putent . Cum enim Paulus fornicationis vitium tot criminibus execrandis inseruit , cuius
 1 Cor. 6.
 v. 9. &
 10. sit reatus indicavit , dicens : *Neque fornicatores , neque idolis servientes , neque*

neque adulteri, neque molles, neque ^{Hebr.} masculorum concubitores, neque fures, ^{23. 4.}
 neque avari, neque ebriosi, neque maledici, neque rapaces, regnum Dei possidebunt. Et rursum: Fornicatores autem & adulteros judicabit Deus. Admonendi itaque sunt, ut si tentationum procellas cum difficultate salutis tolerant, conjugii portum petant. Scriptum namque est: *Melius est nubere, quam uri.* Sine culpa scilicet ad conjugium veniunt, si tamen necdum meliora voverunt. Nam quisquis bonum majus subire proposuit, bonum minus quod licuit illicitum fecit. Scriptum quippe est: *Nemo mittens manum suam ad aratrum, & respiciens retro, aptus est regno celorum.* Qui igitur fortiori studio intenderat, retro convincitur respicere, si relictis amplioribus bonis ad minima retorquetur. ^{Luc. 9. 62.}

CAPUT XXX.

Quomodo admonendi peccata carnis experti, & eorum expertes.

Aliter admonendi sunt peccatorum carnis conscii, atque aliter ignari. Admonendi namque sunt

K 2

pec-

Lc. rem.
3. 3.

peccata carnis experti, ut mare saltem post naufragium metuant, & perditionis suæ discrimina vel cognita perhorrescant: ne qui pie post perpetrata mala servati sunt, hæc improbe repetendo moriantur. Unde peccanti animæ & numquam a peccato desinenti dicitur: *Frons mulieris meretricis facta est tibi, noluiſti erubescere.* Admonendi itaque sunt, ut studeant, quatenus si accepta naturæ bona integra servare noluerunt, saltem scissa refarciant. Quibus nimirum necesse est ut perpendant, in tam magno fidelium numero quam multi & se illibatos custodiant, & alios aberrare convertant. Quid ergo isti dicturi sunt, si aliis in integritate stantibus, ipsi nec post damna resipiscunt. Quid dicturi sunt, si cum multi & alios secum deferunt ad regnum, hi expectanti Domino nec semetipsos reducant? Admonendi sunt, ut præterita commissa considerent, & imminetia devitent. Unde sub Judææ specie per Prophetam Dominus corruptis in hoc mundo mentibus transactas ad memoriam culpas revocat, quatenus pollui in futuris erubescant, dicens: *Fornicatae sunt in Ægypto, in adolescentia sua fornicatae sunt: ibi subacta sunt ubera*

Ezech.
23. 3.

ca.

earum, & (a) fractæ sunt mammæ pu-
bertatis earum. In Ægypto quippe
ubera subiguntur, cum turpi hujus
mundi desiderio humanæ mentis vo-
luntas substernitur. In Ægypto pu-
bertatis (b) mammæ franguntur,
quando naturales sensus adhuc in se-
metipsis integri, pulsantis concupi-
scentiæ corruptione vitiantur.

Admonendi sunt peccata carnis
experti, ut vigilantia cura conspi-
ciant, post delicta nobis ad se rede-
untibus Deus quanta benevolentia si-
num suæ pietatis expandat, cum per
Prophetam dicat: *Si dimiserit vir u-* *Jeremi.*
xorum suam, & illa recedens duxerit *3. 1. 1*
virum (c) alium, numquid revertetur
ad eam ultra? Numquid non polluta
& contaminata erit mulier illa? Tu
autem fornicata es cum amatoribus mul-
tis, tamen revertere ad me, dicit Do-
minus. Ecce de fornicante & relicta
muliere argumentum justitiæ propo-
nitur, & tamen nobis post lapsum
redeuntibus non justitia, sed pietas
exhibetur. Ut hinc utique colliga-
mus, si nobis delinquentibus tanta
pietate parcitur, a nobis nec post
delictum redeuntibus quanta impro-
bitate peccatur: aut quæ ab illo e-

K 3

rit

(a) Cod. fractæ sunt membra puertatis earum.

(b) Cod. membra. (c) Cod. alt. alienum.

rit super improbos venia, qui non cessat vocare post culpam. Quænimirum bene per Prophetam post delictum misericordia vocationis exprimitur, cum averso homini dicitur: *Et erunt oculi tui videntes præceptorem tuum, & aures tue audient verbum post tergum monentis*. Humanum quippe genus Dominus in faciem monuit, quando in paradiso condito homini atque in libero arbitrio stanti, quid facere, quidve non facere deberet, indixit. Sed homo in Dei faciem terga dedit, cum superbiens ejus iussa contempsit. Nec tamen superbientem Deus deseruit, qui ad revocandum hominem Legem dedit, exhortantes Angelos misit, in carne nostræ mortalitatis ipse apparuit. Ergo post tergum stans nos admonuit, qui ad recuperationem nos gratiæ etiam contemptus vocavit. Quod igitur generaliter simul potuit dici de cunctis, hoc necesse est specialiter sentiri de singulis. Quasi enim coram Deo positus quisque verba monitionis ejus percipit, cum priusquam peccata perpetret, voluntatis ejus præcepta cognoscit. Adhuc enim ante faciem ejus stare, est necdum eum peccando contemnere. Cum vero derelicto

bo-

Isai. 30-
19.

bono innocentiae, iniquitatem eligens appetit, jam terga in ejus faciem mittit. Sed ecce adhuc & post tergum Deus subsequens monet, qui etiam post culpam ad se rediri persuadet. Aversum revocat, commissam non respicit, revertenti finem pietatis expandit. Vocem ergo post tergum monentis audimus, si ad invitantes nos Dominum saltem post peccata revertimur. Debemas igitur pietatem vocantis erubescere, si justitiam nolumus formidare: quia tanto graviore improbitate contemnitur quanto & contemptus adhuc vocare non dedignatur.

At contra admonendi sunt peccata carnis ignorantes, ut tanto sollicitius præcipitem ruinam metuant, quanto altius stant. Admonendi sunt, ut noverint, quia quo magis loco prominenti consistunt, eo crebrioribus sagittis insidiatoris impetuntur. Qui tanto ardentius solet erigi, quanto robustius se conspicit vinci, tantoque intolerabilius dedignatur vinci quanto contra se videt per integra infirmæ carnis castra pugnari. Admonendi sunt, ut incessanter præmia suspiciant, & libenter proculdubio tentationum, quas tolerant labores calcabunt. Si enim

Isai. 56. attendatur felicitas, quæ sine transi-
v. 4. 5. tu attingitur, leve fit quod transe-
 undendo laboratur. Audiant quod per
 Prophetam dicitur : *Hæc dicit Do-*
minus Eunuchis. Qui custodierint sa-
bata mea, & elegerint quæ volui, &
fœdus meum tenuerint, dabo eis in do-
mo mea & in muris meis locum & no-
men melius a filiis & filiabus. Eunu-
chi quippe sunt, qui compressis (a)
moribus carnis, affectum in se pravi
operis abscidunt. Quo autem apud
Patrem loco habeantur, ostenditur;
quia in domo Patris videlicet æter-
na mansione etiam filiis præferuntur.
Audiant quod per Joannem dicitur :
Hi sunt qui cum mulieribus non sunt co-
inquinati: virgines enim sunt, & se-
quuntur agnum quocumque ierit. Et quod
canticum cantant, quod nemo po-
test dicere, nisi illa centum quadra-
ginta quatuor milia. Singulariter
quippe canticum Agno cantare, est
cum eo in perpetuum præ cunctis fi-
delibus etiam de incorruptione car-
nis gaudere. Quod tamen electi cæ-
teri canticum audire possunt, licet
dicere nequeant: quia per charitatem
quidem in illorum celsitudine læti
sunt, quamvis ad eorum præmia non
 as-

(a) Cod. motibus carnis effectum in se pravi
 operis abscidunt.

affurgant. Audiant peccatorum carnis ignari quod per semetipsam de hac integritate Veritas dicit: *Non* ^{Matt.} *omnes capiunt verbum hoc*. Quod eo ^{19. 11.} innotuit summum, quo denegavit omnium: & dum prædicit quia difficile capitur, audientibus innuit, cap- tum cum qua castela teneatur.

Admonendi sunt itaque peccata carnis ignorantes, ut & præminere virginitatem conjugio sciant, & tamen se super conjuges non extol- lant: quatenus dum & virginitatem præferunt & se postponunt; & il- lud non deferant quod melius esse æstimant, & se custodiant quo se inaniter non exaltant. Admonendi sunt ut considerent, quod plerum- que actione secularium vita conti- nentium confunditur, cum & illi ultra habitum assumunt opera, & isti juxta ordinem proprium non ex- citant corda. Unde bene per Prophe- tam dicitur: *Erubescit Sidon, ait ma-* ^{Isaia.} *re*. Quasi enim per vocem maris ad ^{23. 4.} verecundiam Sidon adducitur, quan- do per comparisonem vitæ secula- rium atque in hoc mundo fluctuan- tium, ejus qui munitus & quasi sta- bilis cernitur, vita reprobat. Sæ- pe enim nonnulli ad Dominum post carnis peccata redeuntes, tanto se

ardentius in bonis operibus exhibent, quanto damnabiliores se de malis vident. Et sæpe quidam in carnis integritate perdurantes, cum minus se respiciunt habere quod defleant, plene sibi sufficere vitæ suæ innocentiam putant, atque ad fervorem spiritus, nullis se ardoris stimulis inflammant. Et fit plerumque Deo gratior amore ardens vita post culpam, quam securitate torpens innocentia.

Luc. 7.
47. Luc.
15. 10.

Unde & voce judicis dicitur : *Remittuntur ei peccata multa, quia dilexit multum.* Et : *Gaudium erit in Cælo super uno peccatore pœnitente, magis quam super nonagintanovem justis, quibus non opus est pœnitentia.* Quod citius ex ipso usu colligimus, si nostræ mentis judicia pensemus. Plus namque terram diligimus quæ post spinas exarata fructus uberes producit, quam quæ nullas spinas habuit, sed tamen exulta sterilem segetem gignit. Admonendi sunt peccata carnis ignorantes, ne superioris ordinis celsitudine se cæteris præferant, cum ab inferioribus quanta se melius agantur ignorant; in examine namque recti judicis mutat merita ordinum qualitas actionum. Quis enim consideratis ipsis rerum imaginibus nesciat, quod in natura gemmarum carbun-

bunculus præferatur hyacintho? Sed tamen cærulei coloris hyacinthus præfertur pallenti carbunculo: quia & illi quod naturæ ordo subtrahit, species decoris adjungit; & hunc quem naturalis ordo prætulerat, coloris qualitas fœdat. Sic ergo in humano genere & quidam in meliori ordine deteriores sunt, & quidam in deteriori meliores: quia & isti sortem extremi habitus bene vivendo transcendunt, & illi superioris loci meritum moribus non exequendo diminuunt.

CAPUT XXXI.

Quomodo admonendi qui peccata operum lugent, & qui solum cogitationum.

ALiter admonendi sunt qui peccata deplorant operum, atque aliter qui cogitationum. Admonendi quippe sunt qui peccata deplorant operum, ut consummata mala perfecta diluant lamenta, ne plus astringantur in debito perpetrati operis, & minus solvant fletibus satisfactionis. Scriptum quippe est: *Potum dedit nobis in lacrymis in mensura: ut videlicet uniuscuiusque mens tantum poenitendo compunctionis suæ bibat la-*

crymas, quantum se a Deo (a) memin-
nit aruisse per culpas. Admonen-
di sunt, ut incessanter admissa ante
oculos reducant, atque (b) vivendo
agant, ut a districto iudice videri
non debeant. Unde David cum pe-

Psal. 10

11

Ibid. v.

3

teret, dicens: *Averte oculos tuos a*
peccatis meis: paulo superius intulit:

Delictum meum coram me est semper.

Ac si diceret: Peccatum meum ne
respicias, postulo, quia hoc respicere

ipse non cesso; Unde & per Prophe-

tam Dominus dicit: *Et peccatorum*

tuorum memor non ero, tu autem me-

mor esto. Admonendi sunt, ut sin-

gula quæque admissa considerent, &

dum per unumquodque erroris sui in-

quinationem deflent, simul se ac to-

tos lacrymis mudent. Unde bene

per Jeremiam dicitur, cum Judææ

singula delicta pensarentur: *Divisio-*

nes aquarum deduxit oculus meus.

Divisas quippe ex oculis aquas deduci-

mus, quando peccatis singulis dis-

pertitas lacrymas damus. Neque e-

nim uno eodemque tempore æque

mens de omnibus dolet: sed dum

nunc hujus, nunc illius culpæ me-

moria acrius tangitur, simul de om-

nibus, in singulis commota, purgatur.

Ad-

Ad-

(a) Cod. meminit per culpas recessisse.

(b) Cod. videndo agant.

Isai. 43.

v. 25.

Eccl. 26.

sec. lxx.

Admonendi sunt, ut de misericordia quam postulant, præsumant: ne vi immoderatæ afflictionis intereant. Neque enim pie Dominus ante delinquentium oculos flenda peccata opponeret, si per semetipsum ea districte ferire voluisset. Constat enim quod a suo iudicio abscondere voluit, quos miserando præveniens sibi-
metipsis iudices fecit. Hinc enim scriptum est: *Præveniamus faciem Domini in confessione.* Hinc per Paulum dicitur: *Si nosmetipsos dijudicavimus, non utique iudicavimus.* Rursumque admonendi sunt, ut sic de spe fiduciam habeant, ne tamen incauta securitate torpescant. Plerumque enim hostis callidus mentem quam peccato supplantat, cum de ruina sua afflictam respicit, securitatis pestiferæ blanditiis seducit. Quod figurate exprimitur, cum factum Dinæ memoratur. Scriptum quippe est: *Egressa est Dina ut videret mulieres regionis illius, quam cum vidisset Sichem filius Hemor Hevæi, princeps terræ illius, adamavit eam, & rapuit, & dormivit cum illa, vi opprimens virginem: & conglutinata est anima ejus cum ea, tristemque blanditiis delinivit.* Dina quippe ut mulieres videat extraneæ regionis, egreditur, quando unaquæ-
que

Ps.
94. 2.
1. Cor.
11. 34.

Genes.
34. v. 1.
2. & 3.

que mens sua studia negligens, actiones alienas curans, extra habitum atque extra ordinem proprium vagatur. Quam Sichem princeps terræ opprimit, quia videlicet inventam in curis exterioribus diabolus

Ibidem - corrumpit. *Et conglutinata est anima ejus cum ea*; quia unitam sibi per iniquitatem respicit. Et quia cum mens a culpa resipiscit, addicitur, atque admissum flere conatur: corruptor autem spes ac securitates vacuas ante oculos revocat; quatenus utilitatem tristitiæ subtrahat, recte il-

Ibidem - lic adjungitur: *Tristemque blanditiis delinivit*. Modo enim aliorum facta graviora, modo nil esse quod perpetratum est, modo misericordem Deum loquitur, modo adhuc tempus subsequens ad pœnitentiam pollicetur: ut dum per hæc decepta mens ducitur, ab intentione pœnitentiæ suspendatur: quatenus tunc bona nulla percipiat, quam nunc mala nulla contristant: & tunc plenius obruatur suppliciis, quæ nunc etiam gaudet in delictis.

At contra admonendi sunt qui peccata cogitationum deflent, ut solliciti considerent intra mentis arcana utrum delectatione tantummodo, an etiam consensu deliquerint. Plerumque

que enim tentatur cor, & ex carnis nequitia delectatur, & tamen eidem nequitiae ex ratione renititur, ut in secreto cogitationis & contristet quod libet, & libeat quod contristat. Numquam vero ita mens baratro tentationis absorbetur, ut nullatenus renitatur, sed ex deliberatione sequitur hoc, unde ex delectatione pulsatur: & si facultas exterior suppetat, rerum mox effectibus interiora vota consummat. Quod videlicet si iusta animadversio districti iudicis respicit, non est jam cogitationis culpa, sed operis: quia etsi rerum tarditas foras peccatum distulit, intus hoc consensionis opere voluntas implevit.

In primo autem parente didicimus; quia tribus modis omnis culpae nequitiam perpetramus, suggestione scilicet, delectatione, & consensu. Primum itaque per hostem, secundum vero per carnem, tertium per spiritum perpetratur. Infidiator enim prava suggerit, caro se delectationi subiicit, atque ad extremum spiritus victus delectatione consentit: Unde & (a) ille serpens prava suggestit. Eva autem quasi caro se delectationi subdidit; Adam vero velut spiritus suggestioni ac delectatione superatus (b) assensit. Suggestione ita-
(a) Cod. *illis*. (b) Cod. *consensit*. que

que peccatum agnoscimus, delectatione vincimur, consensu etiam ligamur. Admonendi sunt igitur qui nequitias cogitationis desunt ut solliciti considerent in qua peccati mensura ceciderunt, quatenus juxta ruinæ modum, quam in semetipsis introrsus sentiunt, etiam mensura lamentationis erigantur: ne si cogitata mala minus cruciant, usque ad perpetranda opera perducant. Sed inter hæc ita terrendi sunt, ut tamen minime frangantur. Sæpe enim misericors Deus eo citius peccata cordis abluir, quo hæc exire ad opera non permittit: & cogitata nequitia (a) quanto citius soluitur, quia effectu operis districtius non ligatur. Unde recte per Psalmistam dicitur: *Dixi, pronuntiabo adversum me injustitias meas Domino, & tu remisisti impietatem cordis mei*. Qui enim impietatem cordis subdidit, quia cogitationum injustitias pronuntiare vellet indicavit. Dumque ait: *Dixi, pronuntiabo*, atque illico adjunxit: *Et tu remisisti*: quam sit sepe hæc facilis venia ostendit. Qui dum se adhuc petere promittit, hoc quod petere se promittebat, obtinuit: quatenus quia usque ad opus non venerat culpa, usque

2/31.
8.

(a) Cod. *quantocito*.

que ad cruciatum non perveniret poenitentia, sed cogitata afflictio mentem tergeret, quam nimirum tantummodo cogitata iniquitas inquinasset.

CAPUT XXXII.

*Quomodo admonendi qui a peccatis
quæ desunt, non abstinent; &
qui cum abstineant, non
desunt.*

Aliter admonendi sunt qui admissa plangunt, nec tamen deserunt: atque aliter qui deserunt, nec tamen plangunt. Admonendi sunt enim qui admissa plangunt, nec tamen deserunt; ut considerare sollicitè sciant quia flendo inaniter se mundant, qui vivendo se nequiter inquinant, cum idcirco se lacrymis lavant, ut mundi ad sordes redeant. Hinc enim scriptum est. *Canis reversus ad suum vomitum, & sus* Prov. 26. 11.
2. Petri 2. 22. *lota in volutabro luti.* Canis quippe cum vomit, profecto cibum qui peccatus deprimebat, proicit: sed cum ad vomitum revertitur, unde levigatus fuerat, rursus oneratur. Et qui admissa plangunt, profecto nequitiam, de qua male satiati fuerant,

&

& quæ mentis intima deprimebat, confitendo proiciunt, quam post confessionem dum repetunt, resumunt. Sus vero in volutabro luti cum lavatur, sordidior redditur. Et qui admissa plangit, nec tamen deserit, poenæ gravioris culpæ se subiicit: quia & ipsam quam flendo potuit impetrare veniam contemnit, & quasi in lutosa aqua semetipsum volvit, quia dum fletibus suis vitæ munditiam subtrahit, ante Dei oculos sordidas ipsas etiam lacrymas facit. Hinc

Eccli. 7. *15.* rursus scriptum est: *Ne iteres verbum in (a) oratione tua.* Verbum namque in oratione iterare, est post fletum committere quod rursus necesse sit flere. Hinc per Isaiam dicitur:

Isai. 1. *16.* *Lavamini, mundi estote.* Post lavacrum enim mundus esse negligit, quisquis post lacrymas vitæ innocentiam non custodit. Et lavantur ergo & nequaquam mundi sunt, qui commissa flere non desinunt, sed rursus flenda committunt. Hinc per quemdam sapientem dicitur:

Eccli. 14. 10. *Qui baptizatur a mortuo, & iterum tangit illum, quid proficit lavatio ejus?* Baptizatur quippe a mortuo, qui mundatur fletibus a peccato: sed post baptismum mortuum tangit, qui culpam post lacrymas repetit.

Ad.

(a) Cod. *obsecratione, Sic & infra.*

Admonendi sunt qui admissa plangunt, nec tamen deserunt, ut ante districti iudicis oculos eis se esse similes agnoscant, qui venientes ad faciem quorundam hominum, magna eis submissione blandiuntur; recedentes autem, inimicitias ac damna quæ valent, atrociter inferunt. Quid est enim culpam flere, nisi humilitatem Deo suæ devotionis ostendere? Et quid est post fletum prava agere, nisi superbas in eum quem roga verat, inimicitias exercere? Jacobo attestante qui ait: *Quicumque* Jacob. 4. *voluerit amicus esse seculi hujus, inimicus Dei constituitur.* Admonendi sunt qui admissa plangunt, nec tamen deserunt, ut sollicitè considerent, quia ita plerumque malè inutiliter compunguntur ad justitiam, sicut plerumque boni innoxie tentantur ad culpam. Fit quippe mira exigentibus meritis dispositionis internæ mensura, ut & illi dum de bono aliquid agunt, quod tamen non perficiunt, superbe inter ipsa quæ etiam plenissime perpetrant mala confidant: & isti dum de malo tentantur, cui nequaquam consentiunt, quo per infirmitatem titubant, eo gressus cordis ad justitiam per humilitatem verius figant. Balaam quippe justorum
ta-

N^{um.}
28. 10.

tabernacula respiciens, ait: *Mor-
tur anima mea morte iustorum, & fiant
novissima mea horum similia*. Sed cum
compunctionis tempus abcessit, con-
tra eorum vitam, quibus se similem
fieri etiam moriendo poposcerat, con-
siliū præbuit: & cum occasionem
de avaritia reperit, illico oblitus est
quidquid sibi de innocentia optavit.
Hinc vero doctor & prædicator Gen-
tium Paulus, ait: *Videō aliam legem
in membris meis, repugnantem legimen-
tis meæ, & captivum me ducentem in
lege peccati quæ est in membris*. Qui
profecto idcirco tentatur, ut in bo-
no robustius ex ipsa infirmitatis suæ
cognitione solidetur. Quid est ergo
quod ille compungitur, & tamen ju-
stitiæ non appropinquat, iste tenta-
tur, & tamen eum culpa non in-
quinat: nisi hoc quod aperte osten-
ditur, quod nec malos bona imper-
fecta adjuvant, nec bonos mala in-
consummata condemnant?

Ibid. 24.
26.
Rom. 7.
23.

At contra admonendi sunt qui ad-
missa deserunt, nec tamen plangunt,
ne jam relaxatas æstiment culpas,
quas etsi agendo non multiplicant,
nullis tamen fletibus mundant. Ne-
que enim scriptor, si a scriptione
cessaverit, quia alia non addidit,
etiam illa quæ scripserat delet: nec

nec qui contumelias irrogat, si solummodo tacuerit, satisfecit, cum profecto necesse sit ut verba præmissæ superbiæ verbis (a) subiectæ humilitatis impugnet: nec debitor absolutus est quia alia non multiplicat, nisi & illa quæ ligaverat, solvat. Ita & cum Deo delinquimus, nequaquam satisfacimus si ab iniquitate cessamus, nisi voluptates quoque quas dileximus, e contrario appositis lamentis insequamur. Si enim nulla nos in hac vita operum culpa maculasset, nequaquam nobis hic adhuc degentibus ipsa ad securitatem innocentia nostra sufficeret; quia illicita animum multa pulsarent. Qua ergo mente securus est, qui perpetratis iniquitatibus ipse sibi testis est quia innocens non est?

Neque enim Deus nostris cruciatibus pascitur, sed delictorum morbos medicamentis contrariis medetur: ut qui voluptatibus delectati discessimus, fletibus amaricati redeamus: & qui per illicita defluendo cecidimus, etiam a licitis nosmetipsos restringendo, surgamus: & cor quod insana lætitia infunderat, salubris tristitia exurat: & quod vulneraverat elatio superbiæ, curet abjectio humilis vitæ.

(a) Cod. *subjunctæ*.

Pf. 74. 5. tæ. Hinc enim scriptum est : *Dixi iniquis, Nolite inique agere : & delinquentibus, Nolite exaltare cornu.* Cornu quippe delinquentes exaltant, si nequaquam se ad pœnitentiam ex cognitione suæ iniquitatis humiliant.

Pf. 50. 29. Hinc rursus dicitur : *Cor contritum, & humiliatum Deus non spernit.* Quisquis enim peccata plangit, nec tamen deserit, cor quidem conterit, sed humiliare contemnit. Qui vero peccata jam deserit, nec tamen plangit, jam quidem humiliat, sed tamen cor contereere recusat. Hinc

1. Cor. 6. 11. Paulus ait : *Et hæc quidem fuistis ; sed abluti estis, sed sanctificati estis.* Quia nimirum illos emendatior vita sanctificat, quos per pœnitentiam abluens afflictio fletuum mundat. Hinc Petrus cum quosdam terribiles malorum suorum consideratione conspiceret, admonuit, dicens : *Pœ-*

Ab. 2. 18. *nitentiam agite, & baptizetur unusquisque vestrum.* Dicturus enim baptisma, præmisit pœnitentiæ lamenta : ut prius se aqua suæ afflictionis infunderent, & postmodum sacramento baptismatis lavarent. Qua igitur mente qui transactas culpas flere negligunt, vivunt securi de venia, quando ipse summus Pastor Ecclesiæ huic etiam Sacramento addendam

pœ-

pœnitentiam credidit, quod peccata principaliter extinguit?

CAPUT XXXIII.

Quomodo admonendi qui illicita quorum sunt conscii laudant; & qui condemnantes, minime tamen cavent.

ALiter admonendi sunt qui illicita quæ faciunt, etiam laudant atque aliter qui accusant prava, nec tamen devitant. Admonendi sunt enim qui illicita quæ faciunt etiam laudant, ut considerent quod plerumque plus ore quam opere delinquant. Opere namque per semetipsum solos prava perpetrant; ore autem per tot personas iniquitatem exhibent, quot audientium mentes iniqua laudantes docent. Admonendi ergo sunt, ut si eradicare mala dissimulant, saltem seminare pertimescant. Admonendi sunt, ut eis perditio privata sufficiat. Rursumque admonendi sunt, ut si mali esse non metuunt, erubescant saltem videri quod sunt. Plerumque enim culpa dum absconditur, effugatur: quia dum mens erubescit videri quod tamen esse non metuit, erubescit quan-

quandoque esse quod fugit videri : Cum vero pravi quisque impudenter innotescit, quo liberius omne facinus perpetrat, eo etiam licitum putat: & quod licitum suspicatur, in hoc proculdubio multiplicius mergitur. Unde scriptum est: *Peccatum suum sicut Sodomam prædicaverunt, nec absconderunt.* Peccatum enim suum si Sodoma absconderet, adhuc sub timore peccaret. Sed funditus fræna timoris amiserat, quæ ad culpam nec tenebras inquirebat. Unde *Gen. 13. 20.* & rursum scriptum est: *Clamor Sodomorum & Gomorrhæ multiplicatus est.* Peccatum quippe cum voce, est culpa in actione: peccatum vero etiam cum clamore, (a) & culpa cum libertate.

At contra admonendi sunt qui accusant prava, nec tamen devitant, ut provide perpendant, quid in districto Dei judicio pro sua excusatione dicturi sunt, qui de reatu suorum criminum etiam semetipsi judicibus non excusantur. Hi itaque quid aliud quam præcones sunt sui? Voces contra culpas proferunt, & semetipsos operibus reos trahunt. Admonendi sunt ut videant, quia de occulta jam retributione judicii est, quod

(a) *Cod. est. culpa.*

quod eorum mens, malum quod perpetrat illuminatur ut videat, sed non conatur ut vincat: ut quo melius videt, eo deterius pereat: quia & intelligentiæ lumen percipit, & actionis praviæ tenebras non relinquit. Nam cum acceptam ad adiutorium scientiam negligunt, hanc contra se in testimonium vertunt; & de lumine intelligentiæ augent supplicia, quod profecto acceperant ut possent delere peccata. Quorum nimirum nequitia cum malum agit quod diiudicat, venturum jam iudicium hic degustat: ut cum æternis suppliciis servatur obnoxia, suo hic interim examine non sit absoluta: tantoque illic graviora tormenta percipiat, quando hic malum non deferit, etiam quod ipsa condemnat.

Hinc enim Veritas dicit: *Servus* Luc. 12.
qui cognovit voluntatem Domini sui, 47.
& non præparavit, & non fecit secundum voluntatem ejus, vapulabit multis.
Hinc Psalmista, ait: *Descendant in* Psal. 54.
infernum viventes: Vivi quippe quæ 16.

circa illos aguntur sciunt & sentiunt, mortui autem sentire nil possunt. Mortui enim in infernum descenderent, si mala nesciendo perpetrarent. Cum vero sciunt mala, & tamen faciunt, ad iniquitatis in-

L

fer.

244 S. Gregorii Reg. Pastoralis,
fernum viventes miseri sentientesque
descendunt.

C A P U T XXXIV.

*Quomodo admonendi qui subito motu,
& qui consulto peccant.*

ALiter admonendi sunt qui repentina concupiscentia superantur, atque aliter qui in culpa ex consilio ligantur. Admonendi quippe sunt quos repentina concupiscentia superat, ut in bello præsentis vitæ se quotidie positos attendant, & cor quod prævidere vulnera non potest, scuto solliciti timoris tegant: ut occulta insidiantis hostis jacula perhorrescant, & in tam caliginoso certamine intentione continua intra mentis castra se muniant. Nam si a circumspeditionis sollicitudine cor destituitur, vulneribus aperitur: quia hostis callidus tanto liberius pectus percutit, quanto nudum a providentiæ lorica deprehendit. Admonendi sunt qui repentina concupiscentia superantur, ut curare nimis terrena desuescant: quia intentionem suam dum rebus transitoriis immoderatus implicat, quibus culparum jaculis transfigantur

tur ignorant. Unde & per Salomonem vox percussi & dormientis exprimitur, qui ait: *verberaverunt me, sed non dolui; (a) traxerunt me, & ego non sensi. Quando evigilabo, & rursum vina reperiam?* Mens quippe a cura suæ sollicitudinis dormiens verberatur & non dolet, quia sicut imminetia mala non prospicit, sic nec quæ perpetraverit, agnoscit. Trahitur & nequaquam sentit, quia per illecebras vitiorum ducitur, nec tamen ad sui custodiam suscitatur. Quæ quidem evigilare optat, ut rursum vina reperiat: quia quamvis somno torporis a sui custodia prematur, vigilare tamen ad seculi curas nititur, ut semper voluptatibus debrietur: & cum ad illud dormiat in quo solerter vigilare debuerat, ad aliud vigilare appetit, ad quod laudabiliter dormire potuisset. Hinc superius scriptum est: *Et eris quasi dormiens in medio mari, & quasi sopitus gubernator amisso clavo.* In medio enim mari dormit, qui in hujus mundi tentationibus positus, providere motus irruentium vitiorum quasi imminentes undarum cumulos negligit. Et quasi clavum gubernator amittit, quando mens ad regen-

Prov.

21. 15.

Ibidem.

v. 14.

L 2

dam

(a) Cod. alt. tran fixerunt.

dam navem corporis, studium sollicitudinis perdit. Clavum quippe in mari amittere, est intentionem providam inter procillas hujus seculi non tenere. Si enim gubernator clavum sollicite stringit, modo in fluctibus ex adverso navem dirigit, (a) modo ventorum impetus per obliquum findit. Ita cum mens vigilanter animam regit, modo alia superans calcit, modo alia providens declinat; ut & præsentia laborando subiciat, & contra futura certamina prospiciendo convalescat. Hinc rursum de fortibus supernæ patriæ bellatoribus dicitur: *Uniuscujusque ensis super femur suum, propter timores nocturnos.* Ensis enim super femur ponitur, quando acumine sanctæ prædicationis prava suggestio carnis edomatur. Per noctem vero cæcitas nostræ infirmitatis exprimitur: quia quidquid adversitatis in nocte imminet, non videtur. Uniuscujusque ergo ensis super femur suum ponitur propter timores nocturnos: quia videlicet sancti viri dum ea quæ non vident, metuant, ad intentionem certaminis parati sem-

Cant. 3.
1.

(a) Cod. alt. modo undas superans calcit, modo alias providens declinat, modo ventorum impetus &c.

semper assistunt. Hinc rursus sponsæ dicitur: *Nasus tuus sicut turris, quæ est in Libano*. Rem namque quam oculis non cernimus, plerumque odore prævidemus. Per nasum quoque odores foetoresque discernimus. Quid ergo per nasum Ecclesiæ, nisi Sanctorum provida discretio designatur? Qui etiam turri similis quæ est in Libano dicitur: quia discreta eorum providentia ita in alto sita est, ut tentationum certamina & priusquam veniant videat, & contra ea dum venerint munita subsistat. Quæ enim futura prævidentur, cum præsentia fuerint, minoris virtutis sunt: quia dum contra ictum quisque paratior redditur, hostis qui se inopinatum credidit, eo ipso quo prævisus est, enervatur.

At contra admonendi sunt qui in culpa ex consilio ligantur, quatenus provida consideratione perpendant, quia dum mala ex iudicio faciunt, districtius contra se iudicium accendunt: ut tanto eos durior sententia feriat, quanto illos in culpa arctius vincula deliberationis ligant. Citius fortasse delicta pænitando abluerent, si in his sola præcipitatione cecidissent. Nam tardius peccatum solvitur, quod & per consilium solidatur.

tur. Nisi enim mens omni modo æterna despiceret, in culpa ex (a) iudicio non periret. Hoc ergo præcipatione lapsis per consilium pereuntes differunt, quod cum hi a statu justitiæ peccando concidunt, plerumque simul & in laqueum desperationis cadunt. Hinc est quod per Prophetam Dominus non tam præcipationum prava, quam delictorum studia reprehendit, dicens: *Ne forte egrediatur ut ignis indignatio mea, & succendatur, & non sit qui extinguat, propter malitiam studiorum vestrorum.* Hinc iterum iratus dicit: *Visitabo super vos juxta fructum studiorum vestrorum.* Quia ergo peccatis aliis differunt peccata quæ per consilium perpetrantur, non tam prave facta Dominus, quam studia pravitatis insequitur. In factis enim sæpe infirmitate, sæpe negligentia: in studiis vero malitiosa semper intentione peccatur. Quo contra recte beati viri expressione per Prophetam dicitur: *Et in cathedra pestilentiae non sedit.* Cathedra quippe iudicis esse vel præsidentis solet. In cathedra autem pestilentiae sedere, est ex iudicio prava committere: in cathedra pestilentiae sedere, est & ex

(a) Cod. ex consilio non periret.

ex ratione mala discernere, & tamen ex deliberatione perpetrare. Quasi in perversi consilii cathedra sedet, qui tanta iniquitatis elatione attollitur, ut adimplere malum etiam per consilia conetur. Et sicut assistentibus turbis prælati sunt qui cathedræ honore fulciuntur, ita delicta eorum qui præcipitatione corruunt, exquisita per studium peccata transcendunt. Admonendi ergo sunt, ut hinc colligant qui in culpa etiam se per consilium ligant, (a) qua quandoque ultione feriendi sunt, qui nunc pravorum non socii, sed principes sunt.

CAPUT XXXV.

Quomodo admonendi qui minimis, sed crebris noxis: & qui minimas caventes gravibus aliquando immerguntur.

Aliter admonendi sunt qui licet minima, crebro tamen illicita faciunt: atque aliter qui se a parvis custodiunt, sed aliquando in gravibus demerguntur. Admonendi sunt qui quamvis in minimis, sed tamen frequenter excidunt, ut ne-

L 4

qua-

(a) Cod. quia quandoque.

quaquam considerent qualia, sed quanta committunt. Facta enim sua si despiciunt timere cum pensant; debent formidare cum numerant. Altos quippe gurgites fluminum, parvæ sed innumeræ replent guttæ pluviarum. Et hoc agit sentina latenter excrescens, quod patenter procella sæviens. Et minuta sunt quæ erumpunt membris per scabiem vulnera, sed cum multitudo eorum innumerabiliter occupat, sic vitam corporis, sicut unum grave inflictum pectori vulnus, necat. Hinc videlicet scriptum est: *Qui modica spernit, paulatim decedit*. Qui enim peccata minima flere ac devitare negligit, a statu justitiæ non quidem repente, sed partibus totus cadit. Admonendi sunt qui in minimis frequenter excidunt, ut sollicite considerent, quia nonnumquam in parva deterius, quam in majori culpa peccatur. Major enim, quo citius quia sit culpa agnoscitur, eo etiam celerius emendatur: minor vero dum quasi nulla creditur, eo pejus, quo & securius in usu retinetur. Unde fit plerumque, ut mens assueta malis levibus nec gravia perhorrescat, atque ad quamdam auctoritatem nequitiae per culpas nutrita perveniat: & tan-

to

Eccli. 19.
2.

to in majoribus contemnat pertimescere, quanto in minimis didicit non timendo peccare.

At contra admonendi sunt qui se a parvis custodiunt, sed aliquando in gravibus demerguntur, ut sollicitè seipsum deprehendant: quia dum cor eorum de custoditis minimis extollitur, ad perpetranda graviora ipso elationis suæ barathro devorantur: & dum foris sibi parva subiiciunt, sed per inanem gloriam intus intumescunt, languore superbiæ intrinsecus victam mentem etiam foras per mala majora prosternunt. Admonendi ergo sunt qui se a parvis custodiunt, sed aliquando in gravibus demerguntur, ne ubi se stare extrinsecus æstimant, ibi intrinsecus cadant, & juxta districti judicis retributionem elatio minoris justitiæ via fiat ad foveam gravioris culpæ. Qui enim vane elati, boni minimi custodiam suis viribus tribuunt, justè derelicti culpis majoribus obruantur: & cadendo discunt non fuisse proprium quod steterunt, ut mala immania cor reprimant, quod minima bona exaltant. Admonendi sunt ut considerent, quod & in culpis gravioribus alto reatu se obligant, & tamen plerumque in parvis quæ cu-

stodiunt, deterius peccant: quia & in illis iniqua faciunt, & per ista se hominibus quod iniqui sunt, tegunt. Unde fit, ut cum majora mala perpetrant coram Deo, apertæ iniquitatis sint: & cum parva bona custodiunt coram hominibus, simulatæ sanctitatis. Hinc est enim quod

Matth. Pharisæis dicitur: *Liquantes culicem,*
23. 24. *camelum autem glutientes.* Ac si aperte diceretur: Minima mala discernitis, majora devoratis. Hinc est quod rursus ore Veritatis increpantur, cum audiunt: *Decimatis mentham, & anethum, & cuminum: & relinquitis quæ graviora sunt Legis, & iudicium, & misericordiam, & fidem.* Neque enim negligenter audiendum est, quod cum decimari minima diceret: extrema quidem de oleribus maluit, sed tamen bene olentia memorare: ut profecto ostenderet, quia simulatores cum parva custodiunt, odorem de se extendere sanctæ opinionis quærunt: & quamvis implere maxima prætermittant, ea tamen minima observant, quæ humano iudicio longe lateque redoleant.

CAPUT XXXVI.

Quamodo admonendi qui bona nec inchoant, & qui inchoata non absolvunt.

ALiter admonendi sunt qui bonæ nec inchoant, atque aliter qui inchoata minime consumant. Qui enim bona nec inchoant, non sunt eis prius ædificanda quæ salubriter diligant, sed destruenda ea in quibus semetipsos nequiter versant. Neque enim sequuntur quæ inexperta audiunt, nisi prius quam perniciofa sint ea quæ sibi sunt experta, deprehendant: quia nec levare appetit qui & hoc ipsum quia cecidit nescit, & qui dolorem vulneris non sentit, salutis remedia non requirit. Prius ergo ostendenda sunt, quam sint vana quæ diligunt, & tunc demum vigilanter intimanda quam sint utilia quæ prætermittunt. Prius videant fugenda quæ amant, & sine difficultate postmodum cognoscant amanda esse quæ fugiunt. Melius enim inexperta recipiunt, si de expertis quidquid disputationis audiunt veraciter cognoscunt. Tunc igitur pleno voto discunt vera bona quærere, cum certo iudicio deprehenderint falsa se

254 S. Gregorii Reg. Pastoralis ;
vacue tenuisse. Audiant ergo, quod
bona præsentia & a delectatione ci-
tius transitura sunt, & tamen eo-
rum causa ad ultionem sine transi-
tu permanfura: quia & nunc quod
libet invitis subtrahitur, & tunc
quod dolet invitis in supplicium re-
servatur. Itaque eisdem rebus ter-
reantur salubriter, quibus noxie de-
lectantur: ut dum perculsa mens al-
ta ruinæ suæ damna conspiciens se-
se in præcipitium pervenisse depre-
hendit, gressum post terga revocet,
& pertimescens quæ amaverat, dis-
cat diligere quæ contemnebat.

Jer. 1.
10.

Hinc est enim quod Jeremiæ mis-
so ad prædicationem dicitur: *Ecce
constitui te bodie super gentes & super
regna, ut evellas & destruas, & di-
spendas & dissipas, & ædifices & plan-
tes*. Quia nisi prius perversa destrue-
ret, ædificare utiliter recta non pos-
set: nisi ab auditorum suorum cor-
dibus spinas vani amoris evelleret,
nimirum frustra in eis sanctæ præ-
dicationis verba plantaret. Hinc est
quod Petrus prius evertit, ut postmo-
dum construat, cum nequaquam Ju-
dæos monebat quid jam facerent,
sed de his quæ fecerant, increpabat
dicens: *Jesum Nazarenum virum ap-
probatum a Deo in vobis, virtutibus*

Act. 2. v.
22. 23. &
24.



& prodigiis & signis quæ per illum fecit Deus in medio vestri, sicut vos scitis: hunc definito consilio & præscientia Dei traditum, per manus iniquorum affigentes interemistis; quem Deus suscitavit solutis doloribus inferni: Ut videlicet crudelitatis suæ cognitione destructi, ædificationem sanctæ prædicationis quanto anxie quærerent, tanto utiliter audirent. Unde & illico responderunt. *Quid ergo faciemus, viri fratres?* Quibus mox dicitur: *Agite pœnitentiam, & baptizetur unusquisque vestrum.* Quæ ædificationis verba profecto contemnerent, nisi prius salubriter ruinam suæ destructionis invenissent. Hinc est quod Saulus cum super eum cælitus lux emissa resplenduit; non jam quid recte deberet facere; sed quid prave fecisset, audivit. Nam cum prostratus requireret; dicens; *Quis es Domine?* Respondetur protinus; *Ego sum Jesus Nazarenus;* quem tu persequeris. Et cum repente subjungeret; *Domine, quid me iubes facere?* Illico adjungitur; *Surgens ingredi civitatem, & ibi dicitur tibi quid te oporteat facere.* Ecce de cælo Dominus loquens persecutoris sui facta corripuit, nec tamen illico quæ essent facienda monstravit.

*Ibid. v.
37. & 38*

*Ab. 9. v.
4. & c.
c. 12.
v. 7. & c.*

Ibidem,

Ibidem,

vit. Ecce elationis ejus fabrica jam tota corruerat, & post ruinam suam humilis ædificari requirebat; & cum superbia destruitur, ædificationis tamen verba retinentur: ut videlicet persecutor immanis diu destructus jaceret, & tanto post in bonis solidius surgeret, quanto prius funditus everfus a pristino errore cecidisset. Qui ergo nulla adhuc agere bona cœperunt, a rigiditate antea suæ pravitatis, correctionis manu evertendi sunt, ut ad statum postmodum rectæ operationis erigantur: quia & idcirco altum silvæ lignum succidimus, ut hoc in ædificii tegmine sublevemus: sed tamen non repente in fabrica ponitur, ut nimirum prius vitiosa ejus viriditas exsicceetur, ejus quoque plus in infimis humor excoquitur, eo ad summa solidius levatur.

At contra admonendi sunt qui inchoata bona minime consumant, ut cauta circumspeditione considerent, quia dum proposita non perficiunt, etiam quæ fuerant cœpta convellunt. Si enim quod videtur gerendum, sollicita intentione non crescit, etiam quod fuerat bene gestum decrescit. In hoc quippe mundo humana anima quasi more navis est contra idum fluminis conscendentis: uno in loco

co nequaquam stare permittitur, quia ad ima relabitur, nisi ad summa conetur. Si ergo inchoata bona fortis operantis manus ad perfectionem non subleuat, ipsa operandi remissio contra hoc quod operatum est, pugnat. Hinc est enim quod per Salomonem dicitur: *Qui mollis & dissolutus est in opere suo, frater est sua opera dissipantis.* Prov. 10. 9. Quia videlicet qui cœpta bona districte non exequitur, dissolutione negligentiae manum destruentis imitatur. Hinc Sardis Ecclesiae ab Angelo dicitur. *Eslo vigilans, & confirma cetera quae moritura erant: non enim invenio opera tua plena coram Deo meo.* Apoc. 3. Quia igitur plena coram Deo ejus opera inventa non fuerant, moritura reliqua etiam quae erant gesta prædicebat. Si enim quod mortuum in nobis est, ad vitam non accenditur, hoc etiam extinguitur, quod quasi adhuc vivum tenetur. Admonendi sunt ut perpendant, quod tolerabilius esse potuisset recti viam non arripere, quam arrepta post tergum redire. Nisi enim retro aspicerent, erga cœptum studium nullo torpore languerent. Audiant ergo quod scriptum est: *Melius erat eis non cognoscere viam justitiae, quam post agnitionem retrorsum converti.* 2. Petr. Audiant quod scrip-

Apost. 36. scriptum est: *Utinam frigidus esses, aut calidus: sed quia tepidus es, & 35.* nec frigidus nec calidus, incipiam te evomere ex ore meo. Calidus quippe est qui bona studia & arripit & consummat: frigidus vero est qui consummanda nec inchoat. Et sicut a frigore per teporem transitur ad calorem, ita a calore per teporem reditur ad frigus. Quisquis ergo amisso infidelitatis frigore vivit, sed nequaquam tepore superato excrescit ut ferveat, proculdubio calore desperato, dum noxio in tepore demoratur, agit ut frigescat. Sed sicut ante teporem frigus sub spe est, ita post frigus tepor in desperatione. Qui enim adhuc in peccatis est, conversionis fiduciam non amittit. Qui vero post conversionem tepuit, & spem, quæ esse potuit de peccatore, subtrahit. Aut calidus ergo quisque esse, aut frigidus quæritur, ne tepidus evomatur: ut videlicet aut necdum conversus, adhuc de se spem conversionis præbeat, aut jam conversus in virtutibus inardescat, ne evomatur tepidus, qui a calore quem proposuit, torpore ad noxium frigus redit.

CAPUT XXXVII.

*Quomodo admonendi qui mala clam ,
& bona palam faciunt ; ac qui
versa vice .*

ALiter admonendi sunt qui mala occulte agunt , & bona publice : atque aliter qui bona quæ faciunt abscondunt , & tamen quibusdam factis publice mala de se opinari permittunt. Admonendi enim sunt qui mala occulte agunt , & bona publice , ut pensent humana judicia quanta velocitate evolant , divina autem quanta immobilitate perdurant. Admonendi sunt , ut in fine rerum mentis oculos figant : quia & humanæ laudis attestatio præterit , & superna sententia , quæ & abscondita penetrat , ad retributionem perpetuam convalescit . Dum igitur occulta mala sua divinis judiciis , recta autem sua humanis oculis anteponunt , & sine teste est bonum , quod publice faciunt , & non sine æterno teste est quod latenter delinquant. Culpas itaque suas occultando hominibus , virtutesque pandendo , & unde puniri debeant abscondentes detegunt , & unde remunerari poterant , detegentes abscon-

scondunt. Quos recte sepulcra dealbata speciosa exterius, sed mortuorum ossibus plena Veritas vocat: quia vitiorum mala intus contegunt, humanis vero oculis quorundam demonstratione operum, de solo foris iustitiæ colore blandiuntur. Admonendi itaque sunt, ne quæ agunt recta despiciant, sed ea meriti melioris credant. Valde namque bona sua diiudicant, qui ad eorum mercedem sufficere humanos favores putant. Cum enim pro recto opere laus transitoria quaeritur, æterna retributione res digna vili pretio venundatur. De quo videlicet pretio percepto Veritas dicit: *Amen dico vobis, recoperunt mercedem suam.* Admonendi sunt ut considerent, quia dum pravos se in occultis exhibent, sed tamen exempla de se publice in bonis operibus præbent, ostendunt sequenda quæ fugiunt, clamant amanda quæ oderunt, vivunt postremo aliis, & sibi moriuntur.

At contra admonendi sunt qui bona occulte faciunt, & tamen quibusdam factis publice de se mala opinari permittunt, ne cum bona semetipsos actionis rectæ virtute vivificant, in se alios per exemplum prævæ æstimationis occidant: ne minus
quam

quam se proximos diligant, & cum ipsi salubrem potum vini sorbeant, intentis in sui consideratione mentibus pestiferum veneni poculum fundant. Hi nimirum in uno proximorum vitam minus adjuvant, in altero multum gravant, dum student, & recta occulte agere, & quibusdam factis ad exemplum de se prava seminare. Quisquis enim laudis concupiscentiam calcare jam sufficit, ædificationis fraudem perpetrat, si bona quæ agit, occultat: & quasi jactato semine germinandi radices subtrahit, qui opus quod imitandum est, non ostendit. Hinc namque in Evangelio Veritas dicit: *Videant opera vestra bona; & glorificent Patrem* Matt. 5. 16. *vestrum qui in cælis est.* Ubi illa quoque sententia, promitur, quæ longe aliud præcepisse videtur, dicens: *Attendite ne justitiam vestram faciat* Matt. 6. *coram hominibus, ut videamini ab eis.*

Quid est ergo quod opus nostrum & ita faciendum est ne videatur, & tamen ut debeat videri præcipitur, nisi quod ea quæ agimus, & occultanda sunt, ne ipsi laudemur, & tamen ostendenda sunt, ut laudem cælestis Patris augeamus? Nam cum nos justitiam nostram coram hominibus

ni-

nibus facere Dominus prohiberet, illico adjunxit: *Ut videamini ab eis.* Et cum rursus videnda ab hominibus bona opera nostra præciperet, protinus subdidit: *Ut glorificent Patrem vestrum qui in cælis est.* Qualiter igitur videnda essent, vel qualiter non videnda, ex sententiarum fine monstravit: quatenus operantis mens opus suum & propter se videri non quæreretur, & tamen hoc propter cælestis Patris gloriam non celaret. Unde fit plerumque, ut bonum opus & in occulto sit, cum sit publice, & rursus in publico, cum agitur occulte. Qui enim in publico bono opere non suam, sed superni Patris gloriam quærit, quod fecit abscondit: quia solum illum testem habuit, cui placere curavit. Et qui in secreto suo bono opere deprehendi ac laudari concupiscit: & nullus fortasse vidit quod exhibuit, & tamen hoc coram hominibus fecit: quia tot testes in bono opere secum duxit, quot humanas laudes in corde requisivit. Cum vero prava æstimatio, in quantum sine peccato valet, ab intuentium mente non tergitur, cunctis mala credentibus per exemplum culpa propinatur. Unde & plerumque contingit, ut qui negligenter

*Matt. 5.
16.*

genter de se mala opinari permittunt, per semetipsos quidem nulla iniqua faciant; sed tamen per eos qui se imitati fuerint, multiplicius delinquant. Hinc est quod Paulus immunda quædam sine pollutione comedentibus, sed imperfectis tentationis scandalum sua hac comestione moventibus dicit: *Videte ne forte hæc licentia vestra offendiculum fiat infirmis.* Et rursum: *Et peribit infirmus in tua conscientia frater, propter quem Christus mortuus est.* Sic autem peccantes in fratres, & percutientes conscientiam eorum infirmam, in Christum peccatis. Hinc est quod Moyses cum diceret: *Non maledices surdo,* protinus adjunxit: *Nec coram cæco pones offendiculum.* Surdo quippe maledicere, est absenti & non audienti derogare: coram cæco vero offendiculum ponere, est discretam quidem rem agere, sed tamen ei qui lumen discretionis non habet, scandalum occasionem præbere.

1. Cor.
8. 9.

Ibid. v.

11. 12.

Levit.
19. 14.

CA-

C A P U T XXXVIII.

*De exhortatione multis exhibenda, ut
sic singulorum virtutes adjuvet, qua-
tenus per hanc contraria virtu-
tibus vitia non excrescant.*

HÆc sunt quæ Præsul animarum
in prædicationis diversitate cu-
stodiant, ut sollicitus congrua singu-
lorum vulneribus medicamina (a) op-
ponat. Sed cum magni sit studii,
ut exhortandis singulis serviatur ad
singula, cum valde laboriosum sit
unumquemque de propriis sub dis-
pensatione debitæ considerationis in-
struere; longe tamen laboriosius est
auditores innumeros ac diversis pas-
sionibus laborantes, uno eodemque
tempore voce unius cōmunis exhor-
tationis admonere: ibi quippe tan-
ta arte vox temperanda est, ut cum
diversa sint auditorum vitia, & sin-
gulis inveniatur congrua, & tamen
sibimetipsi non sit diversa, ut inter
passiones medias uno quidem ductu
transeat, sed more bicipitis gladii
tumores cogitationum carnalium ex
diverso latere incidat, quatenus sic
superbis prædicetur humilitas, ut
ta-

(a) Cod. *adponat.*

tamen timidis non augeatur metus: Sic timidis infundatur auctoritas, ut tamen superbis non crescat effrenatio. Sic otiosis ac torpentibus prædicetur sollicitudo boni operis, ut tamen inquietis immoderatæ licentia non augeatur actionis. Sic inquietis ponatur modus, ut tamen otiosis non fiat torpor securus. Sic ab impatientibus extinguatur ira, ut tamen remissis ac lenibus non crescat negligentia. Sic lenes accendantur ad zelum, ut tamen iracundis non addatur incendium. Sic tenacibus infundatur tribuendi largitas, ut tamen prodigis effusionis fræna minime laxentur. Sic prodigis prædicetur parcitas, ut tamen tenacibus periturarum rerum custodia non augeatur. Sic incontinentibus laudetur conjugium, ut tamen jam continentes non revo-centur ad luxum. Sic continentibus laudetur virginitas corporis, ut tamen in conjugibus despecta non fiat fecunditas carnis. Sic prædicanda sunt bona, ne ex latere juventur & mala: Sic laudanda sunt bona summa, ne (a) desperentur ultima. Sic nutrienda sunt ultima, ne dum sufficere creduntur, nequaquam tendatur ad summa.

CA-

(a) Cod. ne despiciantur ultima.

*De exhortatione quæ uni adhibenda est
contrariis passionibus laboranti.*

- (a) **E**T gravis quidem prædicatori labor est, in communis prædicationis voce, ad occultos singulorum motus causasque vigilare, & palearum more in diversi lateris arte se vertere: multo tamen acriori labore fatigatur, quando uni è contrariis vitiis fervienti prædicare compellitur. Plerumque enim quis lætæ nimis conspersione existit, sed tamen eum repente tristitia oborta immaniter deprimit. Curandum est itaque prædicatori, quatenus sic tergatur tristitia quæ venit ex tempore, ut non augeatur lætitia quæ suppetit ex conspersione: & sic frænctur lætitia quæ ex conspersione est, ut tamen non crescat tristitia quæ venit ex tempore. Ille gravatur usu immoderatæ præcipitationis, & aliquando tamen ab eo, quod festine agendum est, eum vis præpedi subito natæ formidinis. Ille gravatur usu immoderatæ formidinis, & aliquando tamen in eo quod appetit, temeritate impellitur præcipitationis. Sic itaque in isto reprimatur subito oborta formido, ut tamen non ex-
- (a) in Cod. *et est* · Et, cres-

crescat enutrita diu præcipitatio : Sic in illo reprimatur repente oborta præcipitatio, ut tamen non conualescat impressa ex conspersione formido. Quid autem mirum si mentium medici ista custodiunt, dum tanta discretionis arte se temperant qui non corda sed corpora medentur? Plerumque enim debile corpus opprimit languor immanis, cui languori scilicet obviari adiutoriis fortibus debet, sed tamen corpus debile, adiutorium forte non sustinet. Studeat igitur qui medetur, quatenus sic superexistentem morbum subtrahat, ut nequaquam supposita corporis debilitas crescat, ne fortasse languor cum vita deficiat. Tanta ergo adiutorium discretionem componit, ut uno eodemque tempore & languori obviet & debilitati. Si igitur medicina corporis indivise adhibita servire divisibiliter potest (tunc enim vere medicina est, quando sic per eam vitio superexistenti succurritur, ut etiam suppositæ conspersioni serviatur) cur medicina mentis una eademque prædicatione apposita, morum morbis diverso ordine obviare non valeat, quæ tanto subtilior agitur, quanto de invisibilibus (a) tractatur?

(a) Cod. tractat.

M

CA.

CAPUT XL.

Quod aliquando leviora vitia relinquenda sunt, ut graviora subtrahantur.

Sed quia plerumque dum duorum vitiorum languor irruit, hoc levius, illud fortasse gravius premit: ei nimirum vitio rectius sub celeritate subvenitur, per quod festine ad interitum tenditur. Et si hoc a vicina morte restringi non potest, nisi illud etiam quod existit contrarium crescat, tolerandum est Prædicatori, ut per exhortationem suam artificioso moderamine unum patiatur crescere, quatenus possit aliud a vicina morte retinere. Quod cum agit, non morbum exaggerat, sed vulnerati sui cui medicamentum adhibet, vitam servat, ut exquirendæ salutis congruum tempus inveniat. Sæpe enim quis a ciborum se ingluvie minime temperans, jamjamque pene superatus luxuriæ stimulis premitur, qui hujus pugnæ metu territus, dum se per abstinentionem restringere nititur inanis gloriæ temptatione fatigatur, in quo nimirum unum vitium nullatenus extinguitur, nisi aliud nutritia-

triat^{ur}. Quæ ergo pestis ardentius insequenda est, nisi quæ periculosius premit? Tolerandum namque est ut per virtutem abstinentiæ interim arrogantia contra viventem crescat, ne eum per ingluviem a vita funditus luxuria extinguat. Hinc est quod Paulus cum infirmum auditorem suum perpenderet, aut prava adhuc velle agere, aut de actione recta humanæ laudis retributione gaudere, ait: *Vis non timere potestatem, bonum fac, & habebis laudem ex illa.* Rem. 11. 1. Neque enim ideo bona agenda sunt, ut potestas hujus mundi nulla timeatur, aut per hæc gloria transitoria laudis sumatur. Sed cum infirmam mentem ad tantum robur ascendere non posse pensaret, ut & pravitatem vitaret simul & laudem, prædicator egregius ei, admonendo aliquid obtulit, & aliquid tulit, concedendo enim (a) lenia subtraxit aciora, ut (b) quia ad deferenda cuncta simul non assurgeret, dum in quodam suo vitio animus familiariter relinquitur, a quodam vitio suo sine labore tolleretur.

M 2

CA.

(a) Cod. lenia. (b) Cod. qui.

CAPUT XLL

*Quod infirmis mentibus omnino
non debent alta
prædicari.*

(a) **S**ciendum verè est prædicatori, ut auditoris sui animum ultra vires non trahat, ne (ut ita dicam) dum plusquam valet tenditur, mentis chorda rumpatur. Alta enim quæque debent multis audientibus con- tegi, & vix paucis aperiri. Hinc namque per semetipsam veritas dicit: *Quis putat se fidelis dispensator, & prudens, quem constituit Dominus su-*
per familiam suam, ut det illis in
tempore tritici mensuram. Per mensuram quippe tritici exprimitur modus verbi, ne cum angusto cordi incapabile aliquid tribuitur, extra fundatur. Hinc Paulus ait: *Non potui vobis loqui quasi spiritualibus, sed quasi carnalibus. Tanquam parvulis in Christo, lac vobis potum dedi, non escam.* Hinc Moyses a secreto Dei exiens coruscantem coram populo faciem velat, quia nimirum turbis, claritatis intimæ arcana non indicat.

(a) Cod. *studendum verò est prædicatori.*

eat . Hinc per eum divina voce præ- *Ibid. 10*
cipitur, ut is qui cisternam foderit, ^{11.}
si operire neglexerit, corruente in
ea bove, vel asino, pretium reddat,
quia ad alta scientiæ fluentia perve-
niens, cum hæc apud bruta audien-
tium corda non contegit, pœnæ re-
us addicitur, si per verba ejus in
scandalum, sive munda, sive immun-
da mens capiatur . Hinc ad beatum
Job dicitur . *Quis dedit gallo intel-* *Job. 38.*
ligentiam? Prædicator etenim sanctus ^{16.}
dum caliginoso hoc clamat tempore
quasi gallus cantat in nocte, dum
dicit . *Hora est jam nos de somno sur-*
gere . Et rursum : *Evigilate justi,* & *Rom.*
nolite peccare . Gallus autem profun- ^{13. 116.}
dioribus horis noctis, altos edere can-
tus solet . Cum vero matutinum jam
tempus in proximo est, minutas, ac
tenuēs voces format, quia nimirum
qui recte prædicat obscuris adhuc cor-
dibus aperta clamat, nil de occul-
tis mysteriis indicat, ut tunc subti-
lora quæque de cælestibus audiant,
cum luci veritatis appropinquant .

CAPUT XLII.

*De opere prædicatoris,
& voce.*

SEd inter hæc ad ea quæ jam superius diximus charitatis studio retorquemur, ut prædicator quisque plus actibus quam vocibus insonet, & bene vivendo vestigia sequacibus imprimat potius, quam loquendo quo gradientur ostendat. Quia & gallus iste, quem pro exprimenda boni prædicatoris specie in locutione sua Dominus assumit, cum jam edere cantus parat, prius alas excutit, & semetipsum feriens vigilantiores reddit. Quia nimirum necesse est, ut hi qui verba sanctæ prædicationis movent, prius studio bonæ actionis evigilent, ne in semetipsis torpentes opere, alios excitent voce. Prius se per sublimia facta excutiant, & tunc ad bene vivendum alios sollicitos reddant. Prius cogitationum alis semetipsos feriant, quicquid in se inutiliter torpet, sollicita instigatione deprehendant, districta animadversione corrigant, & tunc demum aliorum vitam loquendo componant. Prius punire

nire propria fletibus curent, & tunc
quæ aliorum punienda sunt denun-
cient, & antequam verba exhorta-
tionis insonent, omne quod locutu-
ri sunt operibus clament.



M 4

QUAR.



QUARTA PARS

QUALITER PRÆDICATOR

Omnibus rite peractis ad semetipsum redeat, ne hunc vel victa, vel prædicatio extollat.

Sed quia sæpe dum prædicatio modis congruentibus ubertim funditur, apud semetipsum de ostensione sui occulta lætitia loquentis animus sublevatur, magna cura necesse est ut timoris laceratione se mordeat, ne qui aliorum vulnera medendo ad salutem revoceat, ipse per negligentiam suæ salutis intumescat, ne proximos juvando se deserat, ne alios erigens, eadat. Nam quibusdam sæpe magnitudo virtutis, occasio perditionis fuit, ut cum de confidentia virium inordinate securi sunt, per negligentiam inopinate morerentur. Virtus namque cum vitiis renititur, quadam delectatione ejus, sibi metipsum animus blanditur. Fitque ut bene agentis

tis mens metum suæ circumspeditionis abiiciat, atque in sui confidentia secunda requiescat, cui jam torpenti seductor callidus omne quod bene gessit enumerat, eamque quasi præ cæteris præpollentem in tumore cogitationis exaltat. Unde agitur, ut ante iusti iudicis oculos fovea mentis sit memoria virtutis, quia reminiscendo quod gessit, dum se apud se erigit, apud humilitatis auctorem cadit. Hinc namque superbienti animæ dicitur: *Quo pulchrior es, desce, & dormi cum incircumcisis.* Ezech. 12. 19.

Ac si aperte diceretur: Quia ex virtutum decore te elevas, ipsa tua pulchritudine impelleris, ut cadas. Hinc sub Hierusalem specie, virtute superbiens anima reprobatur, cum dicitur: *Perfecta eras in decore meo, quem posueram super te dicit Dominus, & habens fiduciam in pulchritudine tua, fornicata es in nomine tuo.* Ezech. 16. v. 24. & 15.

Fiducia quippe suæ pulchritudinis animus attollitur, cum de virtutum meritis lata apud se securitate gloriatur. Sed per hanc eandem fiduciam ad fornicationem ducitur, quia cum interceptam mentem cogitationes suæ decipiant, hanc maligni spiritus per innumera vitia seducendo corrumpunt. Notandum vero quod

M 3

dici-

276 S. Gregorii Reg. Pastoralis,
 dicitur, fornicata es in nomine tuo,
 quia cum respectum mens superni
 rectoris deserit, laudem protinus pri-
 vatam quærit, & sibi arrogare inci-
 pit omne bonum, quod ut largito-
 ris præconio serviret, accepit, opi-
 nionis suæ gloriam dilatare deside-
 rat, fatagit, ut mirabilis cunctis in-
 notescat. In suo ergo nomine forni-
 catur, quæ (a) legalis thori connu-
 bium deserens, corruptori spiritui in
 laudis appetitu subternitur. Hinc Da-

Psal. 77.
61. vid ait: *Tradidit in captivitatem vir-*
tutem eorum, & pulchritudinem eorum
in manus inimici. In captivitatem

etenim virtus, & pulchritudo in ma-
 nus inimici traditur, cum deceptæ
 menti antiquus hostis ex boni operis
 elatione dominatur, quæ tamen vir-
 tutis elatio, quamvis plene non su-
 perat, utcumque tamen & electorum
 animum sæpe tentat, sed cum sub-
 levatur destituitur, & destitutus ad
 formidinem revocatur. Hinc etenim

Psal.
27. 9. David iterum ait: *Ego dixi in abun-*
dantia mea, non movebor in æternum.

Sed (b) quia de confidentia virtutis
 intumuit, paulo post quod pertulit,
Ibid. v.
3. adjunxit. *Avertisti faciem tuam a me,*
& factus sum conturbatus. Ac si a-
 perte dicat: Portem me inter virtu-
 tes

(a) Cod. *regalis thori.* (b) Cod. *(sed quis.*

tes credidi, sed quantæ infirmitatis
 fim, derelictus agnovi. Hinc quoque
 dicit: *Juravi, & statui custodire ju-* Psal.
118.
106.
dicia justitiæ tuæ. Sed quia ejus vi-
 rium non erat manere in custodia
 quam jurabat, debilitatem suam pro-
 tinus turbatus invenit. Unde & ad
 precis opem repente se contulit di-
 cens: *Humiliatus sum usquequaque Do-*
mine, vivifica me secundum verbum Ibid. v.
107.
tuum. Nonnunquam vero superna mo-
 deratio priusquam per munera pro-
 vehat infirmitatis memoriam ad men-
 tem revocat, ne de acceptis virtuti-
 bus intumescat. Unde Ezechiel
 Propheta quoties ad contemplanda
 cœlestia ducitur, prius filius homi-
 nis vocatur. Ac si hunc aperte Do-
 minus admoneat, dicens: Ne de his
 quæ vides elatione cor subleves, cau-
 tus perpende quid es: ut cum sum-
 ma penetras, esse te hominem reco-
 gnoscas: quatenus dum ultra te rape-
 ris, ad temetipsum sollicitus infirmi-
 tatis tuæ fræno revoceris. Unde ne-
 cesse est, ut cum virtutum nobis co-
 pîa blanditur, ad infirma sua mentis
 oculus, redeat, seseque salubriter
 deorsum premat, (a) ne recta quæ
 agit, sed quæ agere neglexit, aspi-
 piciat: ut dum cor ex memoria in-
 fir-

(a) Cod. nec recta.

278 *S. Gregorii Reg. Pastoralis*,
firmitatis atteritur, apud humilitatis auctorem robustius in virtute solidetur. Quia & plerumque omnipotens Deus idcirco rectorum mentes quamvis ex magna parte perficit, imperfectas tamen ex parva aliqua parte derelinquit, ut cum miris virtutibus rutilant, imperfectio- nis suæ tædio tabescant, & nequaquam se de magnis erigant, dum adhuc contra minima innitentes laborant: sed quia extrema non valent vincere, de præcipuis actibus non audeant superbire.

Ecce bone vir reprehensionis meæ necessitate compulsus, dum monstrare qualis esse debeat pastor invigilo, pulchrum depinxi hominem pictor fœdus, aliosque ad perfectionis littus dirigo, qui adhuc in delictorum fluctibus versor. Sed in huius quæso vitæ naufragio, orationis tuæ me tabula sustine, (a) ut quia pondus proprium deprimit, tui meriti manus me levet.

(a) Cod. ut quem pondus proprium deprimit, tui me meriti manus levet.

COD. EXPLICIT LIBER PASTORALIS
BEATI GREGORII PAPÆ URBIS
ROMÆ.

F I N I S.





005653561

